



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Honori[i] Reggi[i] Kemnathensis De Statu Ecclesiæ  
Britannicæ Hodie, Liber Commentarius**

**Horn, Georg**

**Dantisci, 1647**

De Statu Ecclesiarum In Anglia.

**urn:nbn:de:hbz:466:1-34026**

DE STATU  
ECCLESiarum  
IN  
ANGLIA.

**A**NGLIA his quatuor annis facta est colluvies & lerna omnium errorum ac sectarum. Nulla à condito orbe Provincia, tam parvo spatio, tot monstrosas hæreses protulit, atque hæc. Episcoporum tempora, intra LX annos, non nisi quatuor sectas protulerunt, & eas plerumque in obscuro latentes, Puritanos, Brownistas, Familistas & Anabaptistas. Puritani erant viri pii & Orthodoxi, qui ab Episcopis, quod ad gubernationem, Cerimonias & superstitiones quasdam, dissentiebant. Brownistæ omnino secessionem ab Eccl. Angliæ, tanquam Antichristianâ & spuriâ, fecerunt. Familistæ mieri fanatici erant, in complura genera distracti. Anabaptistæ rari, & fere in solo Pædobaptismo, hærentes.

At nunc ab his retro quatuor annis innumeræ hæreses pullulârunt, & quotidie latius diffunduntur. Primo omnium, abolitâ Hierarchia Episcopali, Orthodoxos controversia quædam de Regimine Ecclesiarum in duas partes distractit; ita ut hi dicerentur Presbyteriani, alii Independentes. Presbyteriani fere sequuntur Ecclesiæ Reformatas in Belgio, Galliâ, Germaniâ; & statuunt regimen Eccl. deberi administrari à Presbyteriis, Classibus, Synodis. Independentes totum regimen ad unam particularem Ecclesiam revocant, & claves toti Ecclesiarum particuliari, non Presbyteris, traditas sustinent. Negant subordinationem Ecclesiarum; Classes, Synodosque enervant.

A

Hi

## 2 DE STATU ECCLESiarum

Hi Independentes, cætera Orthodoxi, fraude Diaboli commune latibulum hæreticorum facti sunt. Nam quia ipsi pro libertate conscientiarum pugnant, & quamlibet Ecclesiam sui juris faciunt; factum est, ut omnes hæretici se sub hoc speciosum nomen recipient, & Independentes dici velint.


Itaque Independentes in Orthodoxos & Fanaticos distinguendi sunt. Quam distinctionem in primis apud Cismarinos observari velim. Ne, dum de sectis, schismatis, hæresibus, confusione Independentium multa & mira audiunt; ea de omnibus accipiant, & ita sanctissimis Ecclesiis injuriam faciant. Quanquam enim negari non possit, Orthodoxos Independentes quosdam haud leviter schismati opitulatos, propter quod etiam Ecclesiæ Dei satisfactionem ab ipsis requirunt: tamen & in doctrina sani, & in reliqua vita sancti sunt. *Orthodoxi Independentes* in solo regimine à Presbyterianis dissentunt; Cætera, quod ad substantiam, Ecclesiis Reformatis ὁμολογεῖ. *Fanatici Independentes* vix in suas classes distingui possunt: tanta est varietas, & pugnantia. Præcipua genera sunt: *Anabaptistæ, Libertini, Ariani, Antiscripturistæ, Chiliasmæ, Antinomi, Manifestarii sive Arminiani, Familistæ, Enthusiastæ, Quærentes sive Exspectantes, Perfectistæ, Sociniani, Antitrinitarii, Sceptici*. Hæc genera recenset Thomas Eduardus in Gangræna sua; sed minus accuratè. Possunt reduci ad pauciores classes, sic ut *Ariani, Sociniani, Antitrinitarii* sub uno; *Anabaptistæ, Enthusiastæ, &c.* sub altero contineantur. Omnes hæ sectæ cum Independentibus in uno tertio conveniunt; & Independentes iis, magno Ecclesiæ præjudicio, favent. Nam volunt Ecclesiæ esse Independentes à Synodis, & pro libertate conscientiarum contendunt, ita ut omnes sectæ tolerentur, quæ in fundamentalibus contra Papistas consentiant. *Sceptici sive Questionistæ, Quærentes, Exspectantes,*

res,

tes, omnia Religionis capita in dubium vocant, nihil certi statuentes, nisi libertatem conscientiarum & Prophetiae. Sed notandum est, omnes has sectas ita inter se mixtas ac confusas esse, ut nulla se in suis principiis contineat, sed simul sint Anabaptistæ, Antinomi, Manifestarii, Libertini, Sociniani, Millenarii, Enthusiaſtæ, &c. *Communia dogmata* omnium sectarum, & quasi vitalis spiritus, sunt: Debetre concedi omnibus libertatem conscientiarum: Ecclesias Presbyteriales esse falsas, & cum iis non communicandum.

*Schema sectarum recentium :*

PURITANI



Sed quoniam hodiernus Eccles. Anglicanæ status penitus introspecti non potest, nisi extrema Episcoporum tradantur, qualia sub infelici Laudo fuerunt; ex quibusdam qui magna persecutionis pars fuerunt, quædam in hanc rem repetenda sunt

Ex Joh. Bastwicki ~~περὶ τῆς Επισκοπῆς~~, sive Apologetico,  
ad Praefules Anglicanos.

Damnatæ luctu & inediâ familiæ innocentissimorum hominum. Egregiæ animæ ob id solum mœrebant, quod

A 2

in

in publico Religionis dehonestamento lætari non poterant. Illi opibus & beneficiis saginati, qui Romanae Ecclesiæ decus tuebantur, Hierarchiam asserebant, ritus propugnabant, & quod quis rebus novandis intentior, eco præceteris honore & gloriâ attolli. Lineæ vestis neglectus esuritione, Ceremoniæ parùm elegans cura vinculis, altare rusticiùs veneratum, nervis & robore expiatum. Adeóque piis hæc vox contra Episcopos extorta : Imperatis, dominamini, agitis, rapitis, vexatis, cuncta pro libidine! Libertas, nomen, existimatio omnium nostrum censuræ vestræ subjacent. Hic fortunis exuitur. Ille cum sordibus conflictatur. Alter inopiâ contabescit. Non nemo in periculoso carcere puram animam, & quâ mundus indignus est, inter pedores efflatam Deo reddit. Totæ familiæ, nec ignobiles, à vobis mactatæ, ad pudendam inopiam delapsæ sunt. Quo tandem in regno immittior dominatio est, quam illa Episcoporum? Omnium regnorum duritiem curiæ vestræ acerbitas egreditur. Nec clementia aut bonitati imputandum, quod à vita membrisque saginatas manus abstinetis. Optimi & indulgentissimi Principis illa bonitas est, qui bibituro sanguinem nostrum furori frenos injicit. Ille si laxaret habenas, in lanienam, in cruces, in ignes, illa feritas erumperet. Quia mortis pena vobis negata est, cruciatum in reos omni morte intolerabilorem editis, carcerem, ignominiam, inopiam, famem & in corpore ærumnoso, devotam diris animam. Conscientiam vestram appello, Præfules, quot divinissimorum hominum voces jussu vestro existinctæ obmutuerint? Scio, quid prætendatis huic facinori; Turbulentos, factiosos, refractarios ab Ecclesia remotos fuisse. Vetus sceleri prætextum. At eorum plurimi Ecclesiæ regimenne verbo quidem læserunt. Pompam omnem Ceremoniarum in Ecclesiis suis passi sunt. Ministerium rite susceptum

ceptum obierunt decorè, vitam egerunt labē & dedecore  
vacuam, & ipsis etiam hostibus probandam. Sed id ad  
perniciem valuit, quod in propria persona ritibus nonnullis  
defungi conscientiæ imbecillitate prohiberentur. Hinc  
iræ, minæ, carcer, exsilium, velut in piaculares victimas  
intentata fucre. Hinc latitantibus vel profugis tralatitiam  
humanitatem exhibere, fraudi multis fuit, omnibus yeti-  
tum. Nolite Ceremoniarum neglectarum obtentu cul-  
pam prætexere. Probos, pios, & iisdem, quibus Aposto-  
li, mandatis instructos pastores ejicitis. Neque stetit fu-  
riosa hæc pœna intra numerum eorum, quos Ecclesiæ regi-  
mini infestos singitis, sed pervagata fuit in capita omnium  
eorum, quos concionandi diligenter nimium & sedulos  
putabatis. Hinc uno fere ictu excisi omnes, qui extra or-  
dinem in parochiis prædicandi munus, nomine lectorum,  
sequebantur. Hoc enim inter vos sæpe dictatum acce-  
pimus: Nimiâ verbi prædicati ubertate lascivire homines.  
Amputandam concionum & concionantium luxuriam.  
Dictum factum. Ceciderunt passim laudati viri, cadentque  
plures. Transeo articulos novos, aucupium novum, qui-  
bus boni viri irretiantur. Vocat me liber ille legifragus,  
expugnator quarti præcepti, impunitate nos pelliciens in  
crimen, à quo nullis satis pœnis nos Deus deterruit. Proh  
dolor! quanti stetit Ecclesiæ tot fidelissimis pastoribus or-  
batæ, ob hanc solam culpam, quod commodare vocem  
propalando flagitio vererentur? Scio vos responsuros,  
jubere Regem, ut editus à se liber ore ministri prælegatur  
populo. Videmus in libri fronte regium nomen; sed la-  
tere fraudem Episcopalem non minus suspicamur. Pietas  
& Justitia Regis nos vetant credere de illo, quod virtuti-  
bus his contrarium est. Procusum hoc inductumque ab  
Episcopis commentum, ut externatæ pietati victrix illu-  
deret <sup>τη βίσηλαν</sup> caterya, simulque introspectâ voluntate fi-

delium Pastorum , qui beneficium post pietatem habent,  
veteribus & bonis expulsis , locus pateficeret novis pravis-  
que, quibus omnia cum precio honesta sunt. Quid enim,  
si hoc non est Euangelio spiritum intercludere ? Jam verò  
cum bipedi indocto , caudici sericato , vix callenti literas,  
duo, sæpe tria , forte plura beneficia , velut fortunæ quæ-  
dam missilia adjiciuntur , nihilne detrimenti Euangelium  
accipit ? At bone Deus ! quos ille curiones in parva bene-  
ficia velut Proprætores in Provincias mittit , quàm sibi si-  
miles, quàm pares ? Non ovum ab ovo indiscretius. Sic  
in populis ignorantia nutritur, sic stupor alitur, sic in herba  
Euangelium suffocatur. Dei mandatum est, ut diem septi-  
mum negotiis nostris subductum , cultui suo & veneratio-  
ni dedicemus. At jussu vestro dies ille inter Deum homi-  
nesque divisus, magnâ sui parte in lusus profanos , cantus,  
tripudia, luctas disperditur. Ita proculcato divino præce-  
pto, obsequium mandatis vestris per pœnas exigitis, pulsis  
sede suâ ministris , quos Dei, conscientiæ, Ecclesiæ diver-  
sum statuentis reverentia , à prælegendo libro retrahebat.  
Responsa Patrum, interpretationes Doctorum, seculorum  
usus , antiquitatis consuetudo , traditiones humanæ sunt.  
Illa tamen inspiratis divinitus Scripturis, illorum authori-  
tatem harum dignitati præponitis. Verba vestra in fre-  
quenti curia exsultabant. Quasi hoc vobis dedecori futu-  
rum esset, si sciat populus , quàm parvi apud vos Scriptu-  
ra sit. Hoc palmarium erat : Nos nec scire , nec noscere  
Scripturas, nisi Patrum testimonio. Sanè Episcopus Flien-  
sis scripturas appellabat hæreticorum effugium, & latibu-  
lum schismaticorum. Quod argumentum nec spernебат,  
culpabatve, Cantuariensis. Londinensis verò præfabatur,  
se magnum quid exspectasse in eo libro , cuius authorem  
tantæ confidentiæ plenum animadverterat . Cæterū in-  
venisse pro thesauro carbones ; Nihil præter Scripturam.

Nec

Nec dissonabat ab Eliensi vir acer , in Scripturarum Epitheto : *Latebra hæreticorum*. Eliensis me omnibus è tri-  
vio maledictis conspuebat, quòd solâ Scripturarum autho-  
ritate , suffragio hæreticorum , uterer. Illas enim nisi  
Patrum interpretamentis & traditione aperiantur, tene-  
brosas & obscuras esse. Illis ipsum Augustinum credi-  
turum non fuisse , nisi propter Ecclesiam. Illas ab Apo-  
cryphis & profanis, nisi Patrum judicio, non discerni. Pa-  
trum operâ nobis Apostolicum Symbolum innotescere.  
Illorum è luce Scripturis oriri claritatem.

Pios homines & Deo devotos , mancipatosque Religio-  
ni, probroso Puritanorum nomine diffamâstis. In hos cu-  
riarum vestrarum despumant odia & sævitiae . Horum  
conventus & præces , exitiali vocabulo conventiculorum  
inussistis. Hos carcer , ignominia , paupertas exedunt.  
Hos inter privatos sermones dictériis, pro concione male-  
dictis, apud regias aures diris calumniis petitis, vulneratis,  
confoditis. Si pluvia, si æstus nocuit, Puritanus culpatur.  
Sterilitatis , pestilentiae nocumenta , invisis horum capitib-  
us adscribuntur. Quicquid Deo peccatis irascente eve-  
nerit , Puritanis imputatur. Ac in incomparabili clemen-  
tia Principem contra crudeles Hamanum artes Deus ob-  
armasset , jamdudum velut in piaculares victimas ( scio  
quod loquor) laniena sæviretur.

Post dedecoratas sacras literas in Calvinum effervescit  
intemperies. Illum *Elienſis* hominem impurum , obscuro  
mundi angulo delitescentem, increpabat. *Cantuarienſis* ve-  
rò turbidum, & avidum rerum novarum, Episcopis inimi-  
cum, ut illis dejectis, Magistratum fastigio suo facilius evol-  
veret. Mirabilis erat in hoc negotio universi confessus  
consensio , Calvinum Magistratui inimicum fuisse ; Om-  
nes Calvinianæ sententiae sectatores Monarchicis Imperiis  
adversari. Cæterùm Episcopos Presbyteris dignitate præ-  
cellere,

cellere, eandem ab Apostolis divino jure institutam, diutinâ Patrum seric probatam, agnitam, honoratam fuisse, donec à Calvino prætexente ambitioni modestiam, primùm impeteretur. Quem *Ehensis* etiam virum nequam, cuncta prioribus seculis placita pervertentem, nominabat.

*Idem author* syllogen habet usurpationum, quibus Episcopi imminuerunt prærogativam Regis, contra disertas regni leges & statuta. Non deterret vos, *inquit*, Edictorum severitas, Præsules, à fabricandis constitutionibus novis ceremoniis, canonibus, articulis juris-jurandi formulis, quæ Rege inconsulto, nullo accepto mandato, typis divulgatis, Ecclesiarumque Gardianis observanda exsequendaque committitis, præscriptis tantum nominibus & auctoritate vestris; tanquam Legislatoria potestas summa sit penes vestrum ordinem. *Et paullo post*: Hujus aliarumq; prohibitionum ejusdem farinæ cursum prælati prædominantes præcluserunt, in grave præjudicium coronæ & dignitatis regiæ, nec non contra antiquissimam regni nostri consuetudinem. Tamen se Regis regnique amicos integrimos jactare haud erubescunt, ipsosque hac in parte contradicentes schismaticos, conspiratores, Puritanos, Novatores, regis, regni, Ecclesiæque hostes infestissimos, usque ad ravim passim vociferantur. Contra mentem hujus Statuti, Præsules, jurisdictionem vestram vindicatis, non quasi derivatam à Rege, & per Regem, & sub Rege constitutam; sed tanquam jure divino vobis datam & concessam: censuris, pœnis, carcere, publicatione bonorum sœvientes in Regii juris & Prærogativæ patronos. Imò eò provehimini audaciæ, Præsules, ut laicis jurisdictionem Ecclesiasticam convenire negetis, nisi à vobis met ipsis, in eosdem derivatam. *Idem*: Quo loco profani, perjuri, Idololatræ vel impunitate vel veniâ gaudent; ibi boni, pii, honesti, contemtam Cerimoniam vestis, vel lignum non

non veneratum, libertatis, bonorum, nominis jacturâ luunt. Romanorum hostes & oppugnatores verborum, minarum, carceris, inopiae sævitiae premitis. Hinc animos despondent boni, Spiritus induunt mali, marcescit Religio, superstitione floret. Friget pietas, Idololatria incalescit. Hinc illa vernalium animarum, & beneficia captantium, ad altaria veneratio; illa solemnis ad orientem obversio, illa profunda ad sonum syllabarum Jesu geniculatio. Hos ritus pœnis sanxistis: horū cultores præmiis beatis. His superstitionis primordiis Idololatriæ, toto mox choragio secuturæ, præluditur.

Nonne itaque Prælati illi Pontificiorum partes agunt, qui Christicolas altari genu flectere instituunt, imò etiam vel pœnis adigunt? Qui alias Papisticas ridiculasque Ceremonias diligentius, quam ipsa Dei præcepta & Euangeliī mysteria inculcant, earumque omissionem vel neglegentum (non à contumacia, sed conscientiâ religiosissimorum progradientem) atrocioribus suppliciis, quam divinæ Legis violationem, atrocissimave scelerâ vindicant: qui concionatorum fidelissimorum ora, ne peccati Antichristique regna labefactarent, passim ad lubitum contra Christi Canonumque statuta, impiissimè præcludunt; qui que suavissimum Jesu nomen genuflexionibus suis assiduis idolizant, supraque Dei Patris, Filii, Spiritus sancti, Immanuelis, Christi, Salvatoris nomina tremenda multis parafangis evehunt.

Hæc ex προτεττη τῶν Επισκόπων Joh. Bastwici. *Laitonus* summatim: Non legimus, *inquit*, de majore persecutione contra populum Dci in ulla natione Euangelium profitente, quam in hac insula, in primis post excessum Elizabethæ. Summa huc redit. Cum primitus sub Edoardo VI, ac iterum sub Elisabetha, Papæ primatus, cum falsa doctrina, fuissent regno Britanniæ ejecta, Episcopatus sive Hierarchia Papalis, demto tantum capite, cum externo Romanæ Ecclesiæ

B

Ecclesiæ

Ecclesiæ cultu ac ceremoniis, retentus est. Igitur tota externa administratio sacrorum Papistica fuit, tota Hierarchia Papalis. Quod etiam ex hoc patet. Cum Papa excommunicare vellet Elizabetham, Franciscus Wallinghamus callido commento eum circumvenit. Duos Papales exploratores quasi secreto in Angliam traduxit; ibique ostendi iis curat sacra solemnia Cantuariæ & Londini, in omnibus Pontificalibus, cum pompa & processione Prælatica, decantata & lecta. Hinc mirati Papam ejus regni excommunicationem moliri, quod Romano cultui tam addictum esset, Romam revertuntur; quid viderint narrant; non alia apud Anglos sacra obtinere, quam quæ & Romæ sint. Sic Bullâ revocatâ, terribile illud fulmen tum evanuit. *Laiton.* Et satis constat, quod Carletonus Cicesteriæ Episcopus in vita Elizabethæ tradit, Pium IV Anglis obtulisse cœnam sub utraque specie; & Liturgiæ (quâ utebantur) vernaculæ confirmationem, modò Primatum Papæ agnoscerent.

Ex hac Hierarchia, plus damni Religio in Anglia accepit, quam Marianis temporibus factum. Primò enim pii, quibus adversa erat illa Episcoporum pompa, fastus, cruces, ceremoniæ, candidæ, & alia nugalia, odio Puritanorum nomine proscissi sunt. Mox, crescente contentione, alia quoque in contemptum nomina conficta; & Prælati illos, qui disciplinam Genevensem sequebantur, Calvinianos, Presbyterianos, disciplinarios, omniparios vocabant: ut ex Laitono & Bastwico patet. Deinde cùm pii viderent indies magis ac magis superstitiones ac impiatem sub Prælatico regimine crescere, sécessionem omnino fecerunt, ac patriâ ob id pulsi, in schisma & graviores errores lapsi sunt. Ita ut Separatismus sive Brownismus non alias habeat authores, quam cum Tyrannide & superstitione Episcopos dominantes.

Sed

Sed quamvis Prælati etiam sub Elisabetha graves es-  
sent, cuius ad Reformationem pronum animum variis ca-  
lumniis intricârunt; dicentes: Si disciplinam constituat, à  
quolibet pastore pagano Regiam Majest. excommunica-  
tum iri: tamen nec sub ea, nec sub Jacobo, ausi sunt Hie-  
rarchiam juris divini facere. *R. Jacobus*, flagrantissimus E-  
piscoporum pater, non tamen unquam eò adigi potuit, ut  
Episcopos jus divinum sibi arrogare permetteret. Itaque  
hactenus jugum regiæ authoritatis, utcunque frementium  
ac furentium Prælatorum humeris impositum mansit. do-  
nec sub Carolo Rege ad eam impudentiam prolapsi sunt.  
Et testatur Baſtwicus: Episcopum Eliensem certare para-  
tum fuisse Episcopalium Infularum pignore; cœſurumque  
se beneficio, niſi probasset authoritatem Episcopalem à ju-  
re divino, nec Regi obnoxiam esse. Idem Cantuariensis  
adſeverabat. Nam Episcopos Regibus vetustiores esse.

Initio Jacobi canones condiderunt, & majorem Ty-  
rannidem quām antè exercuerunt. Statim ultra ccc mī-  
nistri silere jussi, suspensi & ejecti. Conscientiis omnium  
imposita subscriptio Liturgiæ, articulorum, Ordinationis,  
Homeliarum: ita nimirum, ut quilibet subscribere coge-  
retur, nihil in illis liberis verbo Dei contrarium, sed omnia  
ei congrua esse. Cum condiderunt juramentum ex offi-  
cio, quo ſeipſum quilibet accusare tenebatur. Regem omni-  
bus modis ad abolendas conciones impellebant. Cumque  
aliquando ex Legato Veneto inquireret: Quibusnam re-  
bus in Italia animas paſcerent; eoque respondentē: Liturgiā  
& lectione Homeliarum; Rex ingemuit; &, O. miseram, in-  
quit, ejus populi conditionem! Ad quod Prælatus quidam  
tum præſens: Longè utilius fore, dixit, si plures in Anglia  
Homeliæ & pauciores conciones effent. Quo impudenti  
dicerio Rex commotus & torva tuens, obticuit.

*Ex Historia MSS. authoris anonymi de  
Bello Britannico.*

Interea non melior in Anglia status, adulto jam servitio. Papistarum & Jesuitarum desperatissimi emissarii, ad Reginam & in aulam confluxere, ac publicis muniis præfecti sunt. Pater Philippus Reginæ à Confessionibus, & alii, Papales ac cruentas doctrinas, contra Regem, tanquam hæreticum, propagabant. Constitutio Ecclesiasticorum in aula, ad Papam & Regem Franciæ relata. Juramento fidelitatis omnibus ministris Romano-catholicis, sub pœna excommunicationis, interdictum. Sacerdotes, opera Reginæ liberati, & ejus accuratissimis precibus, quæ vim Imperii habebant, defensi sunt. Franciscus Windebancus, præcipuus cui Regis secreta nitebantur, Jesuitarum & Recusantium summus fautor, per quem nihil non consequerantur. Ob quæ Frater Joseph Capucinus, Panzani Nuncijs Papalis, & alii Romæ Cardinales, ei maximas gratias egerunt. Tot ab Elisabetha repertæ Leges, tot quas Jacobus tulit; illæ oblivione, hæ (quod flagitosius) contentu abolitæ.

Anno clo Dc xxxiv. publicè de restituendo in Britannia Papismo agi cœptum est, Laudo post Abotti excessum in Cantuariensem Præsulem elato, cui mox etiam Cardinalitia dignitas, seriò & instanter oblata. Et tum Papa Nuncios suos in Britanniam destinavit, primo Gregorium Panzanium, qui Londinum xxv Decembris veniens, mox ad ipsum Regem accessum habuit. Romam vicissim Brettus, ac postea Guilhelmus Hamiltonus, à Regina missi. Panzanio Georgius Coneus Scotus, fornicator foedissimus, & abominabilis Ganymedes, successit, & Cardinalis Barberinus protector Anglorum & Scotorum creatus est. Montacutius Cicestriensis Episcopus, Arminianismi propugnator, Romæ gratus, Panzanio & aliis Nunciis familiaris.

ris. Cum Coneo Rex aliquoties egit, ut Palatinatū resti-  
tutionem adjuvaret. Quod palām se facturum promisit,  
clam interim contrarium Papæ suadens, ne videretur hæ-  
reticis favere. Windebancus communicare cum eo con-  
silia omnia, etiam nocturnis conventibus. Adeò crevit au-  
dacia, ut Collegium Jesuitarum, Monasteria, & per uni-  
versum regnum Hierarchiam Papalem, juxta omnes gra-  
dus stabilirent. Atque hic rerum status cum esset, fieri non  
potuit quin maxima rerum conversio sequeretur. Cujus  
hæc occasio fuit.

Episcopi inde usque ab Elisabethæ regno, de miscendis  
cum Papismo Protestantium sacris per subdolam & im-  
piam unionem egerunt. In quem finem illos, qui Religio-  
nem conservatam volebant, odio Puritanorum nomine,  
exstirpare primò omnium conati sunt. Nam ritus ex Pa-  
pismo retentos vel repetitos imperabant, crucem, certa  
vestimentorum genera, nudum in sacris caput, surgere ad  
*Gloriam Patri, Euangeliū, & alias cultūs partes.* Pro ejus-  
modi ludibriis atrociter in Non-conformistas sævitum.  
Nec indifferentia tantùm urgebantur, sed illegitima ac  
impia. Ministris detestandus liber in Sabbati profanatio-  
nem legendus. Monstra juramentorum *ex officio & Cano-*  
*nicalis obedientiæ* Inquisitionem superantia, exigebant. Ob-  
servandi Canones nullā, nisi Episcoporum, authoritate con-  
diti. Idem tempus novas ceremonias accepit. Mensæ in  
altarium formam erectæ, ad eas ingeniculandum. Sacra  
domi & privatim repetere, ingens crimen. Et hæc erat illa  
Papalis uniformitas, à qua si quis ad conscientiam & ver-  
bum Dei provocaret, is statim tanquam Puritanus op-  
pressus. Quæ tyrannis sub Jacobo & maxime Carolo in-  
valuit. Superstitiones & Papismum abominari idem apud  
Episcopos & aulicos, ac Majestatem & Ecclesiam violare.  
In tales per tribunalia sua & animarum tricas non mitius

B 3

suspen-

suspensionibus, excommunicatione, deprivatione, degradatione, quām ipsa Inquisitio Hispanica s̄ævibant. Tali bus silentium imperatum, tales carceribus macerati, proscripti. Paullatim ad duriora ventum est, & facto ab auribus initio, de capite periclitatum. Itaque ejectis fidelissimis pastoribus, quos sciebant illi quem moliebantur Papati acerrimè contradicturos, plerumque pigra mancipia, homines ventri & gulæ deditos, & in ejus gratiam quævis Idola culturos, in vacantes locos surrogârunt. Nullibi corruptior clerus. Ita enim se appellabant, more Papistico. Ebrietas, contemtus Dei, profanatio Sabbathi, exigua iis peccata. Nec puniebant Episcopi, modò bonos Episcopales viros se præberent, & Papisticas ceremonias, pigram Liturgiam, odium Puritanorum, populo strenuè ingererent. Jam si Arminianismus & major in Papismum favor accessisset, tum verò Cantuariensis, tanquam infulâ dignos extollere. Utque gliseret dignatio Sacerdotum, & iis promtior animus foret ad capeſſendas Ceremonias, certissimis suffragiis ad dignitates promoti sunt maxi superſtitioſis fautores.

Jam alii erant Non-Residentes, Pluralistæ, qui Spirituali polygamiâ ſedi & maculosi, opes non animas curabant, fuci inertes, Decani & inutiles Præbendarii, ſaginam velut Monachorum & Abbatum progenies, stipendiis gratuitis alentes. Sic exſtinctâ Euangelii Luce, ſeda ſuccedidit & crassa ignorantia, ſuperſtitio, Atheiſmus, Papiſmus, Armi- nianismus. Et ut peremtorium ac ſine ſpe malum eſſet, ipſi fontes, Academiæ Oxoniensis & Cantabrigiensis, Pa- pisticâ & Arminianâ tabe infecti, unde venenum in omnes regni partes emanaret. Quanta verò Sabbathi profanatio! Nec ea tam vitio hominum, quām legum ſeveritate fanci- ta. Ut alibi quoque, proh dolor, ea obtineat; certè non legibus jubetur, nec eæ in templis per ministros prælegun- tur.

tur. Licet iis tantam impietatem detestari, quam Cantuariensis Laudus per clientes suos, Heylinum & Poklingtonum, sacri legis scriptis propugnavit. Et quod omnem impietatem superat, vetitum ministris præcipua & consolationis plenissima capita, de gratia, Justificatione fidei, Prædestinatione, certitudine salutis, perseverantiâ sanctorum, populo proponere. Prætextus ab Episcopis quæsitus: abstrusiora esse quam ut vulgo tractari debeant. Nec passim, sed in cathedralibus templis; nec semper, sed præcipuis tantum festis, ea de re dicendum. Si quis contraria faceret, statim graves ei à sacra curia pœnæ paratae. Pleraque conciones ad Regam, gliscente adulatione, in prærogativa super leges extollenda, versabantur. In Religionis, Legum, Libertatis defensores, invectivæ. Ipse Laudus, quanto indies apud Regem potentior, eodem actu invisiōr, interdum Sacerdotem unum vel alterum ex simplicioribus, ac Recusantes inopes, in speciem puniebat. Ut quis major, veluti sacro-sanctus fuit. Leves, ignobiles, & rarissimè, pœnis affecti. Præcipuos defendit, ac intimo favore prosecutus est, Patrem Leandrum superiorem Benedictinorum, & post obitum hujus, Priccium, Gasconium, ac totam Jesuitarum familiam. Et ut apud Reginam gratosior esset, altaria restituit, ingeniculare in usu sacramentorum & ad nomen Jesu, consecrare templa & alias Papistarum rancidas nugas, insuper Papalem Cleri super Regis ac Magistratus Tyrannidem, revocavit. Atque hæc instituta fœda, sinistra, nullo argumento, solâ pravitate valuerunt. In Puritanos, id est, homines Deum timentes sine fuso, velut alter Julianus, horrendis modis sœviit. Id actum, ut sub ceremoniarum Trojano equo, Papismus reduceretur. Quod usque adeò manifestum fuit, ut Præfules, iisque addicti curioses, animos hominum pro concione palam inficerent Papismi fermento. Et paullò post: Ex quo piorum lamentabilis fuga

fuga secuta est. Qui illam Sabbati profanationem, illos ritus impios ac superstitiones, illam Prælatorum plusquam Romanam tyrannidem non ferentes, in Belgium & Novam Angliam, irreparabili damno, confertim & multa simul millia, abierunt.

Cum Ecclesias Anglicanas suis superstitionibus Papisticis gravissimè corrupissent, & eò jam proiecta esset Religionis mutatio, ut nihil humanitus loquendo, ruinam ejus impedire posset, ad Scotiam Laudus, ferox scelerum, progressus est. Initium ibi à Regis facello factum, ad cuius postea exemplar cætera deformanda essent. Edinburgi, quod ne quidem sub Papatu fuerat, Episcopus constitutus. Altaria, organa, & alii ritus, inde usque à prima Reformatione Scottis ignorati, revocabantur. Altera liturgiæ cura, quam Regali & Episcopali autoritate, absque consensu Parlamenti vel Synodi Nationalis, crudo adhuc servitio, introduceret. Et quoniam certum erat Scotos ab Anglicana abhorrere, ideo nova, longè adhuc deterior ac Papismo propior, ab Episcopis ex Romanis Missalibus, consarcinata. Ipse Laudus censor ac Aristarchus, & ad terrorem populo incutiendum, ne se innovationibus Papisticis opponeret, in trium facultatum Doctoribus, Burtono, Prynnio, Bastwico, prætentata persecutio, qui crudelissimè truncati auribus, & exsultatione multati, ut longâ tabe perimentur. Non alii visentium oculos majori misericordiâ affecerunt, & indignissimum exemplum ita omnes excitavit, ut populus præ dolore & impatientiâ fureret. Nihil hoc Cantuariensem movit, qui Liturgiam Scottis vel Britanniarum ingratiiis per arbitriam vim imponere conabantur, ut ita ad Religionis mutationem, quam animo agitabat, promptiores essent.

Vicesima tertia Julii dies erat, quo A. C. 1637. prælegi in omnibus templis Edinburgi Liturgia debuit. Tum apparuit,

paruit, quo animo gens domûs Dei zelo ardens, Papismum ferret. Tanta indignatio coorta est, ut Episcopum cum lineis ac laneis Pontificalibus, & infelici Liturgia, haud parùm de vita periclitantem, ejicerent. Atque hinc turbarum in Scotia initium. Cantuariensis aliquem id contra se & Papatum ausum acerrimè indignatus, censet tanquam in perduelles animadvertisendum, & conscientiam armis expugnandam. Scotti verò mortem Episcoporum Tyrannici & Missaticæ Liturgiæ præferebant. Hinc ira, questus; & postquam non subveniebatur, remedium ex bello. Cum horribiles Proclamations nihil proficerent, expeditio in eam gentem decreta est, cujus authores duo & soli fuerunt, Cantuariensis ac Straffordius. Qui Hibernos Papistas, tanquam omnium fidissimos, suspectis haud parùm Puritanorum nomine Anglis, in Scotiam armare cœpit.

*In sequentibus author prolixè persequitur primum ac secundum Bellum Episcopale, quod Cantuariensis contra Scotos movit: Ex quibus pauca tantùm sparsim excerptemus.*

Archiepiscopus interea inauditos Canones, pro domino & superstitione Prælatorum, in Regem, Leges, Parlementa, Libertatem, injurios condit. Et ut Tyrannis Prælatica pluribus munimentis insisteret, juramentum atrox conflatum est, quo omnes in Hierarchiam jurare cogebantur. Tam propinquo exitio penè fidem superat, eripi potuisse Angliam. Compositæ contra Scotos preces, quibus per omnia templæ, gravissimis insuper diris, devoverentur. Atrox fidelium persecutio. Papistæ exempti pœnis, suavi toleratione gaudebant, in aula & exterorum Principum intercessionibus validi. Dux gregis & oraculum Papalis Nuncius, &c.

C

Hic

*Hic, usque ad æterni Parlamenti initia sub Prælatis maximè ultimo ac deterrimo Laudo, Ecclesiæ Anglicanæ status fuit. Schema tale est.*

## PROTESTANTES.

## PRÆLATI

Conformistæ

*Arminiani, Papistæ. Presbyteriani, Independentes.*

*De Statu Ecclesiæ sub æterno Parlamento sic loquitur author. Initio magni Parlamenti deprehensum fuit, Britaniam salvam esse non posse, nisi Episcopi semper atroces, ac ubi de Libertate & reformatione ageretur, dissentire manifesti, ex Parlamento tollerentur. Synodus ipsorum nupera, Canones, Juramentum, tanquam illegitima & Antichristiana damnantur. Scandalosi sacerdotes, inertia, vitiis, Arminianismo, Papismo maculosi, Non-Residentes, Pluralistæ, Decani, Præbendarii, abrogantur. Populo restituta facultas pios & fideles ministros eligendi. Revocantur ab exilio & carceribus pii confessores. Quis ejus diei gaudia describere possit? Prælatica Inquisitio, horror Angliæ, omnis pietatis carnificina & tormentum, curia supremæ commissionis, in æternum dejecta. Tum commemorat, quomodo maligni, Rege ex Scotia Londinum reverso, Parlamentum criminati sint: Liturgiam spretam, Leges Ecclesiæ inhibitæ, sacra ab illiteratis opificibus contaminata. Quæ (inquit) calumniæ fluxerunt ex hoc memorabili senatus consulto, quod à communi viii. Sept. 1641. conditum est in hæc verba: Mensa ex oriente templi in alium convenientem locum ponitor. Cruces, picturæ Trinitatis, imagines Mariæ abolentor. Omnis ingenuulatio ad nomen Jesu vel in orientem omittitor. Dominica dies rite & piè sanctificator. Conclaves ad populum etiam post me-*

## PURITANI

Non - Conformistæ

meridiem habentor. Nihil sanctius hoc decreto. Sed quoniam innovationes Papisticas & Episcoporum intolerabilis Tyrannidem eliminabat, in crimen detortum est.

*Sed jam audiamus ipsos ordines, qui memorabili narratione de statu Regni, typis evulgata, postquam Regi exhibita Hampton-courtiae fuisse, ita statum Ecclesiae sub Prælatis depingunt.*

Causa (*inquiunt ordines*) omnium malorum nostrorum, penes Jesuitas, Papistas, Episcopos, Consiliarios & auticos ab exteris corruptos, fuit. Horum artibus factum, ut perpetuae inter Regem ac populum de prærogativa ac libertate quæstiones exsisterent; ut puritas Religionis inficeretur erroribus, oppressis quotquot majori ejus zelo flagrarent. Hinc Arminiani in illis capitibus, ubi cum Papistis consentiunt, foti; differentia & quæstiones inter Protestantes in universum ac illos, qui invidioso nomine Puritani vocantur, in immensum auctæ; Ceremoniæ ejusmodi introductæ & opiniones, quarum interventu animi paulatim Papismo occupari possent. Hinc ignorantia & neglectus pietatis laudatus, quo in unum cum Papistis, Arminianis & Libertinis paulatim coalesceret profanorum hominum numerus, cuius auxilio tandem superiores evaderent — Jam Episcopos per tribunalia sua, animarum tricas non mitius suspensionibus, excommunicatione, deprivatione, degradatione, in pios ministros ac alias subditos, quam ipsa Inquisitio Romana sæviebant. Curia supremæ commissionis plane degeneraverat, & cum primo instituta fuisse contra Papistas & Jesuitas, iis omissis, solos pios & Deo plenos viros opprescit. In eo conventiculo sceleratissimi contemtores pietatis de Religione, piis confessoribus ac conscientiis hominum sententias ferabant. Quicunque eorum innovationibus, superstitioni, Tyrannidi non se submitteret, is in carceres conjectus, suspensus, excommunicatus; & ad Cameram stellatam

C 2

ipsum

ipsum Iniquitatis tribunal remissus, ubi omnia extrema in eum statuebantur. Unde tot millium lamentabilis fuga secuta: quorum multi in novam Angliam & alias Americæ partes; alii in Hollandiam concederunt, irreparabili hujus regni damno. Ut quisque maximus superstitionum fautor, ita promptissimis suffragiis ad Ecclesiæ dignitates promotus. Pleraque conciones ad Regem, in extollenda ejus super omnes leges prærogativa versabantur. In defensores Religionis, legum, libertatis, regni, graves inventivæ. De miscendis cum Papismo Protestantium sacris per subdolam & impiam unionem actum. Puritani (quo nomine complectuntur omnes, qui cupiunt leges ac Religionem in vigore suo conservari) vi & terrore fugati. Scottis idem jugum Papisticum aptatum, novi Canones, nova Liturgia, & in renuentes exercitus Episcoporum ac Papistarum pecunia conscriptus. Archi-Episcopus convocatâ Synodo Provinciali plures inauditos Canones, cum Regis prærogativa, legibus regni ac Parliamentorum fundamentalibus pugnantes condidit, pro stabilienda enormi potentia sua & superstitionibus, quas nullo exemplo introduxerat. Extortum subditis novum pro defensione Episcopalis tyrannidis juramentum. Compositæ contra Scotos preces, quibus eos ut rebelles gravissimis diris devovent. Et hi Canones armati erant suspensionibus, excommunicatione, captivatione, quo pacto indubie omnes fideles ministros atque subditos ejecturi erant, stratâ ad reconciliationem cum Romano Pontifice viâ. Papistæ exempti poenis, suavi toleratione gaudebant, favoris sui in aula haudquaquam expertes. Dux gregis & oraculum certissimum Papalis Nuncius.

Hæc Ordines. Jam ad Synodum, à qua hæc Epistola de Statu Ecclesiæ Britannicarum edita est; quam integrum, majoris evidentiæ ergo, apponemus.

Epi-

Epistola Reverendi Cœtus Ecclesiastici, tum Theologorum Anglorum, tum Delegatorum ab Ecclesia Scoticana,

A D

*Varias Ecclesias Reformatas in Gallia, Belgio,  
Helvetia, &c. scripta, autoritate & decreto Amplissimæ Cameræ seu Domus, quam vocant Communium, in Ordinum Regni confessu confidentium.*

**P**ASTORES, DOCTORES, CÆTERIQUE, TUM ANGLI DEPUTATI IN CŒTUM ECCLESIASTICUM, AUTORITATE & DECRETO UTRIUSQUE CAMERÆ, SEU REGNI PARIUM & MUNICIPIUM IN PARLAMENTO CONFIDENTIUM, COACTI; TUM SCOTI, À CONVENTU GENERALI ECCLESIAE SCOTICANÆ AD EUNDÉM CŒTUM ALLEGATI; SALUTEM PLURIMAM VOBIS DICUNT, & GRATIAM PACEMQUE À DEO PRECANTUR.

*HAUD DUBITAMUS, QUIN CALAMITATES, SUB QUARUM ONERE NON TANTUM INGEMISCUNT, SED & PENÈ OBRUUNTUR ECCLESIA & REGNUM ANGLIÆ, AD VESTRAS AURES JAM PRIDEM PERVENERINT; NAM PROCUL-DUBIO ANTICHRISTI NEGOTIATORES, PARI FEDULITATE APUD VOS ARTIFICES EXSTITERE SERENDÆ IN NOS INVIDIÆ, QUÀ ALIBI LOCORUM DETORQUENT IN GRANDE CRIMEN OPUS REFORMATIONIS, QUOD SECUNDUM DEI VERBUM AGGREDIMUR, & ARMA QUIBUS VITAM HANC PRECARIAM TUEMUR, CONTRA MOLENTES EXCISIONEM PROTESTANTIUM RELIGIONIS, & RUINAM REIPUB. ATQUE SÆVIENTES FERRO & FLAMMA IN INTIMA REGNI VISCERA. QUO MAGIS, EST QUOD DESIDEREMUS IN NOSTRA INNOCENTIA SALTEM EXCUSATIONEM TAM DIUTURNI SILENTII, QUI HAEC TENUS RERUM NOSTRUM DEPLORANDAM CONDITIONEM VOBIS NON EXPOSUIMUS. VERÙM À FRATRIBUS VENIAM POSCIMUS & EXPECTAMUS, UBI RESCIVERINT MAGNITUDE DOLORIS NOS PRÆPEDITOS FUISSE; & EX QUO IN CŒTUM COIVIMUS USQUE ADEO TREMORIS POCULO, QUOD LIBENDUM EXHIBUIT*

C 3

Deus,

Deus, attonitos fuisse, ut plane nostri officii nescii fuerimus: Jam cum non tam spatum spirandi, quam penitus cognoscendi morbum qui nos affigit, detur facultas, liceat familiari compellatione exonerare in suum vestrum dolorem qui nos urit, vobisque exponere calamitates, quas perpessi sumus ab Antichristi sectatoribus, quorum hic labor, hocque opus fuit, sanctum reformatio- nis opus retardare, & in ejus locum, Papismi crassiores fæces reponere: In quo quidem conatu tantum profecerunt, ut nisi Deus, cuius iudicia sunt inscrutabilia, & misericordiae nec metis nec methodo circumscribuntur, opem præsentissimam afferat, funditus periimus.

Non vos latet, quantum haec viperina progenies contulerit ad ruinam parandam Ecclesiis reformatis extra Angliam; quam promitis animis accincta fuerit in excidium Palatinatus, & jacturam Rupellæ perfide proditæ; quantumcumque sub specioso prætextu legationum & negotiationum, pacem obtenderet; obfusisque & ad incitas redactis, subsidium spoponderet; cum tamen re ipsa calamitates eorum foverit, auxeritque. Tantoque magis odium, quo id genus hominum vos prosequitur, conspectius est; quod eorum plerique calumniose exagitent vestras Ecclesiæ, tanquam spurias & nomine tantum tenus Ecclesiæ, legitimaque ad sanctum munus cooptatione destitutas, ut quæ Præfulem non admittant, sine quo, si illis fides, ordinationem quamcunque, irri- tam esse temerarie affirmant.

Texenda nobis esset longior commentatio, non Epistola, si singulos actus artesque percurreremus, quibus male ingeniosi homines usi sunt, cum in Magna Britannia, tum in Hibernia, in tentanda eversione doctrinæ Protestantium stabilitæ, & substitutione in ejus locum Pontificiæ Religionis; Hic enim nihil non intentatum, nihil non expertum reliquerunt; quin in plurimis voti compotes fuerunt: quoque rem gnariter satagerent, nec quicquam ullibi obstatet nefando operi promovendo; sedulam operam navarunt, ut Pontificii legibus sancitis, quibus in arctum cogeabantur, solve- ren-

rentur; caverunt ne Judices in damnatos lege patriâ Sacrificulos, Jesuitasque, sententiam seu exsiliū, seu mortis ferrent; liberarent potius.

Nec leves fuerunt artes in *Anglia*, *Hibernia*que, ut *Cœnobia* fundarentur, & *Juventus*, quæ Pontifícia religione excoletur, ad Collegia transmarina allegaretur: sub iisdem auspiciis, Papistarum *Coryphæi*, quantumvis non permittat lex, in Aulam admitti; visique, in curia officia capessere: Plurimi eorum soluti sunt dannis à legibus denunciatis; cautumque ne in delictis præteritis pœna statueretur, neque in futuris culpa censeretur: Invisi qui contra hiscebant: Missi Roma nuncii & negotiatores, quibuscum secreta colloquia habita: Intimi ii & in Aula favore validi, quibus hæc arridebant: at, qui repugnabant fidi purioris religionis professores, seu verbi Divini Ministri, seu alii; male multati, & persecutionibus afflicti: Quæ quidem usque adeo manifesta erant, ut Præfules eisque addicti Curiones, pro suggestu animos plebis inficerent Papismi fermento; omnia propemodum Papalia dogmata; nisi forsan illud de primatu Papæ in temporalibus, docerent; Divinumque cultum mixturâ farraginis novorum rituum commacularent; plebem adgentes ad eorum observationem; reluctantे vero fulmine censurârum amburentes: Hinc factum, ut multi religionem lucro aestimantes, rebus suis grande compendium crediderint, non ultra fucum facere, sed sine circuitu se ad Religionem Romanam aggregare: Multis verò fidelibus verbi Divini Ministris ora obturata sunt, quod eis religio esset, rogatas superstitiones constitutiones amplecti, & pro concione ad plebem recitare pessimi exempli, pejorisque moris librum, superiorum permisso editum, quo dabatur licentia, die Dominica in eos lusus expatriari, quos ne quidem profestis diebus, ullæ reformatæ Ecclesiæ admittunt: Ex eo multa millia hominum alio convulsavere; pars in Americam delata, pars inter vos sedem posuit. Grave est, quanquam irrito conatu, quod homines male feriati, nupere tentaverint, novum rituale novum-

novumque librum Canonum obtrudere fratribus Scotorum; quos  
ubi respuisset gens domus Dei zelo calens, & ab omnibus Pa-  
palibus reliquis, ut quae maxime, aversa, Regis serenissimi ani-  
mum perpulerunt, ut tanquam in perduelles & hostes animadver-  
teret; armis compelleret ad recipiendum, quod admittere, con-  
scientiae dictamine præpediebantur. Secundum hæc numero-  
sus exercitus adversus Scotos ducitur; lætis in sinu & acribus  
accendendo bello Pontificis, & pontificiæ religioni addictis:  
operamque & oleum conferentibus, quo Regis optimi animus in  
suscepta expeditione firmaretur, seque infensum consiliis pacis  
gereret; atque ei pecuniam, belli nervum, suppeditantibus: Sed  
antequam ad manus veniretur, placuit Deo, Regi inspirare hanc  
bonam mentem, ut comitia regni Angliæ ediceret; quibus in-  
tercessoribus factum est, ut constiterit de fratum innocentia, &  
de injuria illata ab hostibus veritatis; paxque inter duo regna  
constabiliretur; alioquin invicem secum commissura & in mu-  
tuas cædis exarsura; Quin ex occasione discordiæ, facta est fir-  
mior animorum consociatio, & concordiæ inter fratres redinteg-  
ratio; usque adeo ut, Deo aspirante consultationibus Delegato-  
rum utriusque regni, & concurrentibus votis bonorum per uni-  
versam insulam, quibus idem Deus dederat lugere peccata præ-  
terita, & serio ad se reverti, atque desiderio purioris religionis  
flagrare; affulserit spes repurgandi domum Dei, nemine contra-  
dicente, saltem obstante, liberatosque nos crediderimus, ac diebus  
afflictionis, deinceps successuros dies refrigerii.

Sed rem longè alterse habere comperimus; nempe Deus qui  
secretis tantum plagiæ haec tenus nos officii monuerat: nunc Leonis  
instar rugiemis bellum peccatis nostris apertum indicit: Sit nomen  
ejus benedictum: graviora passis, utcunque graviora paret ex-  
tiuumque afferat, gravissima quæque nos esse commeritos ultro  
fatebimur; justum prædicabimus; virgam pœnas exigentem ex-  
osculabimur; attamen in ejus amore & ope, quam affuturam  
tempore opportuno confidimus, conquiescemus: Nec per ea  
quic-

quicquam detrahī volumus de gravitate horrendorum peccatorum, quæ prioribus delictis cumulum adjiciunt.

Hi ergo conatu res innovandi in Scotia depulsi, ferocius tanto invecti sunt in Parliamentum, totum, circa reformationem in religionis negotio promovendam, intentum: prompti fuerunt in omnes occasiones, ut Regis animum avocarent à Parlamento; Regia facilitate confisi, crimina in se intentata eluderent, & in Hibernia excitarent rebellionem, in qua, si fides est ipsis Pontificis, qui ejusmodi clades, tanquam opima spolia, jaclant, centum Protestantium millia ad necem data sunt: Quin ipsis authoribus, Rex selectos aliquot Senatores ex utraque Camera, postularit reos criminis Majestatis, & armata manu comprehendere tentavit; nec instare desierunt, quin perpulerint ut, deserto Parlamento, alio secederet, & conscriberet exercitum extrema quæque minaturus. Qui quidem exercitus ad fucum faciendum, edicto ad id promulgato, circa initia conflatus fuit, aut potius conflari creditus, solis Protestantibus & in causam Protestantium; ad cuius exercitus signa, nihil subdoli latentimenter Protestantes, alioqui Regiarum partium sequaces, agminatim confluenter, nam mox fraus patuit; Pontificis tam qui in Anglia, quam qui extra Angliam, affiduis precibus & votis supplicantibus, ut causæ Catholicæ in Anglia agitatæ felix successus responderet, & quandoque jaclabundis, in hæc erumpentibus; brevi postea non amplius locum futurum dissimulationi, se statim affuturos in armis à Regiis partibus, quam primum Protestantes in easdem partes tracti fuerint magno numero, & eis haut tutum, nec specie honorificum referre pedem, fuerit: quod & eventus comprobavit; nam ingens multitudo Protestantium, quorum pars sub obtentu conservandæ religionis lege assertæ, tueriæ regalis prærogativæ illibatae, & privilegiorum Parlamenti intra præscriptos cancellos continendorum: pars verò perduellionis, peculatui obnoxia, eoque nomine à suprema Senatus Curia in crimen vocata, aliquique sibi male consciæ, cum tota colluvie ga-

D

neonum,

neonum, erronum, aleatorum & ejusmodi farinæ hominum, quibus ex rapto dulce est vivere, nec Religio curæ est, in partes Regias ex æquo concessere: quos proxime excepere, si non armis saltem voto & pecunia, Episcopi illisque adjuncti Decani, Archidiaconi totaque cohors Novatorum, quibus feces Papales cordi sunt: Tum demum omnes Pontificii, quos capit hæc insula, quibus ad benevolentiae indicium nulla haetenus injuria illata; quin & non nullibi gratia facta, missaticos cætus publice frequentandi: Protestantibus interim, etiam minus faventibus Parlamento, dura passis; prodiere in arenam muniti Regio diplomate, & promissis deliniti, fore ut pro armis si que deperderent pretium exsolveretur; eorumque primarii ad præfecturas acciti: Et ne quid causæ Catholicæ promovendæ deesset, largum auctarium Militum, pecuniæ & commeatus accessit ex Nationibus transmarinis, quibus æquitatem causæ suæ fuco mentiti fuerant. Hac hominum immensa manu, hisque subsidiis, horrendum dictu, quantam, quam latam edant stragem; quibus & quo deprædationibus, incendis & cædibus, totam Angliam compleant, & addictos causæ purioris religionis persecutionibus affligant.

Porro, quanquam Suprema Curia omnem lapidem movisset, ut regni propugnacula, classisque, tutis manibus committerentur, & necessario bellico apparatu conquisito se suaque protegeret, adversus furorem istorum belli incensorum, qui Regio nomine abutentes, legem, libertatem & religionem abrogatum ibant. Ea tamen fuit hominum prava solertia, in sensibus abscondendis & prætexendo speciosas causas ausis suis, an potius ea fuit justa ira Dei ex cændescenis in nos abusos longiusculam pacem, ut haetenus nihil postulatis, libellis supplicibus profecerimus, quo Regem ex impiorum manibus seu subduceremus, seu eriperemus, eosque coram supremo tribunal susteremus, pœnas debitas persoluturos: quin per totam Angliam fax belli est accensa: Ad cumulum misieriarum eo pertraxerunt Regem, ut non solum Hibernos Rebelles

ap-

*appellatione subditorum, Romano-Catholicorum, nunc in armis, &c. dignaretur: sed & eis indulgeret inducias in duodecim menses, eâ potissimum tempestate, quâ res eorum conclamatæ erant: per quam quidem armorum cessationem, gens nata ad occasionem, & qua non alia crudelior & immanior, milite, pecunia, armis & commeatu locupletata naœta sit viam compendiosam, male parta pessimè retinendi, & quod ibi reliquæ est Protestantium absumendi, ventitandique in Angliam; in qua, quod in præsens agunt, trudicent Protestantes, pari laniena, cum carnificina, quam in Hibernia inter Protestantes exercuerunt.*

*In hac rerum nostrarum miseranda facie, inter tot luctus & ejulatus; Rege adverso votis & incœptis nostris, per fraudem & nequitiam adversariorum; utraque Camera Procerum, consilium à nobis poscit super reformatione Ecclesiæ: quoque negotium felicius procedat, nos convocavit in Cœtum, deliberaturos de repurganda nostra Ecclesia, impuritaribus & humanis commen- tis & additamentis; deque constituenda reformatione ex præscripto verbi Divini, eaque uniformi per omnes ditiones Regis nostri, ac quantum fieri poterit ad normam Ecclestarum pu- rioris notæ, accedente; cui operi incumbere cœpimus non infe- liciter cum bono Deo, jubente ne parvorum dies contemtui sit.*

*Hactenus, Fratres reverendi & dilecti, habet is in brevi quasi tabella imaginem an potius umbram, in qua rudi penicillo exprimitur, quæ lugenda sit nostrarum rerum facies: Libertas nostra proculcata, bona direpta & dilapidata, domus effractæ, sanguis in terram effusus, aliaque charissima ademta; tot sunt plagæ, quæ in nos quasi federe facto irruunt: si Deus velit hæcce corpora alga viliora ad terram dari & pedibus conculcari, fiat ejus voluntas: Quicquid pateremur; quin, libenter totam san- guinem profunderemus, dummodo quod superest sanctorum, à furore Antichristi asseclarum vindicaremus, & per nostrum latus,*

religionem saniorem vulneratam, & cum ea impetitas Ecclesiastis omnes reformatas, extra periculi aleam, affereremus. Nam quod gravissimum est, & quæ est adversariorum rabies, haut sanguine nostro satiata, non tam accensa est in nos qua peccatores, quam quia veram religionem profitemur, tuemurque; eoque vota conatusque conspirant, ut toti vacemus reformationis operi. Quod si Deus nos ad prædam exponeret, eorum dentibus confringendos, tremendum relatu! quam opacis tenebris, vinculis artis, & persecutionibus sævis involverentur, quotquot inter nos recusarent charactere bestiæ signari? Et quid non vobis conjicere datur, passuras ad exemplum reliquas Ecclesiastis reformatas à bestia ex abyso ascidente; nec non à muliere, quæ jam dudum sanguine sanctorum inebriata, tanto atrocius nunc persequitur chorum virginium agni comitem, antequam in exitium ruat?

Ordines & Ecclesia regni Scotiæ nullum officium studii & benevolentiae erga nos prætermiserunt, quo conflagrans apud nos incendium restinguenter, Regiam Majestatem postulatis, Declarationibus & libellis supplicibus, quam vel mollirent vel flecterent, adiverunt: mox sequestræ pacis & intercessores se obtulerunt: tandem ubi Regis aures nullis consiliis, hortationibus & precibus patere animadverterunt; mutuo se fædere cum Ecclesia & regno Angliæ devinxerunt, armaque fæderata sociarunt pro communi causa Religionis propugnanda, pro incolumentate Regis, ejusque Regia dignitate & autoritate afferenda, atque vindicanda patria Libertate, adversus sceleratam factionem, ut fustus habetur in Declaratione, Scotorum nomine edita, & in sollemni fædere trium Regnum; quibus luce meridiana glarius boni quique viderint Scotorum pectus fidum & candidum, & nullis sinistris interpretamentis & suspicionibus obnoxium: Autoritate illius regni missi sunt Delegati, quorum nomina posterius subjuncta sunt, ut sub auspiciis ordinum Angliæ partem Cœtus Ecclesiastici constituant, operamque in commune conferant, pro

fla-

stabienda uniformitate religionis in utroque regno : Secundum quæ , iidem Delegati per præsentes vobis notum faciunt , quam alacribus animis hic conspexerint coronam amplissimam tot virorum doctrina , pietate , & prudentia præcellentium : quos offenderint occupatos circa ædificationem domus Domini & jacienda fundamenta doctrinæ & disciplinæ : quo nomine , & pro ratione Christianæ charitatis , qua colliguntur , & fœderis inter Anglos & Scotos initi , obstrictos se reputant id operæ sociare cum fratribus Anglis , in compellandis pariter reformatis Ecclesiis , extra magnam Britanniam : eis exponentes , quæ sit hic rerum turbatarum conditio , ut falsis rumoribus & suspicionibus eatur obviam.

Quod superest , id primum rogamus , fratres , ad quorum æquitatem provocamus , ut ex æquo & bono de nobis & afflictæ causa judicetis , nec aurem accommodetis iniquis adversariorum judiciis ; neve apud vos vapulemus , tanquam rebelles , & armamentes contra proprium Dominum ; quibus decretum sit apud se Regiam dignitatem & autoritatem arctioribus cancellis concludere ; atque ad epimetrum , anarchiam in Ecclesiam Dei introducere : quas calumnias vel apud trahentes in sequiorem partem , adeoque nullum pondus habituras apud impervios sinistris suspicionibus , abunde diluet fædus Nationale , cuius apographum ad eos mittimus : nempe non satis fuit filii Belial concitasse Regis iram in nos , nisi insuper Regio nomine abuterentur , ut manus effugiant Supremi Senatus à quo postulantur Læfæ Majestatis , violati juris municipalis , & religionis corruptæ . Adversus ejusmodi homines contestamur & profitemur arma à nobis sumta ; justamque defensionem à nobis oppositam eorum armis . Judicet justus Dominus , cuius non ulterius opem poscimus , quam quatenus hæc à nobis sunt sincero animi affectu allegata : Faxit Deus , ut fratres hæc serio animo voluent , eisque innocentia nostra probetur , quam apud suos prædicent .

Proxime precamur, fratres, dignemini, in consimili causa, in qua gravia perpeſi eſtis, nobis cum ſupradicis; etenim id erit ægritudinis animi maximum lenimentum, ſuavisque doloris abſterſio lugentibus, perſentis cere fratrū viscera commovere malo noſtro, eosque, tanquam membra Christi, indolere caſibus aliorum, qui perinde ad conſtitutionem corporis ejus pertinent.

Denique, obieſtamur vos; quemadmodum Antichristi ſectatores adverſariorum noſtrorum caſam agnoscunt ſuam, fovent omnibus modis, & ampliant; in noſtrā vero ruinā in com-mune consultant; ſic, quam ſuſtinemus caſam, reputetis veſtrā: Vix enim fieri potest, ubi ſemel absorpti fuerimus, quin periclitemini: nequē enim pugnatur adverſus homines; ſed ipſa profeſſio veræ religionis, & pietatis viſ oppugnatur. Rationes, quibus noſtrā caſam poſſitis prædicare veſtrā, relinquimus veſtræ prudentiæ. Unum ſine conditione petimus, nempe, preces veſtrās, tum in publicis veſtrīs cœtibus, tum in privatis ſeceſſibus, ut Deus, cui ſolemne eſt exaudire preces, confractis brachiis carneis, quibus nimis ſecure innitimus, ſalutem reddat nobis, & cum pace veritatem afferat, ut ē tribus regniſ unum lignum in manu Domini ſiat; ob oculos ponat prototypon, ſeu exemplar reformationis Ecclesiæ, congruens cum norma Scripturæ; Eccleſiſ jam reformatiſ de puriori nota conforme; atque idoneum ſervandæ concordiæ inter Anglos & Scotos; quem typum noſtris Zorobabelibus commendemus; nec tam instrumenta vi-leſque operarios, quos operi admovit, respiciat, quam ipſius operis dignitatem, cui incumbimus. Audiat Deus flexuſ precibus veſtrīs, ut coram nobis montes in planum deducantur; & qui conſpiciunt nos in manu habentes perpendicularum, intueantur juxta lapidem in apice domus Dei poſitum, & junctim plaudant, clamentque, Gratiam, Gratiam!

Hæc habuimus, quæ veſtrīs Reverentiis, ſanctisque de gregi-bus,

*bus, vestræ curæ commissis exponeremus, de rebus nostris; sic ju-*  
*bente jam per se animatos, Amplissimâ Camerâ Communium;*  
*quorum, totiusque Cœtus Ecclesiastici nomine, plurimam salutem*  
*in Domino impertuntur*

*Vestrīs Reverentiis addictissimi fratres,*

<i>Ex Anglis</i>	Gulielmus Twissus, <i>Cœtus Moderator.</i>
	Cornelius Burges, <i>Assessor.</i>
	Joh. White, <i>Assessor.</i>
	Henricus Robrough, <i>Scriba.</i>
<i>E Scotis</i>	Adoniram Byfield, <i>Scriba.</i>
	Joh. Matellanus.
	A. Johnstonus.
	Alex. Hendersonus.
	Samuel Rutherfordius.
	Robertus Baylie.
	Georgius Gillespy.

**H**is omnibus subjungere visum fuit, ex concione qua-  
 dam *Newcomani*, Pastoris Dedhamensis in Essexia,  
 & membra Synodi, ea quæ sequuntur. Nam is totum Pa-  
 pismi reducendi artificium, quo Episcopi Anglicani ute-  
 bantur, clarè & distinctè exposuit.

Cum Prælati viderent Puritanos abhorre à domina-  
 trice Hierarchiâ, & fastu illo ac pompâ, eos exscindere pe-  
 nitùs aggressi sunt. Modum à Papistis hauserunt, prout  
 eum *Adamus Conzen* Jesuita, in *Politica sua*, præscripsit.  
 Primò igitur rem tantam cautè, lèntè ac per gradus susce-

pe-

perunt. Sicut Musici instrumenta sua ad concordiam redigunt suavi intentione vel remissione chordarum & molli digito; Sicut medicus humores sensim mitigat & exhaust: sic illi & distruere puritatem Religionis, & Impuritatem adstruere, paulatim aggressi sunt. Nam ut Puritanos exscinderent, primo omnium conatis sunt Orthodoxos ministros abolere. Si hoc unâ vice & semel fecissent, nimis palpabile negotium Papatus fuisset. Ergo igitur initio suspendebant omnes concionatores, qui ceremonias non constanter exercebant. Paulo post totum Ordinem velut superfluum & in Ecclesia intolerabilem abolent. Hoc facto interdictum Pastoribus, ne concionarentur per septimanam, nisi diebus dominicis. Tum & die Dominicâ pomeridianus concionum habendarum usus abolitus. Et hoc quia nimis durum videbatur ac apertum, ideo praetextus obtentui sumtus, quasi ad Catecheticos profectus promovendos hoc spectaret. Mox omnes quoq; Catecheticas expositiones prohibent, alligantes cunctos ad nuda Catechismi verba. Neque hec stetit labor, sed preces quoque abolitæ, nisi conceptis Liturgiæ verbis fierent. Sic conciones ac preces sensim abolitæ. Jam Papismum & Impuritanismum iisdem gradibus adstruxerunt. Primo urgentes plenam & constantem veterum Ceremoniarum praxin, præter Legum & Canonum intentionem. Hinc introducta novarum superstitionum farrago, quam nec lex nec Canones, sed nova Episcoporum Majestas probabat. Harum observatio ministris & populo injuncta, non simul & semel, sed per gradus ac pausas. Primo mensa Cancillis inclusa, mox in altare erecta. Tum compulsi omnes S. Cœnam recipientes, ante hoc novum altare, in genua procumbere. Inde cœptum extolli altis clamoribus velut sanctum sanctorum, locus & sedes Dei omnipotenti;

tis; atque ideo vultus precantium eò dirigendi erant: idque necessarium existimabatur. Post hæc omnia quid restabat, nisi ut sacrificium reducerent? Ligneum cultum filigineus Deus sequitur. Jam quod doctrinam spectat, initium ab Arminianismo factum. Ita Papismo via parata, & statim obtinuerunt Papalia dogmata, quorum hæc præcipua fuerunt: Papam non esse Antichristum, & Ecclesiam Romanam esse veram visibilem Ecclesiam. Multum exempla valent ad rudiorum imitationem. Hanc regulam quoque Prælati observarunt. Si quis ex conscientia non posset se superstitionibus polluere, statim ei ingestæ voces: *Quid tu hominis es? Dominus Episcopus hoc illud agit; Archiepiscopus Cantuariensis hoc agit. Equites periscedis nobilissimi versus altare se incurvant. Regis facellum ita est adornatum.* Et quoniam Jesuitæ docent, Archihæreticos proscribendos, si commodè fieri queat simul, sin minus sensim: ideo Puritani primo illi qui se priscis Ceremoniis in totum non conformabant, ejecti. Et quoniam remansit magnus numerus Conformistarum, ad eos quoque tollendos inventus liber recreationum diei dominicæ. Hic liber à ministris prælegendus, ut si qui essent, qui Ceremonias, quanquam gementes, ferre possent, sub hoc intollerabilis impietatis onere conciderent. Quod si qui Puritani paulò ampliori conscientiâ essent, & hunc quoque librum concoquerent, admotâ tertia machinâ, novæ Ceremoniæ & adorationes. Additus insuper quartus gradus, preces ac proclamationes contra Scotos. Ultima & peremptoria machina fuit, & velut pulveraria conjuratio contra omnes pios ministros, juramentum pro Hierarchy Prælatorum. Quid heic agerent pii? Si quis Ceremonias evaderet, eum liber ludicrorum occidebat. Post hunc novæ injunctiones, tum proclamationes, denique juramentum erat. Jam omnes dignitates in Ecclesiis & Scholis in eos tantum (pau-

E

cis

cis exceptis) collatæ, qui Arminianismo & Papismo infecti. Doctrina gratiæ, Electionis, Iustificationis per fidem, perseverantiæ, plaustris conviciorum onerata. Quicquid rabies Pontificia evomuit, id omne Prælatica factio absorpsit. *Hæc ille.*

### *De origine Independentismi.*

Quoniam Independentismus est nunc in Anglia commune receptaculum omnium hæreticorum & schismatistarum; videamus, quænam ejus origo fuerit. Primum hujus Anarchiæ fundamentum Anabaptistæ posuerunt. Ab his *Morellius* in Gallia, *Brownius* in Anglia, *Grotius* in Batavia hausit. *Johannes Morellius* in Gallicis Ecclesiis Independentiam congregationum & exemptionem à Synodis, ac populare regimen primus sparsit. Sed schismatica infania ejus mox fuit conculcata. In Synodo Rupellensi *Beza*, & paulo post *Sadeel* moderatores, ita eum errorem confutarunt, ut in Gallia evanuerit. Apud Batavos Arminianismi florentis ævo iterum in lucem ab *Hugone Grotio* & aliis productus fuit, qui autoritatem Synodorum ac Classium denegare cœperunt. Cum nec in Gallia, nec Hollandia, radices agere potuisset *Brownius*, eum in Anglia plantavit; ubi hodie ab Independentibus excelsissimè propagatur. *Baylius* cap. 10. contra *Errores hujus temporis*.

Episcopi cum sua Tyrannide & corruptionibus occasionem dederunt Brownismo & Separatismo in Anglia emergendi. Primus author Separatismi fuit quidam *Bolton*, qui furii actus errores illos publicè revocavit; deinde ipsum præ desperatione suspendit. Ei successit *Robertus Brown Northamptonius*, Ludimagister Southwarkiæ, & postea minister Islingtoni propè Londinum. Hic anno 1580. vexillum Separatismi erexit, Ecclesia quadam Mid-

del.

delburgum Selandiæ seductâ. Ibi mox intestinis dissensionibus collisi & fracti sunt. Maxima pars Anabaptistis se associarunt. Ipse Brownius in Angliam reversus, errores suos revocavit, ac Parochiam de manu Episcopi accepit, vir impius & dissolutissimæ vitæ, qui tandem ob æs alienum, cui solvendo non erat, in carcere decrepitus obiit. Tertius fuit *Barrovius*, acerbissimus Ecclesiæ Reformatæ insectator, qui ob enôrmes calumnias, jussu Elisabethæ Reginæ, instigantibus Prælatis, Londinii suspensus est. Quartus author fuit quidam *Johnsonus*, qui separatam Ecclesiæ Amstelodami instituit. Ea mox in varias partes distracta est. Quidam Anabaptistæ facti, & à cæteris excommunicati sunt. Deinde Johnsonus in tantas contentiones incidit cum patre ac fratre suo, ut utrumque excommunicaret, & ab utroque excommunicaretur. Mox reliquiæ hujus Ecclesiæ in duas partes secesserunt, quarum una *Ainsworthum*, altera *Johnsonum* sequebatur. Tantæ inter has duas exiguae Ecclesiæ fuerunt contentiones, ut Amstelodamum iis non sufficeret. Ainsworthus cum suis in Hiberniam, Johnsonus Emdam concessit. Mox Amstelodamum reverso Ainswortho, *Cannius* successit. Sextus Doctor Separatistarum *Smithius* fuit, qui Leidæ separatam Ecclesiæ constituit. Ibi mox socios suos Idolatriæ accusavit, quod inter concionandum Biblia pervolvent, & Psalmos ex libro decantarent. Postea factus est Anabaptista; & cum hæc quoque secta displiceret, scipsum rebaptizavit, ac primus Separatistarum author fuit. Denique sub finem vitæ Perfectissimum amplexus est, & suam perfectam justitiam jactavit.

Post hos omnes languentem ac animam agentem Separatismum restituit *Robinsonus*, Pastor Leidensis, doctissimus ac modestissimus sectariorum, qui ab Amesio & Parkero in viam revocatus, rigidas Separatistarum opiniones

mitigavit, & Semiseparatismum fundavit. Et hic Robin-  
sonus verus author Independentium hodiernorum est in  
nova & veteri Anglia.

*Dogmata præcipua Brownistarum.*

1. Ecclesias Anglicanas, quales sub Episcopis, habent pro Antichristianis, errantibus, & cum quibus communio-  
nem veri Christiani habere non possint. Sic & alias Eccle-  
sias Reformatas dicunt esse idololatras, regimen earum  
tyrannicum & Antichristianum: Presbyteria & Syno-  
dos non meliores Episcopatu.

2. Suas Ecclesias separatas ita constituunt. Membra  
tantum faciunt sanctos: & si vel unus profanus sit in Ec-  
clesia, unus error vel peccatum apparens, statim separant  
sc, nisi reus excommunicetur.

3. Formam Ecclesiæ ponunt in expresso federe, quo  
membra Ecclesiæ se obstringunt solemnni juramento se  
ambulaturos in via Euangeli. Vel unicum peccatum ali-  
cujus membra, nisi admonitus, si persistat, excommunice-  
tur, justam separationis causam faciunt.

4. Septem personæ faciunt ipsis justam Ecclesiam, nec  
plures admittunt, quām qui commodè possunt uno tem-  
pore & loco convenire, audire, & frui beneficiis Ecclesiæ.

5. Ad constituendam Ecclesiam non requirunt autho-  
ritatem Ecclesiasticam, vel civilem. Rogare Magistratum,  
ut permittat congregari Ecclesiam, ipsis peccatum est.  
Erigere Ecclesiam ope ministri, ipsis contradicton est. Nam  
Ecclesia constituta demum apud ipsos ministrum eligit. Si  
adsit minister, ipse tantum privatam personam sustinet, do-  
nec ab Ecclesia eligatur.

6. Sic constitutæ Ecclesiæ in materia & forma, ante-  
quam habeat ullum ministrum vel Presbyteros, adscribunt  
omnia privilegia non tantum doctrinæ, sed etiam ordina-  
tionis,

tionis, jurisdictionis ac clavium. Si quis Pastor à Presbyterio nominetur, etiam approbatus ab Ecclesia, eum tamen pro lupo habent, qui audiri non debeat. Pastor ita à populo creatus, ab eodem ordinatur. Ordinationem alii adscribunt omnibus membris Ecclesiae, etiam feminis & infantibus: alii viris tantum, excluso mulierum & infantum Senatu. Ordinatus pastor servus est non tantum Christi, sed etiam Ecclesiae; & Ecclesia potestatem habet eum admonendi & reprehendendi: à majori verò parte excommunicari potest. Quodlibet membrum potestatem habet concionandi, publicè admonendi, ac cæteros excommunicandi. Quidam privatis dant potestatem sacramenta administrandi.

7. Matrimonia planè nihil ad Ecclesiæ pertinere dicunt, & ea vel ad parentes vel ad Magistratum rejiciunt. Divortia committunt ipsis conjugatis.

8. Quamlibet congregationem faciunt Independentem in terra & soli Christo subjectam, nulli verò alii Ecclesiastice potestati. Sicut si major pars fieret hæretica ac profana, & excommunicaret pastorem suum ac Presbyteros, nulla Synodus, ne œcumenica quidem, posset facto contradicere. Presbyteria & Synodos non negant à Deo institutas, sed his eas limitant conditionibus. 1. Quod debeant tantum esse occasionales & electivæ, non statæ & ordinariæ. 2. Quod non tantum ministri & Presbyteri, sed quilibet alii sint admittendi. 3. Omnes ita admissos potestatem habere sententias dicendi & decidendi. 4. Nihil numero vel pluralitate sententiarum decidendum. 5. Moderatores vel Prolocutores rejiciunt. 6. Negant Synodis jurisdictionem censurandi etiam vilissimos hæreticos competere.

In his commentis suis adeò sibi placent, ut jacent coronam, sceptrum & regnum Christi in suis Ecclesiis consistere:

re: Ecclesias ita constitutas & gubernatas, esse pares novæ Jerusalem de cœlo descendenti. Omnes Ecclesias Reformatas non sic institutas & rectas, vel non esse Ecclesias; vel Antichristianas, Babylonicas, adulteras; vel saltem corruptas societates, à quibus secedendum sit. Omnia tempora structa tempore Papatus, dicunt solo æquanda, campanas frangendas; imò omnem usum campanarum esse illicitum & Papale inventum. Ne cœmiterium quidem habendum, sed omnes in campis sepeliendos. Omnes decimas & stata ministrorum stipendia dicunt esse idololatrica, illicita & contra Euangelium. Hanc esse voluntatem Christi, ut ministris prospiciatur eodem modo, ut sibi & Apostolis factum, per voluntariam contributionem & elemosynam populi. Et id eo usque urgent, ut etiam ad communionem bonorum delabantur. Ne quidem civili modo nominandos locos vel tempora, quæ gerunt ullum vestigium alicujus Sancti, vel Idoli. Ita rejiciunt nomina templorum S. Andreæ, Pauli, Petri; mensum, Januarii, Februarii; & dierum, Solis, Lunæ, Martis, &c. Hæc omnia ipsis sunt profana & illicita. Imò ne quidem annos à Christo nato numerari volunt, sed sic: *Anno ultimæ sanctorum patientie.* Nullam in cultu péragendo circumstantiam fixam admittunt, sive consuetudine, sive lege introducta sit. Non concionandum hoc loco, illo tempore. Pulpita irrident. Conciones ad mensuram horologii irrident. In toga concionari non melius ipsis, quàm in alba veste, & cuculla monastica. Omnes statas preces, etiam Orationem Dominicam, faciunt idololatricas & diabolicas; quamquam in hoc Robinsonus eos aliquantulum correxerit. Cantio psalmorum, si non sint formales Scripturæ, sed Paraphrases, ipsis illicita; multo magis alii hymni, qui non sunt expressa Scriptura. Permittunt decantari psalmos in prosa, non ut actum immediatæ gratiarum actionis (nam tales

tales & quæ illis idololatricæ ac statæ preces) sed ad instru-  
ctionem & consolationem. Alii qui Smithium sequuntur,  
omnes cantiones in Ecclesia ex libro, sive prosa sive vorsa,  
idololatriam faciunt; & tamen eos psalmos decantari per-  
mittunt, quos spiritus dictat alicui ex tempore, sine libro.  
Sed Brownistæ Amstelodamenses nunc mutarunt opinio-  
nem suam, & omnes decantant Psalmos mirifica melodia,  
juxta Ainsworthi asperam & confragosam paraphrasin.  
Concionari ipsis non est actus pastoralis, sed communis;  
non tantum ministris & presbyteris, sed etiam cuivis qui  
dona habet, competens. Verbum *Sacramentum* ipsis tradi-  
tio est, corruptum & non ferendum vocabulum. *Bapti-*  
*smum* Ecclesiæ Anglicanæ faciunt vanum & irritum, Sigil-  
lum non gratiæ, sed iræ ac condemnationis; & tamen eum  
iterari nolunt. Docent *Cœnam Domini* singulis Dominicis  
celebrandam, & omnibus ad mensam capite operto seden-  
dum. Detegere caput dum recipis *Sacramentum*, ipsis  
idololatria est. Amstelodamensium tamen praxis huic  
opinioni adversatur; ubi quilibet quamdiu edit & bibit, nu-  
do capite assidet. *Agapas* cœnæ Domini jungendas volunt.  
Rejiciunt omnes Catechismos, quod statæ formulæ sint.  
*Symbolum Apostolicum* rejiciunt & detestantur, tanquam ma-  
lè consutum centonem. Articulum de *descensu ad inferos*  
blasphemiæ reum agunt. Rejiciunt omnem publicam  
verbi lectionem, cui non conjuncta est præsens expositio.  
*Finitâ concione* volunt tres quatuorve prophetari, & omni-  
bus dandam prophetandi libertatem. Post Prophetiam se-  
quitur disputatio, & cuilibet licitum est proponere scrupu-  
los suos, ac objicere contra ea quæ dicta sunt. Tum  
disceptantur res ad disciplinam pertinentes. Si Magistra-  
tus sit membrum Ecclesiæ, etiamsi Rex sit, eum docent à  
minima etiam congregatione excommunicari posse, nec  
libertatem habere ad ullum in terra appellandi, ne ad  
œcu-

œcumenicum quidem Concilium. *Magistratum* spoliant authoritate leges condendi; solum Deum esse Legislatorem; Leges judiciales Mosis hodieque omnes, non secus ac Judæos, obligare. A Magistratu dicunt morte plectendos omnes adulteros, blasphemos, Sabbathi violatores, & in primis Idololatras. Per Idololatras intelligunt non tantum Papistas, sed longè maximam partem omnium Protestantium qui ab ipsis dissident. Nam uti stata oratione, etiam Dominica, ipsis idololatria est. Negant tamen furas suspendendos. Omnes Academias dirui volunt, quod deteriores sint Monasteriis. Aristotelem, Platonem, Ciceronem, & alios Ethnicos scriptores comburendos. Rejiciunt omnes gradus Academicos. Nolunt habere Studiosos Theologiæ, Locos communes, Commentaria in Scripturas, Polemicos authores: imò omnes exterminari libros volunt & artes liberales, exceptis Bibliis. Disputationes Theologicas pro ethniciis & illicitis Exercitiis habent.

Ipsi Brownistæ æquivocationibus & dictionibus scelera sua palliant. Quidam Godofridus Whitaker ex Ecclesia Johnstoni Amstelodami inventus in lecto cum quadam Judith Holder alterius uxore, ita se excusavit: *Se non fecisse illud voluptatis ergò; sed ut Juditham male se habentem consolaretur, & eam calefaceret.* Ipse Brown reprehensus ob verbera uxori inficta, dixit: *Se eam non verberare ut uxorem suam, sed ut maledictam vetulam.* Plura hujus farinæ vide apud Eusebium Paget in Hæresiographia, fol. 59. Et narratur Joh. Foxum, cum malas Brownii artes videret, eum domo suâ expulisse, tanquam incendiarium Ecclesiæ.

### *De statu Ecclesiæ Anglicæ sub Elisabetha,*

*Jacobo, Carolo.*

Sub Elisabetha & Jacobo hic in universum Ecclesiæ Anglicanæ status fuit. *Episcopi & Puritani* erant. Et hi in tria genera

genera distincti, si Nobilissimo Domino Brookio creditus, *Conformistas*, *Non-conformistas*, & *Separatistas*. *Conformistæ* erant orthodoxi Theologi, qui contra Arminianos, Socinianos, Pelagianos, Anabaptistas, Papistas pugnabant, & se filios Ecclesiæ Anglicanæ profitebantur. Id est, Ceremonias antiquas, utcunque inviti, tolerabant. Quales magnæ animæ, Whitakeri, Perkinsi, Rainoldi, &c. fuerunt. *Non-conformistæ* se à Ceremoniis quibusdam spernebant, sed non omnes ab iisdem. Erant qui admitterent, quas alii rejiciebant. *Separatistæ* in rigidos *Separatistas* sive *Brownistas*, & *Semiseparatistas* sive *Robinsonianos* distincti; qui postmodum *Independentes* dici cœperunt, & hodieque sic dicuntur. *Anabaptistarum* illo ævo duo genera. *Quidam* hæretici, Liberum Arbitrium, & Communionem bonorum assarentes, Magistratum & Pædobaptismum negantes. Horum in Anglia tum vel pauci, vel nulli. Alterum genus eorum, qui solum Pædobaptismum negant, cætera orthodoxi. Et horum in Anglia magnus numerus. Præterea multi ex plebe licentiam prædicandi sibi asserebant, misericordia quibusdam rationibus seducti. Et hi jactabant: *Spiritum ubi velit, flare, nec alligatum Academiis*. Itaque internam vocationem cum donis ad tantum munus necessariis, accedente alicujus congregationis desiderio, sufficere: *Sibi quidem abstinere non licitum, nisi veritatem in iniustitia detinere, & talentum suum abscondere velint.*

Sub Rege Carolo longè alia facies & in regno & in Ecclesia cœpit. Causa Laudus fuit, Cantuariensis infelix Archiepiscopus. Tum temporis Puritani in veteres ac novos distincti. Nam cum veteres alii essent Conformistæ, alii Non conformistæ; novi ab utrisque in eo discrepabant, quod neutquam bona conscientia tolerari posse ullas Ceremonias existimarent. Atque hi non tantum Episcopis, sed & cæteris piis fratribus in eo aduersabantur; & ma-

gnam partem anno 1634. cum nequissimus Laudus ad Cathedram Papalem enectus esset, in Belgium ac novam Angliam concesserunt.

Origo itaque *Independentium* in Nova Anglia sic se habet. Pars Ecclesiæ Robinsonianæ Leida Plymoutham Nov-Anglicam migravit. Eodem paulò post Cottonus, ac alii pii Non-conformistæ ex Anglia, metu intolerabilis Episcoporum tyrannidis profugi venerunt. Et hi statim consenserunt in viam Robinsonianam, quæ tum admodum inter exsules illos invaluit. Difficile est non incidere in Scillam, cum Charybdin fugis. Episcoporum horror & terror infinitus erat. Quò longius quid ab illis distabat, eò gratius erat. Placuit igitur Robinsonus; & quanquam Cottonus antehac Separatistis adversaretur, tamen Semiseparatismi author & fautor esse cœpit circa A. C. 1635. & ea dogmata singulari facundiâ & dexteritate interpolare cœpit. Itaque sicut Robinsonus prima Independentismi fundamenta jecit; Sic Cottono complementum & ultima debetur manus. Statim literis in Angliam missis novam Ecclesiæ formam deprædicare cœpit; & novum Doctorem amplexus *Thomas Goodwinus*, vir egregiè doctus, admiratione Cottoni plures secum in Novam Angliam traxit. Lapsus quoque est in alias horrendos errores ille Cottonus. Arminianismum imbibit, à quo eum celeberrimi Twifsi scripta ex parte revocarunt. Antinomismi & Libertinismi particeps factus est intimâ familiaritate exsecrabilis feminæ Hutchinsoniæ. De cuius Tragœdiis pauca in transcurso dicenda sunt.

*Quas turbas Independentes Antinomi in  
Nova Anglia excitarint.*

Quidam Antinomi in nova Anglia seduxerunt quosdam, & inter eos mulierem quandam *Hutchinsoniam*, quæ callida,

da, sagax, & contumacis Spiritus, prætextu repetendi sermones Cottonianos, Bostoniæ furores illos, hinc in totam regionem, dispersit. Opiniones præcipuae hæ erant.

1. Legem nullum usum habere in adducendis hominibus ad Christum.
2. Hominem esse justificatum & unitum Christo sine fide, ab omni æternitate.
3. Fidem non esse instrumentum recipiendi Christum, sed discretionem quod jam receperimus Christum.
4. Hominem tantum uniri Christo per opera Spiritus, sine ullo actu suo.
5. Hominem non antè actualiter Christi esse, quàm fiduciam habeat.
6. Hanc fiduciam tantum esse ex testimonio Spiritus.
7. Hoc testimonium Spiritus tantum esse immediatum, sine nullo verbo.
8. Cui semel hoc testimonium habet, non ultra dubitat.
9. Dubitare de certitudine, etiamsi fiam latro vel adulter, indicio est me nunquam habuisse certitudinem vel fiduciam.
10. Sanctificatio non est bonum signum status gratiæ.
11. Nulla consolatio haberri potest ex conditionalibus promissis.
12. Pauperes spiritu *Matth. 5. 3.* tantum illi sunt, qui vident se nullam gratiam habere.
13. Si videam me planè non habere gratiam, solatio erit: sed consolationem capere ex sensu gratiæ, legale est.
14. Hypocrita potest habere gratiam Adami, quam habuit in statu innocentia.
15. Gratia sanctorum & hypocitarum non differt.
16. Omnes gratiæ in Christo subjective sunt, & nullæ in nobis; ita ut Christus credat, Christus amet.
17. Christus est nova creatura.
18. Deus non amat hominem plus propter ullam sanctitatem, nec odio eum magis habet propter ullum flagitium.
19. Peccatum filios Dei non debet turbare.
20. Si quis turbetur propter peccata, non est regula vitæ.
23. Christianus non tenetur precari, nisi spiritus moveat eum.
24. Minister qui non habet hoc novum lumen, non potest docere alios qui id habent.
25. Tota litera Scripturæ

est fedus operum. 26. Nullus Christianus adigendus est ad officia pictatis. 27. Nullus Christianus est exhortandus ad fidem, charitatem, preces, nisi sciamus eum habere spiritum. 28. Homo potest habere omnem gratiam, & tamen carere Christo. 29. Omnis fidelis activitas tantum est agere peccata.

Hi gravissimi errores omnem Novam Angliam adeò infecerant, ut Respublica & Ecclesia in extremo periculo versarentur. Et fuerunt plures adhuc alii; ut, *Animam cum corpore interire. Omnes sanctos in terra duo corpora habere. Christum non esse unitum nostro carnali corpori, sed nostro novo corpori eadem unione, qua humanitas ejus unitur divinitati. Christi humanitatem nunc non esse in cœlo, sed corpus ejus esse Ecclesiam.* Hos & plures alios errores Independentismus in Nova Anglia produxit. Nulla ferè familia in tota regione fuit, quæ non infecta esset. *Boston* famosissima Ecclesia adeò fuit corrupta, ut pauci restarent integri. Hypocrisis horum hæreticorum ad miraculum magna fuit. Nemo ipsis humilior, sanctior, magis spiritualis, plenior Christo apparebat. In precibus ardentissimi, in sermone ex Scriptura potentissimi. Omnes ipsorum singulares opiniones erant *pro gratia gratuita, pro gloriose homine Euangelico, ut nudus Christus in folio collocaretur.* Ministrorum quosdam adorabant, ut Cottonum & Wheelwrightum, tanquam solos federis gratuiti praæcones; & neminem inde usque ab Apostolorum ævo tantum luminis Euangelici accepisse jactabant. Cæteros ferè omnes Baaliticos & legales sacerdotes, Papisticos Nūcios, Scribas & Phariseos, inimicos Euangelii, vacuos gratiæ vocarunt. Praefatum suum *Winthropum*, & plerosque Magistratus, vocabant hostes gratiæ, persecutores, Antichristos, Ahabos, Herodes, Pilatos, quos Deus destructurus fit. *Wheelwrightus* eos pro concione hortabatur, ut cum Magistratu agerent, prout talibus hostibus gratiæ conveniret, in memoriam revocans

Mo-

Mosen occidentem Ægyptium. Hæc hæresis tam periculosa seditiones produxit, ut actum de Republica videretur, & Winthropus exarmare sectariorum plerosq; coactus fuit, metu ne tragœdia Monasteriensis repeteretur. *Synodus* quoq; ministrorum convocata est, in qua hi errores Antinomorum confutati : 1. Dicere quod justificemur per fidem, mala locutio est; dicendum, nos justificari per Christum. 2. Justificationem demonstrare per sanctificationem, sapit Papismum. 3. Si sum sanctus, non sum gratior Deo; si sum impurus, non deterius. De hoc certus sum, cum qui elegit me, datum etiam operam ut salver. 4. Si Christus vult permittere ut peccem, ipsius periculo id fiat. 5. Magnas tumultus est circa gratiam & emendationem cordis. Sed da mihi Christum; non quæro dona gratiæ, sed Christum: non quæro promissiones, sed Christum: non quæro sanctificationem, sed Christum. Ne mihi narra fabulam de mediatione & officio; narra mihi de Christo. 6. Viva fides, quæ habet vivos fructus, potest oriri à viva lege. 7. Possum scire me esse Christi, non quia crucifigo cupiditates carnis, sed quia non crucifigo eas; verùm credo Christo, qui crucifigit cupiditates pro me. 8. Petrus magis inclinavit ad fedus operum, quam Paulus. Pauli doctrina magis est pro gratia gratuita, quam Petri. 9. Si Christus est mea sanctificatio; quid opus est ut justificationem meam coner per aliud demonstrare?

Hæ & aliæ opiniones nihil aliud minitabantur Ecclesiæ quam præsentaneam ruinam, & ipsi schismatici nil nisi sanguinem ac tormenta spirabant. Donec Deus judicia sua evidenter exercuit. Primo enim Hutchinsonia, summa Novæ Religionis sacerdos & Dux hæreticorum, uno tempore xxx monstroso partus enixa est, quot ferè monstruosas opiniones fovebat. Quidam majores, alii minores erant, nulli humanam formam retulerunt. Alia femina Hutchinsoniæ socia, nomine *Dier*, partum semineum

F 3

mon-

monstrofissimum edidit. Carebat capite; facies in pectore erat, aures ex humeris, oculi & os latè prominebant, nafus sursum spectabat, pectus ac tergum plenum acutis stimulis. Umbilicus, venter & natura in dorso. Pro digitis pedum tres ungues avium. In dorso supra ventrem duo magna foramina hiabant, & ex quovis massa carnea prominebat. Supra oculos, loco frontis, quatuor acuta & dura cornua. Nihil his moti hæretici, sed causam monstorum in Ecclesiam, quam pro hostibus suis habebant, conjecterunt. Et hæc, *inquietabant*, vestri gratiâ fiunt, Legalistæ; ideo Dei manus ingravescit supra nos, ut in legalibus viis vestris excæcemini; & tandem in infernum præcipites, percatis. Cumque veritati, etiam de cœlo convicti, cedere nollent, Magistratus contra eos sententiam dixit. Quidam excommunicati, alii proscripti. Minister seditiosus *Wheelwright* cum Hutchinsonia primò in Insulam quandam ad Batavos se contulit. Ubi mox in alias sectas divisi sunt, & Hutchinsonia cum familia sua in aliam Insulam, cui nomen *Hellgate*, se transfervit, ubi ab Indis omnes cæsi & combusti sunt.

*Hæc ex libro Wellii ea de historia, & ex Pageto ac Baylio; qui insuper ostendit, quantum Cottonus huic hæresi innoxius & implicatus fuerit.*

*De Hæresium, sectarum, & schismatum, horribili incremento, inde usque ab anno 1640; durante magno Parlamento.*

**H**Aec tenus vidimus Ecclesiam Anglicanam, qualis sub Episcopis; quomodo in Puritanos, Brownistas, Independentes variis in locis, sed maximè extra Angliam, scissa fuerit. Restat status ejus post Episcopos. Et heic cognoscere operæ pretium erit, quis turbo illam per undecim

decim secula firmatam Prælatorum Hierarchiam subverterit?

Certum est, Parlamenta Angliæ semper Episcopis, & Episcopos Parlamentis infestos fuisse. Hinc sicut illi de Parlamentis, ita hi de Episcopis enervandis cogitarunt. Et Prælati quidem sub Rege Carolo, haud satis contra aulicas adulationes & criminaciones obfirmato, Parliamentorum longam pausam viderunt, ab anno usque 1628 ad 1639. Quo spatio Hierarchia excelsissimè floruit; nec fieri poterat ut altius supra Regem, regna, populum, conscientias assurget. Quod cùm viderent pii, spem bonam conceperunt brevi de throno superbiæ ac tyrannidis casuros Prælatos. Idque sic factum est.

Fatalis quædam intemperies *Laudum* in Scotos concitavit, ut iis Ceremonias & Liturgiam imponere conarentur. Hæc prima ac inevitabilis fundi Prælatici calamitas fuit. Quicquid hodie Episcopi patiuntur, id omne ex desperato illo austi fit. Si omisissent Scotos, adhuc fortè in Britannia dominarentur. Quod exemplo Regibus & aliis sit, esse periculosum aliquid innovare in statu publico. Quis ex tanta scintilla tantum incendium putasset oriturum? Et an inepta illa Liturgia & casæ ceremoniæ omitti salvâ Majestate Episcopali non poterant? Luunt igitur illi exilio suo, contemtu ac ruinâ, incoepsum illud. Nam primo Scotti armis extorserunt Regi abolitionem totius Hierarchiæ. Eorum exemplo exciti Angli, paria flagitare & cogitare cœperunt. Initium milites rudes fecerunt. Nam cum exercitus contra Scotos cogeretur pro Episcopis, mirâ Providentiâ Dei, miles Reformationis Anglicanæ initium audax ac tumultuarium fecit. Exagitabant illi Episcopos non secus, ac olim Germani, Româ sub Carolo V captâ, Pontificem Romanum. Decani, Præbendarii, Cantores, Canonici, & tota Clericorum albata series, verberibus & aliis

aliis injuriis, ridente, gaudente, & plaudente Angliâ, multati. Confracta altaria, cruces, picturæ, imagines. Liturgia discerpta. Inter has turbas Parlamentum incipit, quod Episcopi non mitius horrebant quam stygiam paludem. Sed ejus quidem manus evaserunt: Populus tamen jam erectus spe libertatis, & Scotorum armis animisque tumens, aperte contra tyrannidem illam res novas moliri cœpit. Impetu in Abbatiam Westmonasterensem facto, cuncta confregerunt. Archiepiscopus Lambethi ferè oppressus. Hinc libelli sparsi, conventicula habita, juventus Londinensis commota: denique omnia Episcoporum ruinam spirabant, qui ultra humanum morem se exosos impudenti & horribili crudelitate reddiderant, maximè *Laudus Cantuariensis*, & *Wrennus Eliensis*. Sic ad alterum Parlamentum accessio facta; quod anno 1640, 3 Novembris cœpit, ac hodieque durat, & semper fortè, quamdiu Anglia, durabit. Statim graves contra Episcopos querelæ ab universo regno motæ, & Scotti accusatione Majestatis Laudo intentata, eum in carcerem detrudi curârunt. Hinc continuò abrogata tyrannidis Episcopalis tribunalia, Curia supremæ commissionis, Camera Stellata, Ceremoniæ superstitionis; sicut supra dictum ac ostensum fuit. Post hæc omnia restabant Episcopi in Parlamento & Ecclesia, nec spes erat eos radicitus extirpandi. Ac fatentur omnes, qui Communi inde usque ab initio interfuerunt, nunquam hoc sibi consilium fuisse, ut Episcopi omnino tollerentur. Id quidem fatentur visum & necessarium & factu possibile, limitationem arbitrariæ ipsorum & tyrannicæ potestatis; ne nimirum pios ac fideles ministros, propter albam vestem, altare, cruces, picturas, Papismum, ejicere ac proscribere possent, ne conscientias dominatrix ipsorum libido conculcaret. Plura nec intendebant, nec sperare poterant. Et tamen multi prudentes viri in ea opinione erant,

erant, ipsos Episcopos ruinam sibi ac exitium, fastu, superbiā, dominio, adulazione aulicā, acceleraturos. Idque etiam hac occasione factum est, ut author *Historiæ Britannicæ* nondum editæ testatur, cuius verba huc apponere visum.

Cum exposuisset, quomodo *Lunsfordius*, *Hida* & quidam ex famulitio Archiepiscopi Eboracensis tyrones ac cives Londinenses indignis modis tractassent, ita pergit: Alterā die tyrones, ac civium multi, cum sibi melius contravim prospexit, Westmonasterium revertuntur, & de-nuo excepti injuriis ac tumultu circa Abbatiam exorto, in Episcopos concitantur. Qui terrestre iter suspectantes, scaphis ad Parliamentum secundo Tamesi vehebantur. Sed cum exscensionem facere vellent, lapidum nimbo excepti, & donum, multo aliorum risu trepidantes remigare coacti sunt. Quo prætextu ad inconsultam & temerariam Protestationem abutentes, ruinam sibi paulò post accelerarunt. Nam cum nihil magis metuerent, quam ne à Communi ob tyrannidem subverterentur, Parliamentum omnino inhibere conati sunt & dissolvere. Igitur ut se maturè impendenti tempestate subducerent, mittunt ad Regem & Proceres libellum supplicem, unà cum Protestatione, de jure suo ac integritate præfati: *Quam alieno ab omni actione & opinione Papismum redolente animo sint. Factio quoque maleficorum, si quæ sit, neutiquam se favere. Jussu Regis ad socianda pro regni salute Consilia venisse. Aliquoties in via publica violatos etiam vitæ periculo. Post irritas ad Parliamentum preces sibi reservato jure, sede, votis suis in aliud tempus, tuto imposterum comparere non licere. Justas hujus absentia & necessarias causas. Quicquid interea statutum & determinatum fuerit, contra id tanquam invalidum & nullius momenti se jam nunc coram Rege & Proceribus protestari.* Subscripta erant nomina duodecim Episcoporum Johannis Eboracens. Thomæ

G

Dur-

Durham. Rob. Cov. Lich. Joh. Norwich. Joh. Asaphen. Guilh. Bâ,  
& Wells. Geor. Heref. Rob. Oxon. Ma. Ely. Godfr. Glouc. Johan.  
Peterbourus. Mor. Landaff. Hanc Protestationem Rex ad  
Magnates, hi ad Commune, tanquam rem maximi  
momenti & totum spectantem Parliamentum, miserunt. Eâ-  
que acceptâ & lectâ, visum fuit Communi, duodecim il-  
los Episcopos Majestatis accusare, ut qui studuerint Leges  
regni & Parliamentorum fundamentales subvertere. Cum  
hoc decreto ad Proceres Glynius mittitur, & Episcopi se-  
râ nocte in curiam tracti, atque inde per carceres distributi  
sunt. Rex postea conjugem Grenovico Doveram dicens,  
Cantuariæ in ipsa S. Augustini Abbatia Parliamenti decre-  
tum contra Episcopos, confirmavit. Quod nonnulli in  
omen riuturi Episcopatus & Hierarchiæ traxerunt. Quippe  
*sicut ab illo Augustino omnis Angliae Hierarchia originem tra-  
bat; ita nunc in ejus Abbatia fortuito Regis transitu, sententiam  
contra Episcopos latam esse.* Hæc ille.

Cætera in posterioribus libris persequitur, quomodo  
Episcopatus cum annexis, plane & radicitus fuerit à Par-  
lamento excisus; & in ejus locum de nova Regiminis Eccle-  
siastici formâ cogitatum.

Si ulla in re Parliamentum graviter peccavit; id in eo  
factum est, quod sublato Episcopatu, nullum è vestigio  
regimen Ecclesiæ, saltem temporarium & vicarium, con-  
stituit. Nam certè hæc prima ac præcipua omnium hære-  
sium, schismatum ac sectarum causa fuit, quod cuilibet in-  
tegrum esset docere, discere, sectari, quæcumque recta pu-  
taret. Scriptura non aliam confusionis & licentiæ causam  
proponit, quæm hanc: Non erat Rex in Israël; & quilibet  
fecit quod rectum erat in oculis suis.

*Paget in Epistola dedicatoria Hæresiographiæ;* Ecce, inquit,  
amotâ Hierarchiâ, subito ingens hæreticorum numerus, ut  
locustæ, Ecclesias Anglicanas obruerunt, Familistæ, Ana-  
baptistæ,

baptistæ, Donatistæ, Brownistæ, Antinomi, Independentes, Arminiani, Sabbatarii, Anti-Sabbatarii, Traskitæ, Millenarii, Hetheringtonii, Sociniani, Ariani, Atheistæ. *De Atheistis sic inquit:* Magnus eorum numerus est. Quidam coram Judice Provinciali incarnationem J. C. irridebat. Pater ejus Tolosæ in Gallia combustus fuit, sed apud nos filius impunitus evasit. Concionantur, excludunt & exercent hæreticas opiniones suas palam. Inde usque à sublato regimine Ecclesiæ quilibet fit Pastor, Sutores, veteramentarii, sartores, & alii. Hi scripturas exponunt, & se in pulpita intrudunt, mirabilia evomunt, quæ in factiones, seditiones & blasphemias terminantur. Quantum mali ab his sectariis illatum sit Ecclesiis Londini, nos Pastores magno cum dolore experimur. Congregationes nostræ suos Pastores deserunt: populus noster fit ut tribus Gad, currēns post seductores insanum in modum. Infantes non baptizantur; cœnam nemo capit: ipsa Domini Oratio abominabilis est.

*Josephus Hall*, quondam Episcopus Norwicensis, in nupero *Irenico* suo patheticè deplorat miserrimum & distractissimum statum Ecclesiæ Anglicanæ. *Seit. 23. inquit:* Hoc ævo animæ Christiani populi seducuntur non tantum à Papistis, Anabaptistis, Antinomis, Pelagianis, sed & per infernalem Socinianorum hæresin, Antitrinitarios, Nearianos, ut ultima Christianitatis in Anglia destructio metuenda sit.

*Authores Annotationum in Biblia Anglica ad cap. x. Genesios v. 25.* Quàm refert nomen Pelegi infelicia tempora nostra? Quot causas habemus liberos qui nascuntur, Pelegos vocandi? Quàm divisi sumus non in linguas tantum, ut Babylone factum; sed capita, corda, manus? Quantæ divisiones non tantum Rubenis, ut *Jud. 5. 15.* sed omnium tribuum Israëlis nostri? Et ô si tantum divisi essemus! Jam

verò subdivisi sumus in complures factiones Reipublicæ, in varia schismata Ecclesiæ. Quam nos Indices nostros implere possemus nomine Pelegi, consideratâ lamentabili divisione quæ est inter nos. *Et ibidem pluribus deplorant misserandum regni & Ecclesiæ statum.*

*Thomas Edoardus in Gangræna:* Nulla hæresis, blasphemia, confusio est, quæ non vel inveniatur in Anglia, vel oriatur. Reformatio ab uno extremo ad aliud collapsa est. A Scilla in Charybdin ventum. Pro Papalibus innovacionibus, superstitionibus & tyrannide Prælatorum, damnandæ hæreses, horribiles blasphemiae, Libertinismus, & tremenda Anarchia est. Non ablata mala, sed aucta. Diabolo pejor Spiritus successit. Cœpta Reformatio in Deformationem exit. Jam & ipsam abnegant Scripturam, & tam enormis omnium Religionum libertas propugnatur, ut etiam blasphemiae ac Atheismus includantur. Et hoc publicis scriptis fit, in conspectu Parlamenti. Imagines Trinitatis, Christi, Mariæ, Apostolorum deletæ sunt; & jam ipsa Trinitas, Christus, Maria, Apostoli vilipenduntur, denegantur, & spurcis calumniis fœdantur. Crux & ingeniculatio ex Sacramento sublatæ; & jam ipsa Sacramenta negantur. Festa abrogata; & jam hæretici Diem Domini irrident ac spernunt. Hierarchia Episcopalis sublata; jam planè nullum regimen volunt. Tempore Episcoporum Psalmi & preces, nisi ex libro, abrogabantur; nunc in eundem censem veniunt decantatio psalmorum, preces ac omne sacrum ministerium. Ceremoniæ Papales sub Episcopis, ut ingeniculare ad altare, nunc inunctio per oleum est. Tunc erat *Episcopatio* infantum; nunc manus imponuntur viris ac feminis. Intolerabilis visa in Episcopis quarti præcepti abrogatio. Jam Antinomis permittitur decem præcepta tollere: totam Scripturam Quærentibus. Parlamentum tolerat horrendos sectarios in ipsa urbe;

urbe ; & permittit ut libros publicent. Quædam publicè contra tam abominabilem licentiam decreta , neglectim curantur. Ingens numerus opificum concionatorum , & rudissimorum nebulonum . Etiam feminæ & pueri concionantur. Sectarii in una Parœcia Londinensi undecim congregations habent. Sicut olim Regis Proclamatio-nes contra Jesuitas & Papistas tantum in speciem propo-sitæ fuerunt , crescente interim numero ; & si quis exsequi eas vellet, pro gratia odium reportavit : ita nunquam ma-jor licentia fuit, quàm postquam interdictum rudibus con-cionari . Nunquam effrenatior nequitia contra regimen Presbyterianum sanctissimum , quàm postquam illud de-cretum. Nunquam plures horrendi libri publicati , quàm cùm id interdictum. Si quis conqueratur apud Parlamen-tum, quantum illi Schismatici favorem inveniunt ? quam cæteri contemnuntur? Sicut olim gradus ad favorem in au-la fuit Puritanos vexare: ita qui orthodoxis Presbyteris ne-gotium facessit, n̄ m̄ est. Inde usq; à primo hujus Parla-menti anno creverunt ; sed hoc 45. adeò in immensum, ut si cā proportione pergant, non sit opus Papistas metuere, qui Religionem destruant. Ipsi facient . Quid tot victo-riæ , Declarationes , Protestationes effecerunt , nisi plus quam Diabolicam confusionem ? Mirantur Scoti . Exteri mirantur, & dicunt, Cur non Rex possit tolerare unam fal-sam Religionem Papisticam , cùm Parlamentum omnes toleret ? Nulla hujus tolerationis causa Politica est . Schi-smatici vires suas jactant , & victorias, sed ip̄si minima pars in iis ; & dum illi foventur , interea Civitas Londinensis, Scoti , Protestantes exteri languent . Solemne fedus de exstirpandis schismaticis pedibus conculcatur : cum exer-citus , civitas Londinensis & omnes Provinciæ sub Parla-mento sint lerna Schismatum . A condito orbe non fue-runt tot monstrosæ opiniones, quot nunc in Anglia !

G 3

Omnes

Omnis autem Schismatici qui Angliam infestant, uno & communi Independentium nomine comprehenduntur.  
*Primo*: quia omnes se profitentur tales, etiam vilissimi; ut qui Scripturas & Divinitatem J.C. negant, illi ab Ecclesia Anglicana & communione ejus se separant cum Independentibus. *Deinde*: quia Independentes se ipsis perpetuo adjungunt contra Presbyteranos. *Tertio*: quia Independentes omnes hos, Anabaptistas & Quarentes, habent profanctis & veris Christianis. *Vide Saltmarsh Smok in Tempel.*

Cæterum, antequam ad præcipuas sectas descendamus, communis omnium natura exponenda est.

*Joh. Bastwick in secunda parte libri: Independency no Gods ordinance:* Quamprimum Parlamentum hoc Reformationem suscepit, multò acris partium odia & nomina exarserunt. Independentes ex Nova Anglia & Belgio reduces, populum invenerunt propter recentem Episcoporum tyrannidem, magis suæ opinioni addictum. Unde magno sectatorum incremento aucti sunt, præfertim cum dicerent Presbyteriale regimen re ipsa, mutato tantum nomine, & pompa, Episcopalem potestatem ac tyrannidem sibi in Ecclesiis arrogare. Ex hoc secutum grave animorum dissidium. Independentes odium Presbyterianis, Presbyteriani Independentibus conciliârunt, ut quisque contentiosior & ferocior propter insuetam libertatem esset. Hoc malum brevi post in majus evasit. Quippe sectarii hactenus occulti, & per familias suas ac contubernia dispersi, si non authoribus, saltem ut fertur adjutoribus Jesuitis, occasionem tam commodam in hoc velut interregno nocti, palam & verbo Independentibus favere, quod sub illa Ecclesiarum prætensa Independentia sibi januam ad serendum horrendas blasphemias aperiri viderent. Itaque omnes uno Independentium nomine censi volebant, quo sub illo in vulgus grato titulo venena sua eò occultius diffundenter.

derent. Clam interea meram confusionem, hæreses absurdissimas, inaudita commenta ac ægrotantis cerebri commenta sercebant. Homines ineptissimi pulpita invadebant, ac ministerio se ingerebant, nec eruditione nec sanâ doctrinâ instructi. Utq; scopum suum eò facilitùs obtinerent, pro conscientiarum absolutâ & independente in rebus ad fidem spectantibus libertate, tanquam pro aris ac focis pugnarunt. Malum diutinâ medicinæ carentiâ cò evasit, ut extrema omnes metuerent. Quippe illi fucati ac simulati Independentes, factionem potentissimam excitarunt, & haud obscurè minabantur, se pro illa sua credendi quodlibet libertate, vel ferro certaturos; Siquidem aliter eam obtinere nequeant. Videmus igitur Independentes, sive Novos Puritanos, his proximis annis in duo hominum genera abiisse. Quorum alii in cæteris orthodoxi sunt, ac in doctrina Presbyterianis consentientes: sola de regimine disceptatio discrimen facit. Et hi, ne propter commune cum cæteris nomen eorundem suspecti criminum essent, non Independentes sed *Congregationales* in posterum appellari voluerunt. Alterum genus est confluges pessimorum hæreticorum, Anabaptistarum, Familiaristarum, Antinomorum, Socinianorum, Libertinorum, & mille aliorum nominum. Hi novum nescio quod lumen sibi denuo illuxisse fingunt, vanissimi homines, ac se illum sanctum Dei populum, illos Jesu Christi & ejus regni contra omnem Episcoporum & Presbyterianorum tyrannidem jactant propugnatores. In fide sua adeò instabiles ac incerti, ut quod hodie credunt, cras majore luce aucti, se repudiaturos profiteantur. Cætera opum amatores; quippe qui profitentur sanctos rerum terrenarum veros possessores ac Dominos esse. Unde in vestitu splendidi; nec illam Puritanorum priscam sectantur simplicitatem. Ditissimas familias, maximè generosas feminas, in societatem suam tra-

trahunt. Erat miserrima res, videre hanc Ecclesiarum distractionem. Quicunque ab illis in hoc Independentiæ idolo dissentient, eos velut canum ac porcorum colluviem suâ communione ac Sacramentis; infantes ipsorum baptismo excludunt, tanto in Presbyteranos odio, ut & lectio ne librorum ab ipsis scriptorum, & auditione concionum talium suis interdicant. Initio Parlamenti causam acerri mè defendebant. Postea propter exclusos à verbi ministerio, qui nec doctrinâ nec eruditione instructi erant, & Presbyterialium favore ei infensissimi, Scotos nullis non proscindebant calumniis, criminando facta eorum, tanquam omnia ad proprium commodum referrent. Quos & suspectos reddere Anglis, ut animorum divisio sequeretur, modis omnibus conabantur. Dolebant Prynno cum auribus non ipsum caput præcisum. Bastwickus ab iis miserrimè exagitatus. Et suspicio haud vana erat in eum finem moderationis ac tolerationis omnium Religionum authores esse, ut virium accessione eo prætextu aucti, sectam suam stabilirent. Scripta ab iis in Parliamentum, Magistratus, Synodus virulentissima sparsa. Omnis apud eos erroris contradic̄tio ac oppositio, persecutionis nomine ve nit. Jactant nec Euangelium toti mundo prædicari, nec incrementum fidei, nec pacem stabilem sperari posse, quamdiu non generalis credendi libertas indulgeatur. Calumniæ in Presbyteriales horrendæ; Hostes Jesu Christi, persecutores fidelium, filios Diaboli vocabant. Et potius quām ut eorum Tyrannidi (sic loquebantur) succumbant, dira omnia minitabantur; & se vel mortem ipsorum regi mini prælaturos: nec arma ponere velle, nisi illâ conscientiarum Libertate, pro qua hactenus pugnarint, impetratâ. Episcoporum quidem Hierarchiam multis modis Presbyterio anteferebant; & se vel cum Regiis vires juncturos ad ejus restitutionem, quām ut Presbyteria admittant.

Plus

Plus quam quadraginta inauditæ sectæ ex hoc Independentiū Trojano Equo prosilierunt. Quidam omnem Veteris & Novi Testamenti Scripturam, velut rem nihili, rejiciunt. Alii se *Exspectantes* vocant, ullam in orbe terrarum Ecclesiam existare negantes. Alii *Inquisitores* sunt, Ecclesiam in deserto latentem quærentes. Alii tam monstruas opiniones habent, ut ne commémorari sine horrore queant. Et ab his sectariis præcipue Lecestria, Darbia, Chesterfielda se immunes magnâ prudentia & pietate conservarunt.

Hanc Religionum novarum conflugem aliter Regii, aliter Parliamentarii interpretabantur. Regii exinde certissimam spem triumfi conceperunt; & ad factiones alendas dicuntur argento clàm submissò Independentes animâsse. Contra Parliamentarii factionem hanc omnium in Ecclesia & regno periculosisssimam fore metuebant. Quippe singulas Ecclesias pro quarum privilegiis tantoper zelum suum jaçtent, singulos velut Papas habituros. Itaque autores harum sectarum sub ministrorum & servorum titulo dominium affectare, cum populum, tantâ authoritate prædicti, prout velint regere & flectere queant. Qui fere affectu potius quâm judicio Pastorem sequatur, si is artes tractandi rudem populum egregiè calleat. Quod si rerum summa potiantur, haud minorem Puritanis persecutionem imminere quâm ab Episcopis. Et tales eos conspirationem animo alere, quod in exercitum, castella, munitio-nes, provincias passim se ingerant, & quicquid cum successu geritur sibi adscribant. *Hæc Bastwic.*

Notandum, quod sectarii in illo libertatis conscientiarum argumento admodum exsultarint, persecutionem, carceres, cædes, tyrannidem, velut alter iis Nero & Diocletianus immineret, ineptè exaggerantes. Et suorum meritorum immodi ci præcones quomodo pro libertate

H regni

regni & conscientiarum arma cepissent, continuò ingemina-  
bant. Nam per quos Deus regnum hactenus liberarit,  
nisi per eos quibus nunc persecutionem intentent? qui in  
præliis animosiores? qui sæpius in Septentrione ac alibi  
viatores exstiterint? Nimirum iis nunc, qui toties hostem  
fugarint, fugiendum fore. Verba hactenus data esse: pro-  
missam singulis Ecclesiis libertatem omnino nunc negari.  
Nihil juvare sanguinem charissimorum effusum. Non se  
abnuere mortem millies oppetere, dummodo fratribus suis  
hanc libertatem conscientiarum acquirant. Crebrò hæ vo-  
cis auditæ: *Libertatem conscientiæ negatis? Quis verò fratri-  
bus nostris vitam, quis sanguinem nobis rependet?* Neque aliud  
hi Pseudo-Independentes, sub fucato fratrum nomine;  
præter animorum distractionem quærebant. Unde multo-  
ties sparsum, Cromwellum & alios militiâ abituros, nisi  
tolerationem Independentiæ impetrarent. Quo nihil mi-  
nus verum erat. Nam viri illi non tales turbas alebant; sed  
pugnare pro patria parati, victoriâ impetratâ, siquidem  
aliud quidquam admittere possint, statuatur; aliò terrarum  
se in pace ituros pollicebantur. Frequentissimè in congrega-  
tionalis Ecclesiæ laudes eyecti, eam solam extollere;  
cæteras omnes erroris & imperfectionis condemnare. Ex-  
spectare se indies majorem lucem & ad præcisitatem adspi-  
rare: ac sperare tandem omnes Ecclesiæ ad congregatio-  
nalem viam, quæ sola primitiva sit, velut ad centrum im-  
mobile, venturas. Presbyterialem tantùm viam ad eam  
perfectionem & gradum esse. In summa, Libertatis suæ  
jacturam se neutiquam laturos, quamdiu vita supersit, jacta-  
bant. *Hæc ex Parænesi pro Liberte Christianâ ad Parlamentum & synodum, anno 1644 edita.*

De

*De quatuor magnis sectis Ecclesiam An-*  
*glicanam turbantibus.*

Omnis illæ sectæ & schismata, quæ exteris videntur numero carere, ad quatuor præcipuas revocari possunt, & debent: *Quærentes sive Exspectantes, Antinomios, Anabaptistas, Congregationales.* Quanquam enim multa inter se communia habeant; & omnes quoque Congregationales sive Independentes dici velint; tamen in præcipuis quibusdam capitibus manifestè differunt ac distinguuntur.

*Quærentes, sive Exspectantes.*

Sunt, qui hos in duo genera dispescunt, & alios statuunt *Quærentes*, alios *Exspectantes*. Summa discriminis in eo constituitur, quod illi credant Ecclesiam alicubi esse, sed latere, id est inquirendam; unde & *Quærentes* dicti; alteri autem planè ejus præsentem existentiam negent, & in futurum exspectent miraculosam cœtus Christiani per Apostolos restitutionem. Sed quoniam utriusque in eo consentiunt; nullam esse visibilem Ecclesiam, ideo nolumus esse curiosi in multiplicandis schismatis. Angli *Scekers* vocant & *Waiters*; ac propriè Scepticorum propago sunt. Quis primus infamis hujus sectæ, & quæ parem ab orbe condito non habuit, author fuerit, non mihi innotuit. Orta videtur in Nova Anglia; & Hutchinsoniam si non matrem, saltem nutricem habere ac alumnam. Inde in Veterem Angliam traducta est, & quidam *Rogerius Guilhelmi*, ex Nova Anglia proscriptus, eam Londini propagavit. Præcipuum caput erroris est: Nullam esse Ecclesiam, nullum ministerium, nulla Sacra menta, vel disciplinam; propterea quia nullus sit Apostolus. Itaque hi tamdiu quæsiverunt Ecclesiam, donec eam planè amitterent. Exspectant Apostolum *Johannem*; quem adhuc vivere credunt,

H 2

&amp; brevi

& brevi compariturum, ut Ecclesiæ restituat. Alii dicunt, eum jam in Suffolcia conspectum. Juxta alios vero in Transsylvania adhuc habent; & eò destinarunt literas, quibus ipsum hortantur & obtestantur, ut citò veniat in Angliam. Ideo moris apud eos est, quando peregrinum aliquem vident, inquirendi num is fortasse Apostolus Johannes sit.

### *Antinomi.*

Antinomorum primus in Anglia fundator fuit quidam *Johannes Eatonus*, qui librum publicavit de gratuata Justificatione sive liberâ, per solum Christum; in quo præcipue insistit huic errori: Deum nec velle nec posse videre ullum peccatum in justificatis. Hic error non cum authore extinctus est, sed in hac fatali confusione caput extulit, ac in præcipuam sectam excrevit. Nam cum tradat tam expeditam & facilem in cœlos viam, ingens multitudo simplicium hominum eam amplexata est, quæ doctrinam hanc insanum in morem sectatur. Omnia tempa plena. Fores & fenestrae præ multitudine obstruuntur. Neque mirum. Doctrina enim hæc titulo liberæ justificationis pulvinar substernit omnibus peccatis, quæ deplorare aut cavere justificatis apud Antinomos grande nefas habetur.

### *Anabaptistæ.*

Anabaptistæ in Anglia Tirones adhuc sunt, neandum ad eos errores delapsi, quos apud transmarinos inventias. Tota ferè controversia, quam cum orthodoxis habent, in loco de Baptismate consistit, & vocatione ministrorum. Nam formam Ecclesiæ in immersione consti-  
tuunt, & eos tantum membra veræ Ecclesiæ esse dicunt, qui post confessionem, in flumine quodam, toti submer-  
guntur, & quasi aquis sepeliuntur. Ediderunt autem Confessio-

*fectionem fidei suæ, quæ nomine septem Ecclesiarum Anabaptistarum Londinensium anno 1644 publicata primùm, & hoc anno 46 recusa fuit.* Constat in universum LII articulis, quorum plerique sunt referti ambiguitatibus & sophisticis reservationibus. Hæreses suas incrustant subdolâ phraseologiâ. Bonus ille Senex, *Eusebius Pagit*, quosdam articulos obiter annotavit. Ut *articulo 38* dicunt: Stipendia ministrorum debere esse libera. Sensus est: Stipendia ministrorum debere esse non stata, sed voluntariam contributionem. *Articulo 39* dicunt: Baptizandos eos tantum, qui fidem profiteantur & discipuli sint. Sensus est: Infantes non esse baptizandos. 40, Immersionem faciunt absolutè necessariam. 41, Sacraenta dispensari volunt à concionatore discipulo. 42, Quibus Deus dona dedit, illi concionari possunt, ac debent.

Itaque si urgeas eos: *an Infantes sint baptizandi*, statim velut anguillæ elabuntur, ac dicunt; se in confessione suâ Pædobaptismum non rejecisse. Et sic in cæteris ita mentem suam explicarunt, ut tamen controversias callidè prætereant. Hæc igitur confessio exemplar est Sophistices, & ostendit eos multa monstra alcre, quæ profiteri nondum ausint. Hanc confessionem suam Parlamento exhibuerunt, mense Februario; & palam professi sunt, pro illa fide se morituros, si opus sit.

### *Independentes, sive Congregationales.*

Ex Nova Anglia Independentismus in Hollandiam transvolavit, & prima Ecclesia Independens Roterodami fuit excitata à quodam *Hugone Petro*, famosissimo belli Anglicani præcone. Mox Norwicho advenerunt Wardus & Bridgius, veteres Conformistæ, sed novarum Wrennii injunctionum intolerabiles. Iis mox successit Sidracus

H 3

Sim.

Simson. Statim Spiritus dissensionis flagrare inter hos tres Independentes cœpit. Simson in controversiam lapsus cum Bridgio , quod nollet concedere libertatem prophetandi , separavit se , & Novam Ecclesiam erexit . Hoc primum Schisma . Successit alterum . Bridgii Ecclesia tota contentionibus flagrabat . Wardus tyrannide populi (nam Presbyterium nullum erat) depositus ; & quanquam intercessione Arnhemensium restitueretur , nunquam tamen plenè reconciliatus fuit . Tandem , cum Bridgius & simson in Angliam reversi essent , duæ Ecclesiæ Independentes iterum , quanquam difficulter , unitæ sunt , ac libertas prophetandi privatim & die profecto permissa est . Arnhemensies Independentes præcipue de sua perfectione glorian- tur , cum tamen crassi Chiliastæ sint ; & Deum authorem peccati qua tale est , faciant ; quorum utrumque ex sui Archeri disciplina hauserunt , cuius blasphemus liber Londini publicè manu carnificis combustus fuit .

A quinque retro annis ex Nova Anglia , & Hollandia , Londinum gregatim se contulerunt , & eam metropolin fecerunt , ex qua communibus consiliis Independentismum propagarent . Palmarium eorum opus fuit Reformationem impedire , schismata & hæreses fovere , Synodum ac ejus consilia subvertere . Primò enim omnibus modis impediverunt convocationem Synodi . Cum Parlamentum magno dolore ipsorum tandem Synodum vocandam statuisset , operam dederunt ut Independens Synodus vocaretur , electiva tantùm & consultativa . Quotquot habebant celebres inter suos , intruserunt , multis veteribus Puritanis Non-conformistis exclusis , quibus Episcopales ac Liturgicos homines prætulerunt . Ita quinque vel sex Independentes tamdiu exoptatam Ecclesiæ Anglicanæ Reformationem impediverunt . Et cum jam Synodus in tertium annum duret , ac plures quàm quingentæ sessiones habitæ

habitæ sint (quod in nulla à condito orbe Synodo factum) nihil tamen adhuc opis & consolationis Ecclesia contra inundationes hæreticorum acceperit. Sicut Synodus omnibus modis impediunt: ita & ejus dissolutionem enixè moliuntur. Prætereo contumelias, quibus Reverendum cœtum lasciviosè in conventiculis suis publicè ac privatim adspergunt. Exhibitâ Parlamento petitione, Synodus dissolvi impudenter voluerunt. Ea petitio composita fuit in taberna quadam, Præside *Johannis Lilburnio*, fanatico homine, procacissimi oris, consilia sugerente & dictante *Hugone Petro*. Nam dissolutâ Synodo, certi sunt gubernationem Ecclesiæ non constituendam, & distractiones auctum iri, in quibus ipsi saginantur. Cum Parlamentum ad regimen constituendum inclinaret, Synodus eos humaniter invitavit, ut in tam pio & necessario opere se fratribus suis conjungerent; sed noluerunt. Cùm ipsis permisum esset exhibere opiniones suas & Regimen scripto, ut sic innotesceret, pro quo Tyria maria commoverent; post multorum mensium vanam illusionem & exspectationem, evulgant libellum contumeliosum contra Synodum & ejus actiones, eumque typis evulgant. Quod Ecclesiæ Anglicanæ & Hibernicæ tamdiu in lamentabilis anarchiæ Oceano jactantur, non Papistæ, non Prælati, non malignantes in causa sunt; sed Independentes, quorum constans praxis est, se opponere pro extremo virium constitutio- ni Ecclesiæ quæ non convenit ipsorum exemplari. Ut ita sicut in Nova Anglia nullam presbyterialem Ecclesiam tolerant: sic in Veteri Anglia nulla erigatur. Atque hinc illi ruditus & rugitus contra maturationem gubernatio- nis: *Differ, differ, (inquiunt) quid opus tantâ festinatione?* Ipsi in causa fuerunt tot hæresium & schismatum. *Johannes Lilburn* & ipse schismaticus, ex bello redux, narravit se quadraginta novas sectas in via reperisse, & eas adeò atro-  
ces,

ces, periculosas, blasphemas, ut quanquam sit pro toleratione omnium Religionum, tamen vix abstinere manus potuerit. Independentes sicut producunt; ita & sovent ac nutriunt sectas; ac semper cum iis contra Presbyterianos colludunt. Eò jam infanæ delapsi sunt, ut pro absoluta toleratione omnium Religionum, voce, scripto, mox & gladio id acturi, pugnant. Nam haud occultè jactant se libertatem sibi Religionis, quicquid tandem Parlamentum vel Synodus statuat, acquisituros. In nonnullis congregacionibus fedus ineunt se pro extremo virium Independentissimum stabilituros, oppressis Presbyterianis. Quidam ad Prælaticos Sacerdotes professi sunt ante se omnes interempturos, quam passuros ut Presbyteria regant, potiusque juncturos vires pro reducenda Hierarchia. In summa: Presbyterianos ineffabili odio prosequuntur.

### *Doctrina Independentium.*

Non est facile exponere omnes Independentium opiniones, quia hactenus subterfugerunt intimos sensus suos in lucem proferre; & quia profitentur Scepticismum cum mutabilitate in opinionibus. Quàm refractarii sint in declaranda mente suâ, patet tum ex obstinato silentio eorum, tum quia etiam urgentibus ac obtestantibus fratribus suis detrectant sua dogmata proponere. Et ministri Londonenses, & nomine Ecclesiarum Walachriæ Apollonius, frustra eos instantissimis precibus sollicitârunt. Quod si aliquando narrationem viæ suæ ediderunt, id semper factum cum exceptione; ita ut profiterentur ultimas conclusiones suas & decretorias se nondum posse aperire. Et utut planius se declararent, tamen principium illud scepticum & mutationis impedit, quo minus certi esse possint orthodoxi de mente ipsorum. Singulares opiniones, quæ

quæ in publicum emanarunt, nec hactenus revocatæ sunt,  
ita se habent.

Cum profiterentur se abhorrere à Brownismo , distincti  
ab ipsis fuerunt nomine Independentium, quod innuit præ-  
cipuum discrimen inter ipsos & Presbyterianos situm non  
in separatione , sed in regimine Ecclesiæ , quod contra o-  
mnes Ecclesias Reformatas sustinent esse Independens, hoc  
est, non subjectum ulli authoritati & Jurisdictioni Synodi-  
cæ . Sed jam ferventi studio rejiciunt nomen Independenti-  
um, profitentes Independentiam vel dependentiam con-  
gregationum esse unam ex minimis controversiis. Ut  
quemadmodum orthodoxos vocant Calvinianos & Pres-  
byterianos ; ita ipsis loco Independentium vocandi sint  
Brownistæ & Separatistæ . Nam primò profitentur se di-  
midia parte inclinare ad Brownismum, & veritatem con-  
fistere in medio inter Brownismum & Presbyterianismum.  
Sed etiamsi in quibusdam inclinent ad medium viam ; ta-  
men in præcipuis non tantùm consentiunt cum Browni-  
stis, sed & eorum furores exsuperant, ut pro Semisepara-  
tistis inveniantur Sesquiseparatistæ . Nam Independentes  
secessionem faciunt à Reformatis Ecclesiis propter longè  
deteriores causas , quàm Brownistæ . Hi enim prætende-  
bant Episcopos , Liturgiam , & impietatem congregatio-  
num. Sed jam omnia hæc sunt sublata , & profani ac scan-  
dalosi arcentur à Cœna. Nihilominus separant se . Nam  
quod confitentur Ecclesiam Anglicanam esse veram Ec-  
clesiam , & ministerium ejus verum ac salvificum , id non  
minuit sed auget crimen separationis . Majus quippe pec-  
catum est separare se à vera Ecclesia , quàm à falsa. Re-  
nuunt omnem Communionem ut membra cum Ecclesiis  
Reformatis. Concionantur inter illos , tanquam inter pa-  
ganos , solummodo ut viri donis prædicti , pro colligendis  
novis Ecclesiis. Docent: Quicunque non amplectatur Inde-

pendentiam, utcunque cætera pius & orthodoxus sit, cum non admittendum ad sacram Cœnam, nec frui debere privilegiis Ecclesiæ; sed tales esse Antichristianos spiritus, hostes regni Christi. Cùmque iis oblatæ essent optimè Reformatæ congregations in Anglia, cum personali dispensatione quamdiu viverent; si modò vellent desistere ab intolerabili separatione, nihil impetrari potuit; & clarè ostenderunt, se cum separatis Congregationibus suis velle tolerari, & non aliter. Materiam & formam Ecclesiæ suæ à Brownistis didicerunt. Neminem admittunt pro membro, nisi qui totam Congregationem convincit de sua reali regeneratione. Præter veram gratiam requirunt in membro convenientiam Spiritus, ita ut affectus ejus concurrant cum affectibus totius Ecclesiæ. Sed in hoc sunt laxiores Brownistis. Nam Anabaptistas, Antinomos, & alios sectarios admittunt, modò non sint Presbyteriani. Formam Ecclesiæ ponunt in federe cum Brownistis, sed longè strictiori. Neminem admittunt, nisi qui planè & plenè omnem eorum viam & ubicunque à Reformatis Ecclesiis differunt, amplectitur, & nuper Londini etiam hoc juramento suo addiderunt: Quod velint gubernationem Presbyterialem oppugnare, & Independentismum vi & armis propugnare. Cum Brownistis Ecclesiam à privatis federe Ecclesiastico se obstringentibus, sine Magistratu & ministris, constitui volunt. Et hanc potestatem septem ad minimum personis adscribunt, nec plures admittunt quam qui commode in uno loco convenire possint: Volunt omnes in Anglia Ecclesias esse dissolvendas, & ministros debere privatam personam induerē, ac sic novas Ecclesias Independentes constituere. Idque nuper patuit in Bermudis. In ea insula plusquam 3000 incolæ sunt, qui multis annis pacificè per Ecclesias suas & piè vixerant, usque ad A. C. 1641. Cum ministri ipsorum persuasi à Nov-Anglis se ministerio suo

suo abdicarunt, & privatas personas assumerent. Donec tres federe Ecclesiastico obstricti, novam Ecclesiam consti-  
tuerent, persuasis ad societatem aliis circiter 40. Hi confe-  
derati unum ex ministris qui se abdicarant, Pastorem suum  
creant; & alios duos Presbyteros. Et hi tres per totam Insu-  
lam prædicarunt, præparantes cæteros, ut membra Ecclesiæ  
fierent. Nullis verò Sacra menta administrarunt, præter  
quam illis 40 confederatis. Ejusmodi septem personis dant  
omnem potestatem Ecclesiasticam independenter sub cœ-  
lo eligendi, ordinandi, deponendi, excommunicandi &  
decidendi omnes controversias Ecclesiasticas. Quæ contro-  
versia circa potestatem Presbyteriorum & Congregatio-  
nis, Brownistas, Johnsonum & Ainsworthum exercuit,  
eadem Independentes exercet. Nov-Angli potestatem  
Ecclesiæ adscribunt Congregationi, Presbyteris præpara-  
tionem rerum, ita ut decisio fiat per pluralitatem vocum.  
Claves dant non Presbyteris, sed fraternitati, ut loquun-  
tur. Et cum metuerent usurpationem Presbyterorum, &  
succrescentem autoritatem, alicubi totum ordinem omi-  
serunt, Amstelodami Brownistæ, Roterodami Independen-  
tes, ubi nulli Presbyteri sunt, sed omnia à populo guber-  
nantur. Imò Arnhemenses multis annis sine Pastore vixe-  
runt. Sed Cottonus & alii, cum viderent nimiam & intol-  
erablem populi potestatem super Presbyteros, ab Ainf-  
wortho ad Jonstonum lapsi sunt, & Presbyterii authori-  
tatem supra fraternitatem extollunt, ac defendant Pres-  
byterii superioritatem supra fratres esse de jure divino. Ut  
verò utriusque parti satisfaciant, Presbyterium & fraterni-  
tatem faciunt causas sine qua non: ita ut nihil ratum sit  
quod Presbyteri egerunt, nisi consensu populi confirme-  
tur; & populus nihil agere possit, nisi per Presbyteros.  
Quod si obstinatio Presbyterii sit incorrigibilis, tunc dant  
potestatem populo separandi se ab iis, & novos Presbyte-  
ros

ros eligendi. Nondum tamen planè convenit inter ipsos, quanta potestas Presbyteris, quanta populo adscribenda sit. Multas distinctiones invenerunt, sed neutquam satisfactorias scrupulositati suæ. Maximè tamen iis arridet novum commentum Cottoni, distinguentis inter potestatem authoritatis & libertatis. Independentes plus potestatis Ecclesiasticæ feminis adscribunt, quam Brownistæ. Synodus Nov-Anglica non tantùm fraternitatem, sed & sororitatem facit subjectum privatæ clavium potestatis. Femina fuit fundatrix Ecclesiæ Roterodamensis, in qua Simson docuit. Hutchinsonia Cottonum, & complures, in Nova Anglia ad horrendos errores, & ipsum novæ Separationis præcipitum, abduxit. Londinenses Independentes nuper feminis in Ecclesia potestatem dederunt disputandi & decidendi controversias suffragiis suis. Garrula Katarina Chidley in scripto pro Independentibus evulgato, privatos scribit legitimè sacramentum utrumque administrare posse. Et utcunque in nonnullis sit differentia inter Brownistas & Independentes, tamen in præcipuo capite summus consensus est. Quæcunq; tandem potestas sive libertatis, sive authoritatis, sit in Congregatione organicè, in fraternitate sive Presbiterio radicaliter & habitualiter, conjuratum sive separatim, hanc ita adstringunt Congregationi, ut nullam subjectionem alterius authoritatis agnoscant. Vocabulum Independ. aliqui abominantur, sed aliqui tantum. Sunt alii ex præcipuis ipsorum Rabbinis, quibus id non displicet. Sed quicquid tandem id verbi sit, rem omnes obstinatissimè defendunt. In nulla re major concordia inter ipsos quam in hoc, quod quælibet congregatio, etiam septem tantum personarum, totam Eccles. potestatem absolute sine dependentia vel subjectione sub cœlo possideat. Quod si corruptum & negligens Presbyterium non corrigit membra sua, omnes Synodi totius orbis non habent

po.

potestatem juxta eos censurandi tales, etiamsi corrumperent hæresi suâ & vitiis totam nationem. Itaque omnem authoritatивam Synodorum potestatem sive Nationalium sive œcumenicarum pro Antichristiana tyrannide habent; & si quis ex congregatione minimâ se submittat, eum dicunt abjecere libertatem, quâ Christus nos liberavit. Atque hoc monstrorum Independentiæ dogma, vel radix vel dogma est multorum errorum. *Radix*: quia pauci quidam se includentes exiguis terminis unius congregatiunculæ Independentis, exempti à censura aliarum Ecclesiarum, latam Diabolo fenestram aperiunt, seducendi eos in quasvis humani cerebri imaginationes & errores, sine ullo humano remedio. *Fructus*: quia qui sibi consciî sunt singularitatis, quam non toleratum iri vident, statim se recipiunt ad asylum Independentiæ, ubi liberè sua monstra in sinu fovere queant.

Ut crudum hoc dogma mitgent, tria, sed in vanum, addunt. *Primo* concedunt classes, Presbyteria, Synodos; sed ita, ut verbo tantum differant, & classes sint eadem cum Synodis. Nam inter classicale Presbyterium & Synodum nullas admittunt classes, sive composita plurium congregationum Presbyteria, quæ Reformati faciunt primum & ordinarium subjectum ordinationis & aliarum jurisdictionum. Præterea Synodi ipsorum non nisi Brownisticæ sunt, sine omni jurisdictione, ubi cuilibet ex populo licitum sententiam dicere, merè electivæ & occasionales. Quod si classis vel Synodus non hoc modo se habeat, eam pro tyrannica curia, longè Episcopalibus deteriori habent. *Secundo*, Synodis adscribunt censuram Non-communio-nis. Hoc novum commentum inter alia Cottonus veteri Brownismo addidit; & est merum figmentum cerebri humani, quod Independentiam ad summum potestatis fastigium evexit. Nam sic quælibet, etiam minima congre-

gatio, omnes Ecclesias totius mundi potest à sua communi-  
nione rejicere. Orthodoxi tantum synodis adscribunt po-  
testatem censurandi membrum vitiosum congregationis;  
& hi uni congregationi adscribunt potestatem censurandi  
omnes Ecclesias & Synodos totius orbis. In hac *Non-commu-*  
*nione* fastigium Brownismi & Separatismi consistit. *Tertio*: Magistratui adscribunt Potestatem hæreticos punien-  
di ac schismaticos. Et hoc à Brownistis didicerunt. Sed  
nuper nimium affectata libertas eos ab hoc dogmate abri-  
puit; & nunc obsecrant magistratum, ut Religiones libe-  
ras esse sinat. Imò negant Magistratum ullam potestatem  
in Religionem habere, quod nec Papistæ, nec Arminiani  
tantâ ausi sunt impudentiâ.

Sic patet, quod in separatione, constitutione & regimi-  
ne Ecclesiæ Independentes cum Patribus suis Brownistis  
pari passu incedant, & in multis præcedant. Nec minus si-  
bi in his nugis quam Brownistæ placent. Nam in his ipsum  
J. C. regnum constituunt, & qui se his phantasiis opponit,  
eos hostes regni Christi faciunt. Dicunt Independentiam  
hanc esse initium & partem regni Christi in hac terra,  
quod mille annis duraturum sit. In cæteris quoque Brownistas Magistros agnoscunt. Matrimonia Magistratui ad-  
scribunt, vel minister nomine magistratus & ut delegatus  
ejus id confirmat. In divortiis nonnulli Brownistis sunt de-  
teriores. Miltonus merum viri arbitrium, sine uxoris cul-  
pâ vel judicis cognitione, facit sufficientem divortii cau-  
sam. Gortingius celebris in Nova Anglia Independens  
ante Hutchinsoniæ turbas, docet uxores posse repudiare  
viros suos, si nolint sequi in novam Ecclesiæ, quam ipsa  
amplectatur. Omnes circumstantias cultus divini, quas  
Scriptura non determinat, liberas permitti volunt, ita ut  
etiam Directorium vilipendant. Notum est, quam acriter  
se opposuerint Directorio trium regnum, & cum non  
pos-

possent illud impedire , quantum operam dederint , ut in præfationem ex phrases inscrerentur , quibus omnis usus ejus frustraretur . Uniformitati se præfractè opponunt . Vulgaria dierum , mensium , multarum civitatum & templorum nomina ipsis æquè ac Brownistis illicita . Et tamen subterfugiunt templa sub Papatu structa , nec campanas refugiunt inventas à Papa & superstitione baptizatas . Decimas & stata stipendia abnuunt , & restitui volunt Apostolicam praxin , ita ut ministri Ecclesiæ sustententur ex Eleemosyna & voluntariâ contributione . Sed praxis ipsorum in hoc à doctrina discrepat . Nam amant stata stipendia , eaque larga . In solemni cultu sèpe unus precatur , alter concionatur , tertius prophetat , quartus Psalmos dirigit , alius dimittit & benedicit . Divinam institutionem faciunt , ut cultus sine ulla præfatione incipiat à precibus pro Rege & Ecclesia . Post Pastoris preces Doctor legit & exponit . In concionando volunt vel sumere textum , vel liberè differere ; prout ipsis videtur necessarium . Post concionem cuilibet ex populo , qui est idoneus , dant prophetandi libertatem . Omnibus licitum est ea quæ dicta sunt , publicè examinare & contra objicere . Sed hæc duo exercitia adeò infeliciter in Nova Anglia successerunt , ut libenter utrumque abrogatum viderent . Quidam nullas admittunt cantiones tempore publici cultūs ; alii nolunt permettere ut mulieres canant in Ecclesia . Monstrosum est illud Arnhemensium inventum , qui canentem Prophetam instituerunt . Is solus in Ecclesia decantat Psalmos , quos ipse composuit ; cæteris omnibus silentibus . Preces ex libro legi permittunt in certis casibus ; & Orationem Dominicam etiam in publico recitari , sequentes Robisoni doctrinam . Sed praxis eorum in hoc silet , & constanter Orationis Dominicæ obliviscuntur . Neminem volunt baptizari , nisi infantes suarum congregationum . Et sic

to-

totam Angliam, paucis illis Independentibus exceptis, reducunt ad Paganismum, excludentes eos omnes Ecclesiâ Christianâ. Denegant ipsis Sacra menta, disciplinam, ministros, & omnia quæ barbaris Americanis denegarent. Cæteros infantes sine baptismo usque ad annos discreti onis manere volunt, donec possint non tantum declarare actualem fidem & sanctimoniam suam, sed & subjicere se regno Christi, id est, Independentiæ. Nolunt admittere stipulationes pro infantibus. Immersionem probant, nec adspersionem improbant. Viam Anabaptismo præparant in tribus his, ubi non tantum omnes orthodoxos, sed & Magistros suos Brownistas deserunt. Primo denegant federalem sanctitatem liberorum ex Christianis parentibus natorum. Contra hanc Th. Goodwin concionatus est, palam negans illam communem Protestantem distinctionem sanctitatis in realem & federalem, & requiriens in quolibet baptizando infante realem & inhærentem sanctitatem, præter federalem. Quæ cum nullo certo signo possit in infantibus deprehendi, quis non videt Pædobaptismum subverti? Secundo: Baptizatos infantes non habent pro membris Ecclesiæ, priusquam suscipiant fedus. Et sic baptismum exigui usus faciunt, quo infantes sine detrimento carcere possint. Tertio: Anabaptismum pro tolerabili errore habent, nec membra sua coram Presbyterio reprehendunt propter obstinatum Pædobaptismi neglectum. Cœnam Domini noctu, postquam alias cultus peractus est, celebrari volunt. Cum nulla Reformata Ecclesia eam participant, sed cum Brownistis & Anabaptistis. Celebrant eam non singulis mensibus, ut in Nova Anglia; sed qualibet Dominicâ, quod facit actionem Missæ Romanæ similem. Nam non præparant membra sua ad sacrum illud convivium. Tam felices se esse putant, ut semper præparati sint ad Cœnam Domini à primo ingressu suo in Ecclesiam

siam usque ad mortem. Toto hoc spatio nulla inter eos catechizatio. Hoc exercitium infra se habent, & tanquam inutile in tam perfectis congregationibus. Non habent concionem unâ septimanâ ante Cœnam, ac ne quidem membra sua admonent. Praxis Novæ Angliæ monendi omnes unâ Dominicâ antè Londinensibus Independentibus displicet. Non habent conciones Eucharisticas post Sacramentum. Omni tempore Cœnæ altum in congregatione silentium: non lectio, non exhortatio, non psalmi; membra ipsorum non opus habent ejusmodi mediis ad sacramentales meditationes. Etiam à Brownistis didicerunt duplē & distinctam consecrationem utriusque elementi sigillatim. Novi Angli sessionem ad tabulam habent pro necessario ritu. Sed quemadmodum Brownistæ Amstelodamenses hodieque non habent tabulam, sed mitunt elementa de pulpito per manus Diaconorum ad congregationem hinc inde sedentem: sic Independentes Londinenses contendunt supervacaneum esse accedere ad tabulam, sed volunt sigilla à pulpito ad populum circumferri. Londinenses urgent, quemlibet communicantem debere opero, ministrum nudo capite esse. Nam hunc ritum significare communicantibus honorem convictus & societatis cum Christo; & ministrum esse servum Ecclesiæ. Finito cultu, tum cum Brownistis totus populus audit & dijudicat res ad disciplinam spectantes. Atque hic actus est omnium tædiosissimus, propter infinitas contentiones, quæ in congregationibus ipsorum oriuntur. Roterodami & Arnhemi congregatio aliquot dies continuos insumsit in disceptatione causarum, quæ die Sabbathi non potuerunt dijudicari. In Cognitione cuilibet membro quoad singula satisfaciendum est. Nam non spectant pluralitatem vel numerum sententiarum, sed harmoniam & consensum omnium, qui jus sententias dicendi habent. Quod si qui

K

dis-

dissentiant à majori numero, eos informant & laborant ad consensum perfuadere. Si nolint cedere & se fratribus suis conjungere, declarantur obstinati, & excidunt jure suo sententias dicendi pro illo tempore. Et quod pessimum, ac ob levissimas occasiones divisionum in his congregacionibus causa, dissentientes ob contumaciam acriùs castigant. Privatos conventus, medios inter domesticos & congregationales admodum commendant. Nam in iis communiter aliarum Ecclesiarum membra ad Independentissimum suum præparant ac seducunt. Verùm Brownistæ, & Nov-Angli, incommodis quæ senserunt gravissimis edocti, talia conventicula omittunt. Nam in Nova Anglia prætextu collationis & repetitionis concionum falsæ doctrinæ, abominabiles calumniæ contra orthodoxos ministros ac Magistratus sparsæ; ita ut tam Respublica quam Ecclesia collapsuræ viderentur, nisi Deus malum avertisset. Sed quoniam Londinenses Independentes his convetriculis tanquam præcipuo medio pro seducendis aliarum Ecclesiarum membris utuntur, ideo iis studiose invigilant. Quod si collectio Ecclesiarum aliquando ad finem perducta esset, & curam adhiberent pro conservando & ædificando id quod suffurati sunt, tum procul-dubio æquè cauti futuri essent, ac Brownistæ & Nov-Angli. Nam illæ congregations privatæ sunt ager hæresium & divisionum feracissimus. Magistratui impudenter adulantur, ita ut etiam Reformatas Ecclesias contumeliosissimè apud eum traducant. Nam jactitant se Magistratui tantum tribuere, quantum Presbyteriani non possint. Sed quam falsum hoc sit, ex his patet. *Primo*: quidam præcipue inter eos authoritatis negant Magistratum ullam potestatem in pios habere. Alii, ut Hutchinsonia, omnem Magistratum abnegant. *Secundo*: annon ipsorum doctrina excludit omnes Reges, Principes, Magistratus (paucissimis exceptis) ab Ec-

Ecclesia & Sacramentis; infantes ipsorum à baptismo?  
*Tertio*: pauci illi Reges, Principes, Proceres quos admittunt, quamdiu quæso victuri esset ut membra inter eos?  
Nam dicunt se excommunicaturos sine mora etiam maximos Reges, propter vitium in doctrina vel vitâ; & nullum discriminem inter servum & Dominum eâ in re fore. Nec semel ejectis ullum humanum remedium relinquunt, etiam si omnes Theologi, Synodi, Ecclesiæ viderent innocentiam eorum; nihil tamen hoc valeret contra congregatiunculam Independentem. *Quarto*: ubi rerum potiuntur, neminem ne ad minimum quidem munus publicum admittunt, nisi qui sit cordialis Independens. Et Magistratus, quem admittunt, potestas omnis ac authoritas à beneplacito promiscui vulgi dependet. Reges ac Parlementa subjiciunt populo. Quando Magistratus non vult amplecti eorum nova commenta, tum statim parati sunt ad insurrectiones, & totum statum subvertere conantur. Sic nūc in Anglia minacissimè loquuntur, & nil nisi eadem Presbyterianorum spirant, ac sperant. Ante aliquot annos in N. Anglia cum nescio quid de Rege suspicarentur, statim armarunt populum, & juramentum ab eo exegerunt, pro defensione Privilegiorum suorum contra quosvis. Et paulò post in tumultu Hutchinsoniano Magistratus coactus est eos exarmare etiam Bostoni, quod metus insurrectionis esset, & Magistratus de vita inter ipsos, Respublica de salute, laboraret. *Sexto*: anne Principia Independentium ullam Magistratu in Ecclesiæ potestatem relinquunt? anne submittunt se Civili potestati in Ecclesiasticis? anne se impediri patiuntur à Magistratu, quo minus Ecclesiæ de prædentur & furentur membra? anne jubente Rege & Parlamento dimittere aliarum Ecclesiarum membra, ea excludent à suis conventiculis? annon nuper declararunt coram Parlamento, Religionem exemptam esse à civili po-

K 2

testâ

testate? *Septimo*: anne ul<sup>le</sup> Ecclesiæ Reformatæ, vel ul<sup>la</sup> Ecclesiæ totius mundi adeò injuriæ sunt in Magistratum ac ipsi, qui spoliant Regem & Parliamentum Legislativâ potestate? qui abolent omnes humanas Leges, & impe- diunt ne novæ fiant? Nam dicunt, Legislativam potesta- tem solius Dei prærogativam esse. Et Independentes, quan- quam non tam rigide & apertè in hoc loquantur, ac Brownistæ; tamen apertè dicunt: Non licere Magistratui le- ges condere, quæ non consentiant cum Legibus in Scri- ptura; cùm Scriptura sit perfecta Regula etiam in civili- bus. Et Cottonus docet, civiles leges ab hominibus con- ditas, non ultra hominem obligare, quām ratio Legis eum obligeat & conscientia. Jugum Legis judicialis denuò im- ponunt cervicibus Magistratus, & in pace & in bello, sine ulla dispensatione vel in addendo vel in subtrahendo. Ve- rum quidem est, quod Cotton hoc limitet ad eas Leges judiciales, quæ moralē æquitatem in se contineant. Sed hæc moralis æquitas ab eo, ut William testatur, ad tot par- ticularia extendi solet, ut tota Lex judicialis reducenda sit. *Nono*: an ulla Reformata Ecclesia ministros facit membra supremæ Curiæ civilis cum potestate sententias dicendi in electione Magistratū, & Leges civiles ex Scriptura com- pilandi? Magistratum miserè illudunt, & contradictoria ei persuadent. In Nova Anglia persuadent Magistratum, ut occidat omnes Idololatras & hæreticos, etiam integras ci- vitates cum viris, feminis, infantibus exscindat. In Veteri Anglia doctrinam diametaliter contrariam sustinent. Nam hoc Theomachiam faciunt; & magistratui denegant vel minimam potestatem contra crassissimos Idololatras, Apostatas blasphemos, seductores & hostes Religionis. Iraq; tolerari volunt hæreses, schismata, Judaismū, Turcismum, Paganismum, & quic-quid monstrosi erroris ortum est, orieturye. Denique propendent ad omnis generis hæreses.

Ad

Ad Arminianismum: dum docent realem sanctificationem omnium baptizatorum infantum. Enthusiasmum: dum contemplantur Deum sine Scriptura. Libertinismum: dum Deum faciunt authorem <sup>arbitrius</sup>. Antinomicos, Montanisticos & Familisticos errores fovent; nec Socinianis destituuntur. Declarant, se neminem velle ejici ex Ecclesia, propter errores qui non sint fundamentales. Quo usque autem hoc fundamentum extendere velint, quis scire potest?

*De quibusdam controversiis inter dissentientes fratres (Independentes), & Synodum.*

Petierat Synodus à dissentientibus fratribus, ut regiminis sui formulam exhiberent. Cum hoc diu & per multos menses frustra exspectatum fuisset, tandem Thomas Goodwin, Jeremias Burroughes, Guilh. Greenhill, Guilh. Bridge, Philippus Nye, Sidrack Simson, & Guilh. Carter, exhibent Synodo Remonstrantiam, quam vocant, quā expoununt caussas, cur nec possint, nec velint, Synodo exhibere formam regiminis sui. Hæc charta fuit ab ipsis communicata aliis, & clām typis excusa, magno cum Synodi præjudicio. Scopus ejus fuit, persuadere populum, quòd semper parati fuerint profiteri, quid sentiant de regimine Ecclesiæ. Huic libello Synodus respondere coactus fuit, quam multis injustis aspersoribus onerabant. Ostenditque in responso suo, quām de die in diem, de mense in mensē tergiversati sint, nec promissis de exhibenda forma steterint, sed cavillati statum Quæstionis, latibula quæsiverint ac subterfugia. Synodus gravissimam responcionem his verbis claudit: Existimamus fratres non destitui justâ causâ, cur formulam regiminis sui exhibeant Synodo; sed eos vana prætendere, ac latere aliquid sub hoc tectorio.

K 3

For-

Fortasse nondum ipsi constituerunt , cui insistant firmiter; quia reservant sibi libertatem mutandi & retractandi, quod exhibita semel forma tam commodè vel honorifice fieri non posset. Vel non convenit ipsis inter se. Facilius est consentire in negando, quām affirmando. Vel si hi septem conveniunt, alii fortasse fratres ipsorum , quibus formula hæc communicata fuit, dissentunt. Vel si & hi consentiant, nolunt offendere eos à quibus subsidium sperant. Vel exspectant aliam opportunitatem evulgandi sensus suos, Synodo dissolutâ, ut ne respondere possit ipsis ; Presbyteriis introductis , quæ displicitura credunt populo , & tum tempus fore scribendi arbitrantur . Quicquid hujus sit, committimus causam nostram Domino, qui amat veritatem & simplicitatem, & suo tempore deteget quæ nunc latent.

*Cornelius Burges, Prolocutor pro tempore.*

*Adoniram Byfield, Scriba.*

Burtonus contra Calanium : Vociferantur Presbyteriani , ut ostendamus iis formam & exemplar regiminis nostri. Nos verò vociferamur , ut seriam resipiscentiam agant , pro superstitionibus suis , cum subjecerunt se Antichristianæ Hierarchiæ; juxta illud Ezechielis XLII. 10, II. Si fuerint confusi, tum ostende iis exemplar. Ad quæ verba doctissimus ille & moderatissimus Calamus centum furiosis Burtonis præferendus . Sensus horum verborum est , neminem resipuisse à Prælatica conformitate , nisi Independentes & Presbyterianos utcunque frequenter humilient se & deplorent suam Conformatatem, nihilominus quamdiu non fiant Independentes , nondum esse confusos, nondum resipuisse.

*Quod sit magna spes unionis inter Presbyterianos & Independentes orthodoxos.*

Quanquam verò controversiæ ob regimen in immensum

sum ferè excreverint contentionis studio, tamen non deest  
spes unionis inter Independentes orthodoxos & Presby-  
terianos. Idque viri utrumque moderati testantur, facile  
componi posse controversias, si amoto calumniandi studio,  
irâ, odiis utrumque aliquid remittatur; ut sic regimen in-  
ter dominium & confusionem mediâ viâ incedat. Hoc  
quidem verum est, si furorem Burtoni, maledicentiam  
Johannis Goodwini sequi velimus, non magis spem com-  
ponendi inter fratres exorta dissidia esse, quâm si quis  
ignem oleo extingue velit. Gillespius contra Coleman-  
num, in fraterna examinatione pag. 33. Ubi nos (inquit)  
& Independentes conveniemus? In eo, quòd sit regimen  
Ecclesiæ de jure divino, hoc est, quòd Pastores & Presbyte-  
ri debeant suspendere & excommunicare pro gradu scan-  
dalorum. Et quis scit, an non purgatio Ecclesiarum à scan-  
dalibus viam unionis inter nos & Independentes faciliorem  
quâm multi credunt, redditura sit? *Et in alio libello*, cui ti-  
tulus: *Nihil Respondes*. pag. 19. Nunquam desperamus de  
unione cum illis, qui sunt sani in fide, sancti in vita, &  
prompti ad regimen & purgationem Ecclesiarum per mi-  
nistros Ecclesiæ. *Jeremias Burroughes Irenici cap. 7.* Quod il-  
li, qui sunt pro congregationali via, non defendant absolu-  
tam libertatem omnium Religionum. Ostendam, (inquit)  
discrimen non esse magnum inter Presbyterianos & Inde-  
pendentes, & in congregationali viâ quoad effectum æquè  
valida remedia esse contra hæreses & schismata, quâm a-  
pud Presbyterianos. Nota duo. *Primo*: Ecclesiæ remedia  
contra hæreses & errores tantùm esse spiritualia. Alia  
media sunt extrinseca. Quod ad Magistratum, si interpo-  
nere vult autoritatem suam, utriusque concedent. *Secundo*:  
Spiritualis potestas non operatur in externum hominem,  
sed in conscientiam. Ergo quamdiu homines sunt conscienc-  
iosi, tamdiu efficax est, & non ultra. Jam ergo vide, quæ  
diff-

differentia sit in congregationali viâ à Presbyterianis , in  
reducendo homines ab erroribus . I. Congregationales fa-  
rentur , se in conscientia teneri rationem fidei suæ reddere  
vicinis Ecclesiis , vel aliis requirentibus ; & hoc non esse  
arbitrarium , verùm à Deo mandatum . II. Fatentur Syno-  
dos aliorum ministrorum & seniorum esse institutionem  
J. C. contra errores , schisma & scandalum . III. Has Syno-  
dos habere potestatem errantes admonendi in nomine  
Christi . IV. Ubi opus , possunt declarare homines vel Ec-  
clesias esse subversores fidei , vel aliter pro natura peccati ,  
ut confundantur coram omnibus Ecclesiis . V. Possunt  
solemniter & in nomine Christi abnuere ullam ulteriorem  
communionem cum iis , donec resipiscant . VI. Possunt  
in nomine Christi declarare , hos errantes non esse reci-  
piendos in societatem ullius Ecclesiæ Christi neque com-  
munionem ordinationum Euangelii . Hæc omnia in nomi-  
ne Christi facta , num nihil apud conscientias valebunt ?  
Dices : quid , si omnia hæc spernant ? Hoc perinde est , ac  
si diceres : quid , si non sint conscientiosi ? quid , si nihil præ-  
valeat in eorum conscientiâ ? Quæro , quidnam Ecclesia  
porrò agere queat in reducendis hominibus ab errore ?  
Dices : Hæc omnia agere possunt majori autoritate , quâm  
congregationalis via permittit . Sed quænam major Ec-  
clesiæ potestas , quâm agere aliquid in nomine Christi ?  
Dices : Privati fratres possunt admonere & declarare in  
nomine Christi . Sed hoc plus est , quâm privatum opus .  
Synodus est institutio Christi , & Presbyteria sunt ministri  
Christi . Dices : In Presbyteriali viâ adhuc alias gradus est ,  
nimirum ; si sex priora nolunt prævalere , Synodus potest  
eos Satanæ tradere . *Resp.* In hoc situs est nodus & cardo  
controversiæ inter Presbyterianos & Congregationales .  
Sed quæso , considerate , ad quod punctum dividamur ; &  
num causa dissidii tanta sit , ut non possimus convenire .

Nam

Nam I. considera, quid sit tradere Satanæ; quod est septimum illud, quod fratres nostri sperant prævalitum in conscientiis hominum, ubi sex priora non possint. Imò verò inquiunt. Nam sic ejiciuntur ex regno Christi in regnum Satanæ, & hoc perterrebit. Hæc ejectio intelligenda est, clave non errante, cum Synodus rectè judicat, non alter, & hoc conceditur. Tum considera II. annon hoc factum jam sit in prioribus sex in nomine Christi factis? Nam ministri C. in nomine ejus congregati solenniter declararunt, hæreticas Ecclesias vel personas non habere jus ad ullam ordinationem Ecclesiæ. Et si hoc judicium est rectum, annon tales ejectedi sunt ex regno Christi in regnum Satanæ. *Objecțio.* Sed non formaliter & judicialiter traditi sunt Satanæ. *Reſp.* Quid? an dividemur, & alter alterum devorabit propter formalitatem & jurisdictionem, qui termini non sunt in Scriptura, cum in re consentiamus, quæ apud conscientias æquè prævalebit, ac si formalitas esset observata? Præcipue si consideremus, magnam esse quæstionem inter fratres, annon hæc traditio Satanæ sit Apostolica, peculiaris Apostolis, ita ut non conveniat ordinariis Presbyteris? Quod si ita, tum Non-communio erit extremus gradus censuræ Ecclesiasticæ. Et si alii fratres ascendunt ad septimum gradum, alii consistunt intra sex qui talem supra conscientias vim habent, ut iis non præalentibus, ne septimus quidem videatur prævaliturus, cur non Regula Apostoli nos componat, Phil. 3. 15. 16? Si nos tantum attigimus sex, & fratres nostri septem, ambulemus simul in charitate ad sex. Si Deus revelet septimum, & eum amplectemur. Cur enim tam violenter, etiam schismatis periculo urgeatur? Et utcunque non habeamus septimum, tamen in sexto est, quod habet in se efficaciam septimi. Nam in quo consistit efficacia septimi super sextum? annon in hoc, quod sit ultimum medium à Christo

L

in

in conscientias præscriptum : quæ consideratio plena terroris est ? Jam Congregationales dicunt , quòd hoc sit plenè in sexto , & id æquè terrible esse conscientiis suis , ac septimum est conscientiis fratrum ; idque ob unum idemque fundamentum . Et jam fratres considerent , an congregationalis via nullum relinquat medium reducendi errantes in viam , sed omnes toleret Religiones . Sanè non agunt ingenuè , qui tam vehementem accusationem tam infirmo superstruunt fundamento . Sed quid , si congregations nolint rationem viæ suæ reddere ? Quid , si non tantum conscientiæ in iis sit , ut curent admonitiones , opponant se iis , & secessionem faciant ? *Resp.* Quid , si non curen vestram traditionem Satanæ , sed procedant in malis factis suis ? *Dices :* Conqueremur apud Magistratum , & ejus ope utemur , ut curent decreta Ecclesiæ . *Resp.* Sed jam non amplius remedium habebis ab intrinseca potestate Ecclesiæ . Et quod ad subjectionem Magistratus , concedimus , si vult interponere autoritatem suam , potest juvare sententiam contra subversores fidei tam in Non-communione , quam in traditione Satanæ . Et tunc ferendum nobis est quod infligitur , cum facere non possumus quod requiritur . Hæc differentia est , quod non tam longè progredimur in hoc , ut alii , qui legem hanc conscientiis Magistratus imponunt , quod teneatur potestate suâ exequi decreta Ecclesiæ , cognoscendo tantùm factum Ecclesiæ , non inquirendo in rem ipsam . *Dices :* Si differentia tam exigua ; cur non consentitis ? *Resp.* Tam diu consentimus , quamdiu videmus viam veritatis . Non audemus promovere unum gradum in tenebris . Si faceremus ; certò laberemur in peccata . Navigamus ad fratres , quamdiu lux Scripturæ præsit . Ultra non audemus periclitari . Non jam quæstio est de magno , vel parvo ; sed de peccato . Si unapars urgeat alteram ad id quod ipsis est peccatum , vel ut agnoscar

agnoscat aliquid tanquam potestatem Christi , quod non potest videre in verbo , differentia necessariò manebit , si ve sit magnum sive parvum , de quo ambigitur. Ergo via pacis est , non quod alter ad alterum necessariò venire debat , quia res est exigua ; sed amor fraternus unius erga alium , quia differentia tantum est exigua . Hæc Burroughes in *Irenico suo* . Ad quæ Joh. Ley contra Saltmarshii Novam Quæstionem , sect. 18. Si hoc , inquit , ita se habet ; quænam major discrepantia in hac materia , quām quæ fuit inter multos pios & orthodoxos Theologos de divisione orationis Dominicæ , an contineat sex vel septem petitiones : cum illi qui sunt pro sex , eandem materiam habeant quām qui pro septem sunt ; & qui septem , non plus quām qui sex . Quod ad me , si hæc candidè & sincerè dicuntur , & ita accipiuntur ab aliis ejusdem opinionis , spero adversarios utriusque partis non diu laturos in mutuis divisionibus & controversiis nostris .

Vides , Lector , Controversiam inter Presbyterianos & Independentes non esse desperatam ; & si modesti utrumque arbitri essent , ac factiones Politicorum , hæc dissidia ad alios usus profanos vertentium , abessent , pacem ac concordiam facilè restitui posse . De qua jam aliquoties , verūm frustra , actum fuit ; & contulit operam suam etiam *Josephus Hall* , quondam Episcopus Norwichensis , in nupero *Irenico suo* ; ubi controversias de regimine Ecclesiæ ita componi posse existimat , si primitivum regimen revoctur , antiquitatis universali consensu approbatum , quo omnia fuerint transacta consensu Presbyterii , cui moderabatur constans Præses . Hanc perpetuam Ecclesiæ praxin , fuisse neminem dubitare posse cui lectus sit Clemens , Ignatius , & Historia primæ Ecclesiæ . Atque hunc Præsidem quandam super cæteros autoritatem , suis limitibus & terminis circumscriptam , habuisse . Nec jam de verbis li-

tigandum. Si nomen Episcopi displiceat, Moderatorem, Præsidem, Super-intendentem, Inspectorem vocari posse. *Hæc Episcopus ille*, nondum oblitus sui & qualis olim fuerit. Constat unius in plures authoritas est radix Episcopatus. Et notum ex hoc constantium Præsidum Equo Trojano, Episcopos Scotiæ sub Jacobo immisso. Mense Februario 1646 à delegatis Parlamenti pro Religione, decretum fuit; Independentes à subordinatione classium exemptos esse debere. Presbyteriani quærebant: In quibus ergo consentire vellent? Responderunt Independentes: Non se hoc declarare posse, quia nondum sciant, quoisque Ecclesiæ purgaturi sint. Regesserunt illi: Non se posse reformatre & purgare Ecclesiæ, antequam habeant autoritatem & potestatem eas reformandi & purgandi. Ibi tum negotium pacis inter partes hæsit. Mense Martio Parlamentum Commissarios Ecclesiæ imposuit. Nunquam ad eò tumultuatum fuit à Provinciis & Civitate. Presbyteriani protestabantur contra absurdum institutum, & petitionem Parl. exhibuerunt, quam Independentes deteriorem esse dicebant *xiiii* Episcoporum protestatione. Denique res ad apertam seditionem spectabat, & jactabatur per Provincias: Ni si Parlamentum Commissarios illos tollat, tum se tributa excussuros, & Massenum Ducem Libertatis suæ creaturos.

*Catalogus errorum & hæresum & blasphemiarum in Anglia productarum, inde usque ab anno 1640, maximè tamen tribus postremis annis.*

Quoniam hactenus in genere actum fuit de magno hæresum in Anglia incremento, & summa quoque turbonum Ecclesiæ orthodoxæ genera aperta: ideo nunc particuliarius cuncta errorum monstra in lucem protrahenda sunt.

Facile

Facilè enim concederim , quod multi dicunt, Angliam receptaculum infamis ejusmodi credendi, scribendi, docendi licentiæ factum ; sed & illud non ignorandum est , longè majora pietatis incrementa fuisse ; & non habere omnes sectas, hæreses, schismata, quod uni illi summis viribus opponere queant.

Catalogus hic erit ingens , immanis & incredibilis. Cæterum haud-quaquam dubitandum est , quin ejusmodi apud Anglos venditata sint, & hoc communis totius regni experientia testatur. Habebis conflugem horribilium effatorum . Et hoc quoque statuendum erit , non ullam esse sectam , quæ omnia hæc profiteri ausit . Quædam Enthusiastas, alia Scepticos, Antinomos, Arrianos, Anabaptistas respiciunt.

Hæ igitur opiniones sunt , quæ ab anno 1640, maximè tamen his tribus posterioribus annis , in Anglia prævaluerunt.

I. Scripturam non posse dici verbum Dei. Solum Christū esse verbum Dei; Scripturam literam mortuam, nec majoris fidei quam humana scripta, & inventionem humanam.

II. Scripturam, sive Ebræa, Græca, Anglica, &c. sit, tantum esse humanæ authoritatis , nec posse revelare Deum ; Itaque solum Christum esse regulam obedientiarum.

III. Scripturam esse incertam & insufficientem , nec ei fidem superstruendam.

IV. Revelationes Dei non esse alligandas ad Scripturam , nec dimidium gloriae Dei sive in praxi , sive doctrina adhuc revelatum ; sed exspectandum, quid ulterius revelaturus sit in corde nostro.

V. Scripturam esse meram allegoriam , & quoad propria nomina, & quoad personas ac res ; atque has allegorias esse mysteria & spiritualem sensum ejus.

VI. Scripturam esse opus merè humanum , non vero

peculiariter inspiratum. Quod dicatur sanctos scripsisse ex inspiratione divina, id non de alio Spiritu intelligendum, quām à quo fluunt aliæ actiones humanæ, & in quo vivimus, movemur & sumus.

VII. Scripturam V. Testamenti non concernere Christianos. Itaque Sectarii rejiciunt testimonia V.T., & aliqui non legunt V.T. nec id compingunt cum novo. VIII. Rationem sanam esse Regulam fidei: & eatenus credendum Scripturis & doctrinæ Trinitatis, Incarnationis, Resurrectionis, quatenus congruunt rationi; non aliter. IX. Novum Testamentum non obligare ulterius ad credendum, quām Spiritus in præsens revelet eum locum esse verbum Dei. X. Scripturam in vulgata Lingua sine expositione in Ecclesia prælegere, pejus esse quām Latinam populo prælegere. Hanc enim nec nocere, nec prodesse.

XI. Deum esse authorem peccati, quatenus est *ἀνομία* & *ἀπειλή*. XII. Omnia mendacia esse ex ore Dei. XIII. Hanc esse voluntatem Dei, ut inde ab adventu Filii ejus, sit permisso Paganæ, Judaicæ, Turcicæ, Antichristianæ Religionis, nec nisi verbo Dei contra eas pugnandum: & peccatum sine comparatione maximum esse in Magistratu, uti coerciva potestate contra conscientias; Magistratum ne quidem ob blasphemias, etiamsi Deus & Scriptura negaretur, quenquam punire posse. XIV. Neminem propter peccatum damnari, sed quia Deus ita velit. XV. Hominem habuisse vitam, antequam Deus inspiraret eam; & id quod inspiravit, fuisse partem essentiæ divinæ, ac ad Deum reverti. XVI. Deum æqualiter diligere contemtissimam creaturam, ut bufonem, atque sanctos suos. XVII. Nullum alium Spiritum esse, quām Deum; & Principem aëris qui regnet in filiis inobedientiæ, Deum esse. XVIII. Deum non decrevisse omnes actiones hominis: quia homines agentes decreta Dei non pec-

cem:

cent. XIX. Deum nunquam esse iratum , vel pœnitere; alias mutabilem fore. XX. Non esse Electionem particularem, sed generalem sub conditione perseverantiae; nec Scripturam ullibi loqui de reprobatione. XXI. Animam cum corpore interire; & omnia, excepto Deo, finem habitura. XXII. Quamlibet creaturam initio Deum fuisse & esse: Vitam esse spiritum Dei revertentem ad Deum : & Deum absorbere eum sicut gutta ab Oceano. XXIII. Ad salutarem cognitionem Dei non sufficere Deum nosse ex libro Naturæ vel Scripturæ: sed eum non esse noscendum abstractè à misericordia & omnibus aliis attributis. XXIV. In unitate Dei non esse Trinitatem. XXV. Non tres personas esse in Deo , sed tantum tria officia. XXVI. Unam tantum in Deo personam.

XXVII. Christum non esse Deum verum & essentialem, sed nominalem; nec per æternam generationem, sed quatenus sit homo. XXVIII. Christi humanam naturam æquè ac nostram peccato Originali esse corruptam: Christum à nativitate usque ad mortem eandem originalem corruptionem ac nos habuisse. Eum tam suscepisse in naturam suam peccatum nostrum, quàm carnem ; nec sanctiorem, quàm nos simus . Contrarium pugnare cum honore Dei & consolatione sanctorum. XXIX. Magna nos exspectasse à quodam crucifixo Jesu, sed id nihil prodeesse. Debere esse Christum formalem in nobis Deitatem unitam humanitati nostræ . Christum nil aliud egisse in hoc mundo, nisi quod xxxii annos vixerit. Benedictum esse illum , qui nunquam confisus sit crucifixo Christo. XXX. Christum fuisse verum hominem cum crearet nos , imò ab omni æternitate . Et etiamsi non haberit carnem , tamen eum esse verum hominem sine carne. XXXI. Christum pro omnibus hominibus æqualiter mortuum tam sufficienter quàm efficaciter, tam pro Juda quàm pro Petro.

XXXII.

XXXII. Per Christi mortem omnia omnium & singulorum hominum peccata, commissa contra moralem Legem & primum fedus, actualiter esse remissa. Et hoc esse æternum Euangelium.

XXXIII. Christum tantum satisfecisse pro peccatis contra primum fedus, non verò secundum ut incredulitatem. Eum non esse mortuum pro ullius infidelitate.

XXXIV. Christum tantum mortuum pro peccatis præteritis, antequam Euangelium reveletur peccatis. Pro peccatis post conversionem commissis Christum non mortuum, sed ea remitti per ejus continuam & juge sacrificium.

XXXV. Quemlibet pro peccatis contra secundum fedus satisfacere, nim. pro infidelitate: ita ut pro unius anni infidelitate homo ferat unius anni iram; & hanc esse totam satisfactionem quam Deus requirat, juxta illud; qui non credit, ira Dei manet super illum.

XXXVI. Neminem damnatum iri, nisi ob solam incredulitatem.

XXXVII. Gentiles qui nunquam audierint de Christo, tamen habere Euangelium. Nam quamlibet creaturam, Solem, Lunam, stellas, prædicare Euangelium hominibus: in ipsis revelatam esse cognitionem Christi crucifixi; & Remissionem peccatorum, si modò viderent eam.

XXXVIII. Gentiles qui pereant, perire tantum propter incredulitatem; quia non credant Euangelio quod habent.

XXXIX. Christum pro nemine acquisivisse vitam & salutem, ne quidem pro Electis. Nam non fuisse finem Dei, per adventum Christi acquirere amorem & vitam; sed ipsum Christum fuisse acquisitum per amorem, ut faceret nos amare, & redimeret nos ad amandum.

Nam Christum venisse, non ut reconciliaret Deum homini, sed hominem Deo. Etiam si enim Christus proponat vitam & amorem: tamen non acquisivit eum, verum acquisitus fuit per eum.

XL.

XL. Christus venit in mundum, ut declararet amorem Dei erga nos ; non ut satisfaceret Deo. XLI. Unctio illa, 1 Joh. 2, 20. una & eadem est cum the Christood of Christ.

XLII. Christum fuisse Legis præconem, ac vixisse in tenebroso ævo. Demum post adscensionem ejus prædicatum Euangelium.

XLIII. Christum mille annis visibiliter ut Monarcham terrenum regnaturum, destructis omnibus Imperiis.

XLIV. Et tunc, sublatis omnibus hostibus, Ecclesiam Ju-dæorum & gentilium victoram in pace : omnes Christianos fore sine peccato, verbo, sacramento; & hos mille annos transituros in mundanis deliciis, quascunque creaturæ liberatæ à servitute sua præbere possint, generando liberos, edendo, bibendo, ludendo. XLV. Homines pos-sunt seryari sine Christo. Etiam Ethnicos servari, si colant Deum pro modulo suo, quamquam nihil audiverint de Christo. XLVI. Minimam veritatem plus esse, quam ipsum Jesum Christum. XLVII. Christus per mortem suam li-beravit omnes à temporali morte, quam peccatum Adami tantum meretur, acquirendo iis resurrectionem & viam veniendi ad patrem. Et sic mortuus est pro omnibus, aliter pro nullis.

XLVIII. Spiritus Dei non habitat nec operatur in ul-lis. Non est aliis Spiritus qui operatur, nisi noster pro-prius. XLIX. Eundem Spiritum esse qui operatur in filiis inobedientiæ, & sanctificans corda fidelium. L. Esse per-fectionem in hac vitâ non per verbum, Sacra menta, vel alias ordinationes Dei ; verum per experientiam spiritûs in ipso homine. LI. Hominem baptizatum Spiritu sancto nosse omnia, ut ipse Deus, quod sit magnum mysterium, & magnus Oceanus, qui non habeat fundum. LII. Si quis per spiritum sciat se esse in statu gratiæ, etiamsi cædem committat vel ebrietatem ; Deum tamen non videre pec-

M

catum

catum in eo. LIII. Sanctificationem non esse notam iustificationis, & omnes notas ac signa Christiani status esse legalia & illegitima. LIV. Fideles non habere inherentem sanctificationem, nec spirituales habitus gratiae infusos in corda eorum, sed omnem sanctificationem eorum esse inherentem in Christo, & propter hanc solam eos dici sanctificatos in Scriptura.

LV. Adamum etiam in statu innocentiae moriturum fuisse morte naturali, nec mortem esse fructum peccati in fidelibus. LVI. Imaginem Dei tantum consistere in facie hominis, tam in impiis quam piis. LVII. Adamum & homines in eo non amisisse imaginem Dei per lapsum, sed tantum incurrisse mortem temporalem, quae protracta fuerit ad tempus, promisso Salvatore. LVIII. Non esse originale peccatum in nobis. Solum Adami peccatum fuisse originale. LIX. Peccatum Adami nemini imputari, nec quenquam propter id puniri.

LX. Nullum hominem magis esse spiritualem altero, nec ullam talem internam differentiam esse inter hominem & hominem; omnem differentiam esse externam in verbo, quod ducat quosdam, & non alios. LXI. Omnes quibus praedicitur Euangelium, eo ipso immediate & ex seipso posse credere. LXII. Non esse Liberum Arbitrium nec ad bonum nec ad malum, nec in statu naturae, nec gloriae. LXIII. Hominem posse resistere gratiae; & gratiam quae convertat unum hominem, non conversuram alterum. LXIV. Naturalis homo potest facere ea, quibus Deus annexuit gratiam & acceptationem; & homines si pro extremo virium querant gratiam, eam inventuros. LXV. Regenitos posse totaliter & finaliter deficere. LXVI. Moralem Legem nullum planè in fidelibus usum habere; non esse Regulam vitae fidelibus, & fideles esse liberos à mandatis Legis. LXVII. Justificatos non per fidem

fidem justificari, sed ob omni aeternitate. LXVIII. Neque fidem, neque resipiscentiam, nec abnegationem sui, nec alia opera esse officium Christiani hominis. LXIX. Veram fidem esse sine omni dubitatione salutis; & qui dubitet, eum non credere.

LXX. Tamen credere sive fidem propriè imputari ad justificationem, non verò Christi justitiam. LXXI. Doctrinam resipiscentiarum esse saluti animarum inimicam. LXXII. In Veteri testamento Resipiscentiam fuisse medium obtinendi R.P. & R.P. secutam contritionem. Sed sub Euangelio alter se rem habere. LXXIII. Aequè possibile esse Christo peccare, ac fidieli cuiyis. LXXIV. Non debere esse dies jejuniorum sub Euangelio. LXXV. Deum non affligere suos propter peccata; & etiamsi fideles peccent quantum possint, tamen est fons apertus in quo se abluant; nec propter peccata fidelium, sed infidelium, terram puniri. LXXVI. Fidelium non esse prospicere, ne peccent; Deo prospiciendum, si velit. LXXVII. Deum aequè amare suos propter bona malave opera, tam peccantes quam benè agentes; nec quenquam aestimare meliorem propter bona, deteriorem propter mala opera. LXXVIII. Fideles non debere humiliari propter peccata post conversionem, & factum Petri ex infirmitate fidei ortum. LXXIX. Fideles non debere à Deo remissionem Peccatorum petere. Esse blasphemiam, si fidelis petat R. P. & Davidem in eo lapsum. LXXX. Abrahamum, cum negaret Saram esse uxorem suam, & aliud simularet, nihilominus perfectè sanctum & justum fuisse in conspectu Dei. LXXXI. Vocatos habere peccata in carne & conversatione, sed non in conscientia. Nam veram fidem in electis, & peccata in conscientia non magis consistere posse, quam lucem & tenebras: & sic reconciliant Scripturas illas: *Si dixerimus, &c. I Joh. 1,8. &: qui natus est ex Deo, non peccat.*

M 2

LXXXII.

LXXXII. Magnus Antichristus est mysticum illud corpus, quod opponit se Christo; non Papa Romanus, vel particularium virorum successio. Papa tantum est pars Antichristi. Quidam Antichristum faciunt eos, qui se oppnunt erroribus Antinomorum; alii eos, qui negant Christum pro omnibus mortuum: alii Magistratum coercentem sectarios. LXXXIII. Animam hominis esse mortalem, ut brutorum; & mori cum corpore. LXXXIV. Animas fidelium dormire usque ad diem judicii; nec capaces esse ullius actionis pro Deo, sed esse iis velut suaviter somniantibus. LXXXV. Corpora fidelium non resurrectura eadem; sed animas earum habituras alia corpora vel per creationem, vel per productionem ex materia. Homines nihilominus fore eosdem, quia anima eadem sit. LXXXVI. Infantes non resurrecturos: quia non sint capaces cognitionis Dei; ac per consequens, nec fruitionis. LXXXVII. Perfectionem & Resurrectionem, de qua agat Paulus *i Cor. 15, 51. & seqq.* ad 57. fore in hac vita, & eo pertingendum ante mortem. LXXXVIII. Nullas sanctorum animas esse in cœlo, ubi Christus sit; sed cœlū illud fore vacuum usq; ad resurrectionem mortuorum. LXXXIX. Nec resurrectionem, nec cœlum, nec infernum, nec Diablos post hanc vitam esse. XC. Fore omnium, quæ unquam vixerint, brutorum resurrectionem. Quodlibet individuum cuiusvis speciei resurrecturum. Et hæc bruta victura in æternum in hac terra. XCI. Non esse infernum, nisi in hac terra; & hic infernus sunt legales terrores in hominum conscientiis. XCII. Non esse Ecclesiam Christi in terra, nec ministerium, nec Sacra menta, nec Euangeliū, nec fidem; quia non sint dona visibilia, vel infallibilia. XCIII. Neminem damnari, nisi propter contemnum Euangeliū; & neminem posse contemnere Euangeliū, nisi quibus prædicitur, sicut Apostolorum tempore factum, per miracula.

XCIV.

**XCIV.** Puram prædicationem verbi, & sacramentorum administrationem, non esse notas veræ Ecclesiæ visibilis. **XCV.** Miracula debere conjungi cum Euangelio; & qui prædicant Euangelium, eos debere miracula edere. **XCVI.** Multos Christianos hoc tempore habere majorem cognitionem, quām Apostolos; & ubi tempus venerit erigendi veras Ecclesiæ, tunc fore majora dona & majora miracula, quām tempore Apostolorum; quia tunc Ecclesia tantum fuerit in infantia sua. **XCVII.** Non nunc deberi constitui Ecclesiæ, prædicari verbum, administrari Sacra menta; sed exspectandam Ecclesiæ, & ad quodlibet tempus debere nos esse paratos, ac inquirere ex quovis peregrino quamlibet opinionem & doctrinam. Sanctos ac viatores ambulare in fumo templi, nec posse invenire Religionem. Ideo exspectandum Spiritum, ut Apostoli fecerint. **XCVIII.** Esse salutem revelandam posterioribus temporibus, ipsis Apostolis ignoratam. **XCIX.** Brevi Dcūm suscitaturum Apostolos homines extraordinario spiritu & infallibilibus donis præditos: & hoc præcessurum ruinam Romæ.

C. In articulis fidei nihil certò esse credendum & statuendum, sed omnes debere habere libertatem conscientiæ & prophetiæ. **CI.** Scripturas nullibi loqui de Sacramentis, nec de nomine, nec de re. **CII.** Fedus, cuius sigillum circumcisione, tantum habuisse temporales promissiones, ut terram Canaan. Fedus cum Abrahamo initum, nihil spirituale habuisse. Circumcisionem fuisse sigillum iustitiae fidei non aliis, quām soli Abrahamo quatenus pater; non vero filii ejus. **CIII.** Baptismum non esse signum vel sigillum gratiæ federalis. **CIV.** Pædobaptismum esse illegitimum & Antichristianum; & æquè licitum baptizare felem, vel canem, quām infantem fidelium. **CV.** Æquè licitum esse transgredi ullum ex decem præceptis, occidere, furari, adulterium committere, quām baptizare infantem.

CVI. Omnibus concionantibus discipulis, etiam si ministri non sint, licitum esse baptizare. CVII. Etiam non baptizatos & privatos tamē posse baptizare & docere. CVIII. Miracula esse essentialē partem administrationis baptismi, de quo *Matth. 28, 19.* CIX. Nulos admittendos ad Cœnam, ne quidem sanctos & fideles, nec baptizandos liberos eorum, nisi sint in via Ecclesiasticā. CX. Nullam Scripturam vetare, quo minus idem multoties baptizetur: nec magis hoc illicitum, quam Cœnam iterare sæpius. CXI. Verba, *Hoc est corpus meum*, literaliter intelligenda. CXII. Recipientes Cœnam operto, administrantes aperto capite esse debere. CXIII. Æquè necessarium esse membrum Ecclesiæ, ac Christi; nec quenquam posse salvari, nisi sit membrum Ecclesiæ. CXIV. Ecclesiam Anglicanam esse Antichristianam & Diabolicam, & absolute illicitum ministros ejus audire. CXV. Ecclesiam Romanam aliquando fuisse veram Ecclesiam, Anglicam nunquam. Unde probabilius sit Eccl. Romanam tueri veram doctrinam de Libero Arbitrio, universal Redemtione, Peccato Originali, quam Ecclesiam Anglicam.

CXVI. Vocationem & ordinationem ministrorum non esse de jure divino; sed ministrum fieri sicut mercator, Bibliopola, sartor & alii opifices. CXVII. Omne statutum stipendum pro ministris Euangelii, maximè tamen decimas, esse illicitas, Judaicas, Antichristianas. CXVIII. Ministros debere laborare & exercere munus aliquod, ne sint graves Ecclesiæ. CXIX. Non debere esse distinctum ordinem ministrorum, sed omnes qui dona habent, ordine, cæteris eligentibus, concionari, orare, baptizare. Et tunc quisque suâ vice minister, & loco ministri est. CXX. Omnes dies Christiani esse pares; nec magis nos alligatos ad diem Dominicam, quam ad aliam. CXXI. Judaicum Sabbathum hodieque observandum. CXXII. Christianos non

non teneri singulis septimanis constanter convenire, vel precari & concionari tanto spatio, juxta consuetudinem gentium. CXXIII. Cuilibet licitum prædicare Euangeliū. CXXIV. Licere feminis concionari; cum habeant dona ut viri. CXXV. Partem libertatis Christianæ esse, non audire proprium ministrum, sed ubi libeat, & à quo plus commodi speretur. CXXVI. Illicitum colere Deum in consecrato loco, & ubi Idololatria exercita; velut in templis. CXXVII. Concionandum & dona exercenda sine studio prævio & præmeditatione; nec cogitandum, quid dicas antequam dicas: quia Spiritus eo momento revelabit. CXXVIII. Non opus esse eruditione humanā, vel lectio-ne authorum. Omnes libros & eruditionem exscindendam. Quod tanta volumina scribunt, & eruditionem adeò extollunt, ex inopia spiritus fit. CXXIX. Quædam mu-lieres illicitum putant quenquam audire concionantem publicè vel privatim; quia non debeant esse similes illis apud Timotheum mulieribus, 2 Tim. 3.6,7. *Semper dissentibus, & nunquam ad cognitionem venientibus.*

CXXX. Planè illicitum esse concionari tanquam in Ecclesia, sed eatenus licet, si concioneris ut exspectans discipulus. Id est, Christianis non licet concionari positivè, po-nendo & asserendo certi quid; sed tantùm conferendo, arguendo, disputando. CXXXI. Illicitum Cœnam recipere, ubi ulli præsentes impii. CXXXII. Sic illicitum precari, ubi impii. CXXXIII. Sic illicitum precari etiam privatim cum illis, qui non sunt membra veræ Ecclesiæ, sed Anglicanæ. CXXXIV. Ut cunque licitum sit conferre & loqui cum omnibus: tamen illicitum esse cum illis, qui non sunt ejusdem opinionis (etiam si cætra pii sint, & membra Ecclesiæ alicujus) vel ante cibum orare. CXXXV. Illicitum esse precari cum aliis ut cun-que piis & ejusdem opinionis, publicè privatimve, nisi tales.

Ies personæ habeant infallibilem spiritum, ut Apostoli. Hæc opinio admodum invalescit, & multi omnes in Ecclesia preces omittunt, tantum differentes & loquentes ad populum. CXXXVI. Christianos non teneri constanter qualibet die orare, statu tempore, manè, vesperi, sed cum Spiritus movet eos; etsi multis septimanis non sentiant instinctum, tamen non esse orandum. CXXXVII. Impiis planè non esse orandum. CXXXVIII. Cantiones sacras & Psalmos Davidis non esse canendos. CXXXIX. Cantiones, quas Christiani debeat usurpare, esse hymnos ab ipsis compositos proprii spiritus ductu; & eos pro specialibus occasionibus esse canendos in Ecclesia, cæteris silentibus.

CXL. Agapas, cum quibus Cœna celebranda, esse perpetui juris, & sola membra Ecclesiæ iis interesse debere. CXLI. Regimen Ecclesiæ esse merè civile. CXLII. Sex septemve unitos federe Ecclesiastico ut membra, habere absolutam potestatem clavium, & omne regimen in seipso, nec ulli classi Synodove subesse in ulla re. CXLIII. Presbyteriale regimen esse falsum Prophetam & bestiam in Apocalypsi, & tertiam partem Romæ. CXLIV. Esse hoc tempore visiones & revelationes, aliis magis frequentes, & in populo Dei fore communes paulò post. CXLV. Donum miraculorum non cessasse hoc tempore, & quosdam in baptizando ac alibi fecisse miracula, & populo Dei donum illud brevi restitutum iri. CXLVI. Ungere ægros oleo per Presbyteros orantes & manus imponentes, esse ordinationem Ecclesiæ pro membris ejus & corum sanatione. CXLVII. Ordinario hoc tempore Christianos cum Paulo in tertium cœlum rapi, & audire ineffabilia. Nec benè certos fidei suæ esse, qui non hoc experti sint.

CXLVIII. Magistratui nihil negotii cum Religione esse debere, & rebus Ecclesiasticis; sed civilia tantum curanda. CXLIX. Idololatriam esse, exspectare formam collendi

lendi Deum ab hominibus, Parlamento, Synodo. CL. Quosque errores Ecclesia in hominibus fert, non excommunicando, eosdem & Magistratus ferre debet non puniendo. CLI. Populum posse à Parlamento rationes exigere; & illud ad rationem factorum adigere. CLII. Si quod Deus mandat, etiam Magistratus mandet; Christianus non debet facere id, quia Magistratus mandat.

CLIII. Tota terra sanctorum est, & omnia iis communia: & sancti debent bona divitum sibi vindicare. CLIV. Licetum viro uxorem dimittere propter aliquod vitium ac accidens; & virum in causa re sumnum judicem esse. CLV. Bigamiam simultaneam esse licitam. CLVI. Liberos non teneri obedire parentibus impiis. CLVII. Parentes non debere catechizare liberos suos, docere eos legere Scripturam, precari; sed debent eos Deo docendos committere. CLVIII. Religio non est defendenda gladio. Ipsa se defendet. CLIX. Illicitum est pugnare pro Legibus & Libertate. CLX. Illicitum est pugnare, vel occidere quemquam. Imò ullam creaturam occidere in usum nostrum, est illicitum. CLXI. Idololatria est uti precibus præscriptis. CLXII. Illud Davidis: Vermis sum, & non homo; literaliter intelligendum. Imò cum & hominem & non hominem fuisse, in eodem literali sensu. CLXIII. Scripturam tantum unius fidei meminisse.

CLXIV. Quidam sectariorum Londini putant in Suffolcia Prophetam suscitatum iri, qui prædicaturus sit æternum Euangelium, cumque tantum exspectare vocationem ex cœlo. Hunc exspectant quotidie, tanquam illum Prophetam, 1 Joh. 2,5. Propheta distinctus à Christo & Eliâ, est ille vir Suffolcius. CLXV. Non posse consistere cum bonitate Dei, damnare creature suas in æternum. CLXVI. Deum Patrem regnasse sub Lege, Filium sub Euangeliō; & nunc utrumque regnum tradere Sp. Sancto, eumque effusum

N

iri

iri in omnem carnem. CLXVII. Fore generalem redemtionem , qua omnes Deo reconcilientur & salventur. Tantum eos qui nunc credant & sancti sint , gradu perfectionis superiores fore cæteris. CLXVIII. Illicitum esse Christianum Magistratum gerere. CLXIX. Omnes creatureas in Adamo amisisse tantum, quantum homines.

CLXX. Christum non acquisivisse homini vitam & salutem , sed tantum talem vitam, qualem quævis creatura cum eo habet. Nam secundum Adamum non acquisivisse homini vitam æternam. CLXXI. Euangeliū spectare ad omnes creatureas; & hoc esse cum dicitur: Euntes docete omnem creaturam. CLXXII. Directorium cultus esse contra secundum præceptum, & vitulum Jeroboami. CLXXIII. Nullum jam esse in inferno, nec fore usque ad diem judicii. Nam Deus non punit primo , deinde judicat. CLXXIV. Fidem non esse supernaturale quid. Nam videre nos sufficietes rationes, cur aliquid credendum sit . Credere aliquid absque ratione, stultorum est. CLXXV. Legis transgressio non punitur æterno igne, & in inferno ; sed Euangelii inobedientia. Si Lex : Ergo Christo in inferno moriendum fuisset pro nobis. CLXXVI. Si amor Dei tantum est erga quosdam; ergo non infinitus. Adscribere præteritionem quandam Deo , est blasphemare nomen ejus. CLXXVII. Formulam baptismi : *Baptizo te in nomine Patris, esse inventionem & traditionem hominum, non mandatum Christi.* CLXXVIII. Loca *Matt. 28, 19. Mar. 16, 15.* non de baptismo aquæ , sed doctrinæ, intelligenda : & baptismum aquæ tantum in nomine Christi factum. CLXXIX. Uniformitatem in externo cultu esse Antichristianam, & partem mysterii iniquitatis. CLXXX. Spiritualem Ecclesiam doceri per unctionem , carnalem per concilia. Tres duosve Christianos idem auxilium Sp. S. habere, ac Synodus maximam , &c.

Hic

Hic est brevis catalogus præcipuarum hæresium & errorum, qui in Anglia hodie, inter illas regni turbas, vigent; prout à Thoma Edoardo, Londinensium Pastore, nupero libro cui titulum *Gangrænae* fecit, exponuntur. Jam narrationes quasdam, ex eodem authore petitas subjungemus de horrendis sectariorum blasphemias, quas hinc inde erucent.

Londini mulier quædam multis audientibus dixit, mendacia esse in Scriptura; & homines ex Scriptura idolum facere. Locum Gen.6,6. mendacem esse. Alius dixit, se historiam Noachi irascentis Chamo propter conspectam nuditatem, confutaturum. Nam non veram historiam recenseret, sed aliud quid, quod commemoaretur in libro cui titulus: *The Wandrinus Knight*. Cumque civis quidam regereret: Spero te non comparaturum illum vanum librum cum Scripturis; Imò verò, *inquit ille*, ea Scriptura æquè bona est, ac Mosis.

Mense Febr. 1646 quidam Cozen Rochestriæ in Cantio dixit, Jesum Christum esse spuriū; & si nunc esset in terra, ob multa quæ olim egerit, pudore suffusum iri. Hæc cum idoneis testibus probata fuissent, in carcerem conjectus, & iterum sine poena dimissus fuit, ac jam hæreticorum receptor est qui eò ex urbe confluunt. Circa idem tempus quidam Cats cum sociis suis Essexiam peragravit baptizans & submergens multos. Billericæ finitā concione, circumsistunt ministrum, & cum quæstionibus ineptis vexant. Cumque minister eos ad se domum suam inviteret, ibi se satisfactum dubiis promittens, ipsi in templo exclamare & vociferari: Eum non prædicasse liberam gratiam. Et subsumus, inquiunt, Antichristo. Antichristi ordo est primò baptizare, dein docere, tertio credere; Christi vero docere, credere, baptizare. Et sic occasionem sumferunt publicandi errores suos de universali gratia & aliis

capitibus. Pædobaptismum variis modis exagitant, nunc selem, velut infans baptizandus esset, fasciis involvendo, ac convocando vicinos ad baptismum. Quibus collectis, repente quis contra Pædobaptismum concionari incipit. Multas vetulas, mediâ hyeme fluminibus submerserunt, cum vitæ periculo; suntque haud paucæ eo modo extinctæ. Iuvenculas silentio noctis ex ædibus paternis abductas, rebaptizant. Si quis contra eos scribat, eum statim omnibus calumniis proscindunt. Prynnum deteriorem faciunt Laudo. Aliquando commenti sunt Th. Edoardum mortuum, Calamium brachium fregisse, Twissum moribundum jacere. *Videte, inquietabat, iudicia Dei!* Planè furunt contra Presbyteria. Quidam Anabaptista dixit, se priùs cœlum & terram conflagrantes visurum, quām ut erigantur Presbyteria. Alius: hoc ex articulis fidei suæ esse, intra septem annos nomen Presbyteriorum ne quidem auditum iri in Anglia. Alius: se sperare Presbyteria æquè conculcata fore, ac Episcopos. Alius: Si ita persequantur sanctos, tum aliud quid agendum fore. Manifestè jactant, debellatis Cavallcriis se Presbyterianos & Scotos deleturum.

12. Nov. 1645. circiter LXXX Anabaptistæ Londini Agapen in domo quadam celebrarunt. Modus hic fuit. Initium à precibus factum. Iis finitis, omnes scorsim in genua procubuerunt, & quidam singulis, viris feminisque, manus imposuit, precatus ut reciperent Spir. Sanctum. Scopus est, omnes qui post impositionem manuum receperint dona, eos in Provincias mittere, & in plateas, ac ad Parlamentum. Sed hanc missionem paululum differunt, visuri interim rerum suarum successus. Cùm mentio incidisset cujusdam Pauli Best, qui ob Arianismum in carcere est conjectus, quidam Independens minister respondit: Carcerem nihil profuturum. Cum regeretur alter: *Quid*

Quid ergo faciendum , si hic Arianus Ecclesiam colligat ? Respondit : urge eum argumentis ; coërcens potestas alia non est sub Euangeliō. Objiciebatur locus *Deut. xiiii.* Responsum : Christus hoc sub Euangeliō mitigavit. Adulterium sub Lege erat capitale : sed Christus adulteram dimittit. Denique eò res devenit , ut etiam Papistarum Idololatriam tolerandam palam jactent . Quidam civis Londonensis servum habuit petentem dimissionem . Interrogatus , quare ? respondit : Se velle frui libertate conscientiæ. Interrogatus , in quo ? Nolo , inquit , imposterum cætchizari . In Bedfordia cum minister quidam resipiscientiam urgeret , mulier in concione surrexit , & dixit : eum concionari mendacia ac falsas doctrinas . Colcestriæ ministro quodam contra schisma concionante , sectarius clarâ voce exclamavit : O quantus hic Diabolus est ! quantus hostis populi Dei ! Est ex Diabolo natus , concionatur blasphemias !

Southamptoniæ quædam Anabaptista mulier somniavit Christum sibi visum , ab eo se perfumatum ; & interdictum sibi , ne infantem suum baptizaret . Paulo post insana facta , exclamavit se videre & odorari Diabolum , sulphur , picem , ignes . Quidam Web homo novæ Lucis , dixit se gratias agere Deo , quod nunquam confusus fuerit Christo crucifixo ; neque se credere eum esse filium Dei : vel Scripturam verbum Dei ; verum humanam inventionem , ineptam quæ sit regula fidei & vitæ . In confirmationem hujus dixit : Scripturam esse aureum vitulum , & æneum serpentem , qui Regem contra Parl. Parliamentum contra Regem , regnum contra regnum excitet : nec unquam bene in mundo fore , quamdiu non ille serpens æneus comminuatur . Interrogatus , quid de Resurrectione mortuorum statuat , dixit : Non magis homines resurrecturos quam bruta , nec aliam sc̄ animam habere quam corpus . Spir-

N 3

tum:

tum tamen quandam esse in piis & impiis , qui ad Deum revertatur. Idem non agnoscit ullum locum pro piis vel impiis , non cœlum , non infernum , non Diabolos alios, præterquam quos ipsi sibi homines faciant . Illicitum esse arbitratur in hominis usum ullam creaturam occidere. Ex Anabaptista factus est Atheista . Rigidus Independens est , ac brevi sperat futurum , ut omnes Independentes sint ejusdem secum opinionis . Nam unum tantum gradum ipsis deesse ad novum illud lumen & veritatem . Scotos vocat Babyloniam bestiam , & regimen Presbyteriale, Sacerdotum monopolium . Alius quidam Idiota seduxit quinque filias unius viri , & eas rebaptizavit , ac sine parentis consensu nupsit . Alia Mulier volens rebaptizari , vestes suas exuit , ac coram immersore nuda constitit . Interea dum preces recitabantur , naturam suam utrâque manu obtexit . Quod cum Anabaptista videret : Incongruum est , inquit , ut tu manus tuas demittas , cùm Christus eas & cor in cœlum erigi præceperit . Sed ipsa pudore confusa , renuit ; & sic rebaptizari non potuit . Mense Julio 1645. apud Ashfordiam in Cantio novem mulieres in fluvio quodam demersæ & baptizatae sunt . Quædam ter fuit immersa , quoniam aquas metuebat , sic ut totum corpus iis objectum non esset . Tertiâ vice parùm absuit , quin suffocaretur . Ibidem senex quidam submersus , cum emersisset : Per Dei pedes , inquit , parùm abest , quin suffocassetis me . Mulier ægra à quodam sectario Guilh. Kiffin post manuum impositionem oleo inuncta fuit . Valetudine receptâ , in congregationem venit ; & coram populo : Medici , inquit , me deferuerant . Sed frater Kiffin & patientia me inunxerunt ; & sic subito convalui . Rogo , ut gratiæ Deo pro me agantur . Idque factum est .

Alicubi Judaicum Sabbatum in usum revocarunt , fene  
stris clausis . Colcestriæ ipsum Judaismum propagant , &  
Pro-

Profelytos faciunt. Quidam Henricus Denne, Anabaptista & Arminianus, Elsleia in Cantabrigiensi agro, omnem Psalmorum decantationem abrogavit. Post concionem provocat eos quibus non satisfactum, ad disputationem; & illi objiciunt contra ea quæ dixit. Dicit æternum Euangeliū hoc esse, quod Christus pro omnibus mortuus sit. Alius Erbury Sectæ Quærentium, Edmundiburiæ concionans dixit inter alios errores: Paulò pōst Deum Apostolicos viros excitaturum, qui extraordinarium concionandi donum habituri sint; & tunc secuturam ruinam Romæ. Loquitur contra collectionem Ecclesiarum & Anabaptistum, dicens; debere nos exspectare adventum spiritūs, ut Apostoli fecerint. Sicut enim Israēlitæ in deserto habuerint mel & manna, sed non circumcisionem neque Pascha; sic nos habere multas dulces consolationes, colloquia, preces, sed non ministerium & Sacra menta. Tandem, collapsa Româ, fore novum cœlum, novam terram, novam Jerusalem. Idem Northamptoniæ dixit; Scripturam esse incertam, & non posse nos ei fidem nostram superstruere; quia tot discrepantia ejus exemplaria sint.

Quidam Nicolaus Londini multas blasphemias eructavit; ut, Deum esse authorem peccati; & omnia mendacia ex ore Dei fluere. Neminem ob ullum peccatum damnari; sed tantum, quia sic Deo placeat. Alius ad Grenhillum dixit: æquè licitum esse baptizare canem, ac infantem. Katarina Chidlei multos ad Brownismum seducens, acerrimè inventa est in Grenhillum & alios, qui conveniat in locis ubi Idololatria fuit exercita. Ad quam Grenhill: Hoc nimirum vis, illicitum esse colere Deum in loco ad Idololatriam sub nomine alicujus Sancti secreto. Sed vide, tota Anglia fuit consecrata Georgio, Andreæ Scotia, aliæ regiones aliis sanctis; & sic, juxta te, illicitum erit Deum in Anglia vel alibi colere. Marshal, homo ex plebe, in præsentia

Sentia civium quorundam Londinensium sustinuit, Paulum, cum ad *Rom. 7.* conqueritur de corpore mortis, novitum fuisse, nec intellexisse Christum in promissionibus: & se melius intelligere mysterium Dei in Christo, quam Paullus. De scripturis (dicebat) non aliud existimandum, quam de aliis scriptis humanis. Quemlibet pro suo ingenio & judicio scripsisse. Tum dixit: Scriptura est vitulus aureus, circa quem saltatis. Idem esse infernum negat; & omnes salvandos statuit, sive boni sint sive mali; immo omnes omnino creaturas, quae se ad Deum convertant. Infernum nihil aliud esse, nisi terrores Legis in hac vita. Scripturam plenam esse contradictionum. Illicitum ullam creaturam occidere; quia habeat vitam a Deo.

27. Febr. 1644. quidam schismaticus Londini praedicavit; Christum non magis esse Deum, quam se vel alium hominem. Quod cum pii viri audirent, metuentes ne dominus ad tales blasphemias corrueret, festinanter ad sua concesserunt. Clemens Wrighter, Antiscripturista, Quæstionista, Scepticus & Atheista, princeps est eorum, qui negant Scripturas esse verbum Dei, sive in originali, sive in versionibus spectetur: nec fidem ei superstruendam. Idem negat animam hominis esse immortalem; & cum homo excedit, tum totum ejus dormire dicit, usque ad Resurrectionem. Non aliam fidem Scripturis deberi, quam humana; sicut credamus historiam Henrici VII, vel alterius Regis. Negat esse ministerium, fidem, Euangelium, nisi quis possit demonstrare se aequè immediatam vocationem ac Apostolos habere. Idem dicit, neminem posse damnari, nisi propter rejectum Euangelium. Neminem rejicere Euangelium, nisi cui illud praedicetur, ut tempore Apostolorum factum, & miraculis confirmetur.

In *Lincolnia*, *Ely*, *Hartfordia* sunt mulieres quae concionantur, & nonnullas etiam baptizare dicunt. Londini singulis

gulis septimanis docent. Exemplum hoc esto. Mense Decembri 1645 Londini mulier plebeia concionata est. Primo dixit ad circumstantes: *Si quis habet verbum exhortationis, loquatur.* Tacentibus cunctis, perrexit; &: *Nunc est (inquit) tempus illud, quo impletur quod Deus promisit: Effundam spiritum meum in ancillas meas, & prophetabunt.* Tum precibus recitatis, quæ per dimidiam horam durabant, ad textum venit, qui erat: *Si diligitis me, custodite præcepta mea.* Finitâ concione dixit: *Si quis habet, quod objiciat contra ea quæ dicta sunt; loquatur.* Ad quæ dicta mulier alia surrexit, & varia protulit; sed à circumstantibus aliquoties interturbata fuit, ita ut desistere cogeretur, cum multâ prioris mulieris imprecatione, quòd Legatos Dei turbarent. Ad quæ concio: *Vosne Legati Dei?* Denique tam horribilis confusio ibi fuit, ut satis dici non possit. Et hæ muliebres conciones refertæ erant multis damnandis blasphemis. 1. Non consistere cum bonitate Dei, ut quisquam damnetur. 2. Deum Patrem regnasse sub Lege, Filium sub Euangeliō; nunc verò Sp. S. regnaturum & effusum iri in omnem carnem. 3. Fore universalem instaurationem & salutem omnium. 4. Christum pro omnibus mortuum. Dicunt se esse in deserto, exspectantes effusionem Sp. S. Soror quædam interrogavit: *quanam autoritate concionarentur?* Responsum: *Se non concionari, sed tantum dona exercere.* Nam neminem in mundo nunc potestatem concionandi habere. Interrogata: *quâ autoritate se exerceat?* Respondit: *Ex 1 Pet. 4. 10, 11. & ad Ebr. 10.* alter alterum exhortetur. Mal. 3, 16. & Tit. 2. 3, 4. Senior mulier doceat juniorem. Præterea dixit, sibi in animo fuisse tantum ad sui sexus compares dicere. Postea gloriam Dei evicisse, ut etiam alios auditores admitteret. Interrogata: *quid de baptismo Simonis magi, Annianæ & Sapphiræ statuat?* Respondit se dubitare, an legitime fecerint qui eos baptizarunt. In Cantio Brastedi,

O

mulier

mulier concionatrix est, & ibi quoque panem frangunt.  
*Quidam civis Londinensis* retulit: In sua familia quatuor tantum homines esse, & singulos peculiarem Religionem sequi. Se esse membrum Eccl. Anglicanæ: uxorem ex secta Quærentium: ancillam Anabaptistam: servum in Ecclesia aliorum circiter xxiv, qui convenient & exerceant dona: sed nullos Psalmos decantent, abominentur auditionem ministrorum, nullos dies precum vel jejunii observent. *Mense Julio 1645* Colcestriæ in Essexia quidam sectariorum dixerunt diem judicij extremi, magno cum terræ motu, paullò post venturum. Ideo nullus eorum sibi in hyemem prospiciebat; sed omnis cura & consultatio erat de itinere Hierosolymam versus suscipiendo, ut ibi in cœlum transferrentur. Quædam mulier sectæ Quærentium ad hoc iter sollicitata; respondit: Se non esse paratam ad tam longum iter. Alii Londinum iverunt ad Judæum quendam, qui eos de via Hierosolymam ducente, instruxit, ac quid fugiendum faciendumve edocuit. *Paulus Hobson* fætator, & unus Anabaptistarum, qui confessionem subscripterunt, contra vitam Christianam sic concionatus est: *Olm æquè legalis eram, ac quisquam vestrum esse potest. Nulla dies abiit, quin mane, vesperi, ante, post cibum precarer, & peccata mea adeò deflerem, ut sere oculos perdiderim. sed certus sum, cum omnia hæc facerem, me ne Jota quidem Dei habuisse.* *Knowlius Novâ Angliâ* ob errores proscriptus in Veterem venit, & ibi publicè docuit: *Usum præscriptarum Liturgiarum esse Idolatriam, & omnes qui iis utantur, certò damnatum iri.* Pro mortalitate animæ editus est liber incerti authoris (sed putatur esse Clementis Wrighter, ut Th. Edoardus tradit) titulo: *Mans Mortalitie.* Præcipua argumenta sunt ex Gen. 3, 19. Eccl. 3, 10. *Quidam Antinomus* in pulpito exclamavit: *Apagē Legem, quæ homini pedes amputat; & postea eum hortatur, ut ambulet.* Pagit f. 97. *Brownistæ* dicunt orationem

tionem Dominicam æquè Deo exosam, ac Judæis carnem suillam. Idem f. 67. Cujusdam *Wilkinsoni* Brownistæ discipuli eò insolentia venerunt; ut se Apostolis Petro ac Paulo æquarent, ac pro Apostolis haberí vellent. f. 69.

*Pars disputationis inter sectarium &  
pium ministrum.*

*Sectarius:* Christus satisfecit tantùm pro peccatis contra primum fedus, *Heb. 9, 15.* *Orthodoxus:* An ergo non sunt peccata contra secundum fedus? *Sect.* Tantùm infidelitas. *Orth.* Quis ergo satisfecit pro infidelitate? *Sect.* Quilibet homo pro ea satisfacit: quia qui non credit in Filium, ira Dei manet super eum. *Orthod.* Ergo omnes gentiles salvantur, quia ipsis peccata contra primum fedus remissa sunt; & contra secundum nunquam peccarunt, quippe nunquam ipsis revelatum. *Sect.* Ethnicis Christus & Euangeliū in creaturis prædicatur, *Col. 1, 23.* si modò habeant oculos ad videndum illa mysteria. Superiori anno apud Bathoniam & Bristoliam hæ duæ opinioneſ inter Anabaptistas, tanquam glorioſum lumen, ortæ ſunt. 1. Christi humanam naturam æquè ac nostram, peccato Originali corruptam. 2. Unam tantùm Deitatis personam eſſe.

*De moribus Sectariorum.*

Sectarii Angli habent omnes proprietates desperatissimorum hæreticorum. Quando propter scelera doctrinæ & vitæ ad partes vocantur, cum Donatistis nil niſi perſecutionem sanctorum & fidelium exclamant. Adoriuntur orthodoxos vi minisque; ſuos in cœlum extollunt, aperto J. C. & Apostolorum vilipendio ac contemtu. Auditum à nonnullis; hunc illumve Apostolos præcellere: Ipsiſum Iesum Christum, ſi in terram reverteretur, vix melius

O 2

con-

concionaturum: Vitam Angelicam & (ut sanctos) in cœlo se vivere. Subdolè sensus suos occultant, nec aperte profiteri volunt quid sentiant. Atque in hoc etiam quidam orthodoxi Independentes rei tenentur, qui cùm adè procaciter contra Synodum insurgant, nunquam tamen eò adigi potuerunt, ut suum ipsi regimen exhiberent; idque ob has rationes, quanquam aliud prætendant.

1. Quia ipsi in summa rei dissentient. 2. Quia sententias suas in dies & horas mutant. 3. Quia sic alios sectarios offendenter. 4. Quia nonnullorum procerum qui longius progrediuntur, offensam metuunt. 5. Quia tum omnes judicarent, id quod tantâ deliberatione, tantoque tempore publicatum sit, summè perfectum esse, ac refutatum ostenderet eorum vanitatem. Impudentia sectariorum summa. Nonnulli pro Independentia sua citant Ecclesias Scoticas & Gallicas, quas constat ex professo aliud sentire. Alii pro prætensa libertate conscientiarum Leidenses adducunt, disputat. L, sect. 59.60. quos apertissimum est aliud sentire. Joh. Goodwin in doctrina sua de justificatione, Calvinum, Bucerum & alios pro se citat, qui omnes orthodoxam sententiam contra ipsum tuentur. *Cum Arminianis Belgis* consentiunt in his: 1. *Arminiani* initio Magistratum adulati sunt, declinantes Synodos, & ab iis ad ordines appellantes, quibus summam rerum Ecclesiasticarum jurisdictionem adscribebant: Sic sectarii Parlamentum extollunt, & id judicem in Ecclesia faciunt. 2. *Arminiani* initio in quinque tantum articulis dissensum profitebantur; postea in quos non errores lapsi sunt? Tota Socini lacuna iis non sufficit. Sic sectarii intra biennium in maiores hæreses lapsi sunt, quam unquam fuerunt. 3. *Arminiani* fuerunt Sceptici, profitentes se hoc nunc sentire, posteriores cogitationes esse sapientiores: sic sectarii ab uno lumine novo ad recentius, & sic in infinitum labuntur, dicentes,

centes Diem dies docet. 4. *Arminiani* quamdiu pro toleratione pugnarunt, nunquam mentem suam clare exposuerunt: sic sectarii nolunt exponere cui firmiter inhærescant, & monstra obstinato silentio alunt. 5. *Arminiani* in multis locis persequebantur Orthodoxos: sic sectarii. 6. *Arminiani* penissimè Belgium evertissent: sic sectarii Angliam in miserrimum statum conjecerunt. 7. *Arminiani* Remonstrantes erant, conquerentes de Synodo & modo procedendi: sic sectarii furtim protruserunt Remonstrantiam, cur synodo non exhibuerint formam regiminis sui? 8. *Arminiani* acerrimè in Magistratum invecti sunt, cum se synodo conjungeret, negantes ullam ejus potestatem super Ecclesias esse. Idem & sectarii faciunt, quoties Magistratus vel minimum quid contra eos decernit. Cum decretum de Presbyteriis erigendis promulgaretur, sectarii impudenter Magistratum calumniati sunt, quod Leges contra sanctos condat. Alii concionabantur de ingenti quæ immineret persecutione; & tyrannidem Episcoporum comparatam cum Presbyteris, nihil fore. Itaque in eo omnes sectarii conveniunt, quod malint Episcopos quam Presbyteros: & primipili ipsorum profitentur, Episcopos & tolerationem sibi satisfacturam. Quidam cum Lecestriam audivisset captam, optavit ut ne unquam res Parlamenti haberent meliores successus, quamdiu contra Independentes ita procederet. Cum in Parlamento decretum fuisset contra Laicorum conciones, sectarii cœperunt pro successu Regis orare, à quo exspectabant tolerationem. *Scotis* sunt infensissimi. Cum Montrosius prævaluisset, manifestè causam clavis rejecerunt in regimen Scoticum, & quod schismata tolerari nolint. Nihil intentatum relinquebant, quo fedus cum *Scotis* abrumperent: Omnia per miras calumnias in odium gentis religiosissimæ congregata. Nonnulli dicunt, *Scotiam* adhuc semipaganam esse.

O 3

Inde

Inde usque ab initio hujus anni 1646 nihil egerunt aliud, quām ut Scotos suspectissimos & abominabiles Anglis redderent. Igitur quā Angli milites in septentrione crudeliter perpetrabant, ea cuncta Scotis adscripta. Prolatæ nescio quā literæ, quibus Scotos cum Rege colludere nunciabatur. Independentes omnium conditionum, quibus inter Regem Franciæ, Angliæ, & Scotos transactum esset, gnari. Jam Newarkam iis traditam, jam Oxonium fabulabantur; & si aliquot Scotti ad exercitum venirent, statim horribilis fama per totam Angliam sparsa, multa Scotorum millia adventasse; & id eos moliri, ut totâ Angliâ potiantur. Mira verò eorum impudentia in rebus militari bus. Quicquid prosperè geritur, id sibi Independentes ascribunt. Quicquid Fairfaxius patrat, id Cromwelllo suo imputant; & haud obscure Imperatoris gloriam suis columnis offuscant, hac mendaci criminatione publicatâ, quod dixerit Bristolia capta: *Fairfaxium id, & non Deum fecisse.* Vix sexta Exercitus pars Independentes, & tamen soli omnia faciunt. Nonnulli jactant Fairfaxio novi lumenis radios affulsisse; alii, eum planè Independentem factum. Se ipsos vocant pios, bene affectos & sanctos. Sive jam sint Anabaptistæ, sive Quærentes, sancti sunt. Omnibus annituntur modis, ne stabiliatur regimen; vel saltem, ut imperfectum & vagum stabiliatur. In nonnullis Parochiis, ut Ellyæ in Cantabrigia, Alberyæ in Hartfordia, omnem Psalmorum decantationem eliminârunt, & alibi preces abrogant. Quod si in loco quodam non possint Psal mos abrogare, tum eo quo decantantur tempore, contemtim pileos suos capiti affigunt; & si quis eos abripiat, denuo imponunt. Alii aures solent occludere, in primis feminæ, ne melodiam percipient. Multi quoque inter preces operto capite sunt. Pervagantur omnes Provincias, opida, pagos, domos, & hæreses suas disputando pro pugnant.

pugnant. Clam inter se ita convenient, ut quidam simulent se pro paedobaptismo esse. Post acrem disputationem, tandem ille fucatus Antagonista dat manus, & profitetur coram populo; se convictum, ac veritatem sibi illucescere. Nonnulli miracula & visiones allegant. Anabaptistæ Eboracenses dicunt, cum quidam mediâ hyeme in Ousa baptizaretur, aquas tam calidas fuisse ac si media æstas esset; imperitiores eo commento fallentes, qui ignorant aquas in eo tractu hyeme calidores esse quam æstate. Alii inunctioni sanitatem adscribunt. Nonnullis Christus conspectus, paedobaptismum prohibuit. Blasphemias horrendas evomunt contra Scripturam, Trinitatem, prædestinationem, virginem Mariam, Apostolos, baptismum, preces, ministerium verbi & sacramentorum, regimen Ecclesiae. In M S S. cuiusdam *Pauli Best*, Trinitas vocatur mysterium Iniquitatis, Cerberus triceps, figmentum, traditio Romana. Alii Sp. s. contumeliosissime derident, vocantes eum flabile numen. Cætera fileo. Scripturam vocant vitulum aureum, & mendacem librum. Locum *Gen. 6, 6.* ubi Deus pœnituisse dicitur quod hominem fecerit, esse falsum. Cum objiceretur cuidam locus ad *Rom. 7.* ubi Paulus de peccato conqueritur; respondit Paulum novitum, & hanc ejus infirmitatem fuisse. Paulum non recte intellexisse mysterium Dei in Christo, & se id melius intelligere. Locus *Gal. 5, 12.* cuidam pro libertate conscientiarum pugnanti objectus; qui respondit: Apostolum ibi affectibus suis induluisse. In Harfordia minister quidam locum Scipturæ opposuit Anabaptistæ. Anabaptista confessus est se non posse respondere, sed hanc fuisse infirmitatem Pauli, & ibi eum caruisse spiritu. Alius dengans Resurrectionem mortuorum, cum quidam ei opponeret Scripturam, respondit: *Hoc vobis, non mihi, Scriptura est.* Regimen Presbyterianum vocant Diabolicum, Anti-chri-

christianum, bestiam in Apocalypsi. Sic & fedus Nationale nequissimis vocibus exagitant. Curiam Examinationis vocant Inquisitionem Hispanicam & Curiam Supremæ Commissionis. *Hugo Petrus*, famosus ille scurra, Ecclesias Reformatas & Presbyteriales, fœdissimis dictiis traducit. In publica concione Londini, cùm multa pueriliter & nuggatoriè effutiisset, ex voce *classe*, centum quinquaginta asses, CL asses, id est, CL asinos fecit; sicut olim ex nomine Cardinalis CL esel Germani CL esel / asinos, fecerunt. Idem in concione 2 Aprilis 1646 ad Parliamentum habita, sic loquitur: Quod gladio cepistis, verbo conservandum est. Loquor de verbo, per quod Angli Christiani fiunt. In aliis regionibus disciplina facit eos tales. Compelle multitudinem in templum, & postea Christianos nomina. Satis abunde hujus furfuris foras. Et hinc fit, quod ferè tota ipsorum Theologia in Polemicis sita est, quæ mercatura, nisi Deus prævertat, & nostra videtur futura. *Idem*: Metuo ne, dum pro Presbyterio vestito authoritate pugnamus, desint nobis V clo ministri prædicatores. Ut ita si acquiratis Presbyterium Londini, & multum vobis egisse videamini, nec ministrum nec Presbyterium in dimidio regno habeatis. Verum Presbyterium optari facilius quam haberi potest.

*De causis auctarum hæresium, sectarum,  
& schismatum in Anglia.*

Si quis consideret, in quantam multitudinem, quam exiguo tempore, hæreses in Anglia, sectæ, schismata cum erroribus & blasphemias excreverint; is jure mirabitur, ex quibus id causis factum sit. Et illæ quidem satis manifestæ ex ipsorum sectariorum naturâ dari ac ostendi possunt. Quia enim dant vagam quibusvis prædicandi libertatem publicè,

publicè; hinc fit quòd multi ex plebe, quibus aliqua verborum & rerum copia est, in medium procedant, ac (ut loquuntur) dona exerceant, objiciant ac disputent publicè contra ea quæ dicta sint. Tum aucti numero auditorum, & eorum applausu ad famam proiecti, credunt se maximos Ecclesiæ Doctores esse; & cum antiquam ac solidam Theologiam nunquam didicerint, quicquid novum, plausibile, fucatum in pulpita protrudunt; & cædem aviditate ab auditoribus illa hauriuntur. Post hæc libertas conscientiæ & generalis toleratio ab illis sectarum fabris, velut carecta, post quæ lateant, in medium proferuntur. Nihil est quod carni & vanitati humanæ magis arrideat, quam sibi religionem statuere; sibi Ephod & Sacerdotem comparare. Et favorem ex eo quoque sibi acquirunt nugatores illi, quod stipendia certa & decimas ministris subtrahunt. Ex quo fit, ut qui ministros suos adeò vilipendunt, ut nec quæ pro sustentatione illorum pii Magistratus constituerunt, solvere velint, illi facile ad novas Religiones transeant. Accedit populare Regimen, quo singulæ congregations Monarchicum jus, spretis Synodis Classibusque, sibi arrogant. Maximè tamen ipsa doctrina, quam sectarii commenti sunt, eos tanto incremento per universam Angliam auxit. Quando enim populus audit, Deum tam peccantes quam precantes sanctos amare: Non debere fideles sollicitos esse & anxious ob peccata, nec remissionem eorum petere; quid mirum, si hæc nova & suæ libidini famulantia dogmata orthodoxæ fidei, sanctimoniam & resipiscientiam perpetuam urgenti, præferat? Nam & dum solos visibiles sanctos membra Ecclesiarum faciunt, magni alicujus zeli & eximiæ puritatis speciem præ se ferunt. Jam Chiliaesticum illud dogma, de regno Christi in hac terra, facillimè homines ad novas sectas abstrahit, ubi velut ad Sirenum scopulos, dulcedine promissorum, hærent.

P

rent.

rent. Independentes omnes mirifica sibi imaginantur de illo regno. Quidam initium ejus ad annum 1650 conjiciunt; quo tempore tantam credunt in Anglia felicitatem fore, qualis non ab orbe condito fuerit. Et *ò si tunc*, dicebat quidam, *unum tantum diem vivere daretur!* Non permittarem conditionem meam cum maximo Monarcha mundi. Præcipui ipsorum Doctores persuasi sunt jam natum esse hominem illum, qui eos felices dies visurus sit; & ad summum non restare xx annos. Cottonus & alii in N. Anglia ministri conventu habito, Apocalypsin propterea totam examinarunt, & collatis omnibus Scripturis existimant tempus regni Christi in propinquuo esse. Arbitrantur autem ruinam Antichristi & Turcarum, conversionem Juðeorum, vocationem gentium universalem, præcessura proxime felices illos dies. Tum omnia regna mundi & Principatus abolitum iri, ac filios Dei rerum potituros sub unico cœli & terræ Domino Iesu Christo. Exstat in eam rem liber Joh. Archeri, Pastoris Independentium Arnhemensis; *de personali regno Christi in hac terra*: cuius tamen sententiam non in omnibus cæteri probant. Audiamus illum, qui novissimè & doctissimè scripsit pro hac causa, Thomam Parke-rum, Pastorem Nuberensem in Nova Anglia, in Expositio-ne visionum ac prophetiarum Danielis. Probaturus per lapidem illum comminuentem omnia regna, non posse intelligi regnum inde usque ab adventu ejus. Tertio, *inquit*, regnum hoc comminuit omnia alia regna; sic ut exstinctis cæteris solum restet. Jam verò hic status non est exspectandus sub regno patientiæ, sive ante occasum Antichristi, cum omnia terræ erunt Domini & Christi ejus, *Apoc.* 11. 15, 18. Ostensurus per pedes ferreos intelligi Romanum Imperium: Quinto, *inquit*, hoc regnum est destruendum per regnum sanctorum in fine temporum, atque ideo non potest accipi de alio Imperio, quam de Romano ad-huc

huc continuante sub Antichristo. Lapis est regnum sanctorum:& quod sit regnum constituendum in occasu Antichristi, probatur his argumentis. 1. Quiā destruet omnia regna adversantia in toto mundo; quod non est exspectandum ante occasum Antichristi. Idem septimanas septuaginta incipit sub Papatu,sive à tempore *Waldi* & anno 1106, sive à *Wiclefo* & anno 1370. Quod si, *inquit*, incipias eas septimanas numerare ab A. C. 1106 & *Waldensibus*, tum ultima hæc & dolorifica septimana incidit præcise in A. C. 1643, & medium septimanæ ejus erit anno 1646, à quo tres anni afflictionis cum dimidio ad finem percurrunt, & finiuntur plenè anno 1649. Sed si septuaginta septimanæ incipiunt à *Wiclefo*, & anno 1370, tum finis non erit ante A. 1860, id est, demum post 200 annos. Sed utra supputatio sit amplectenda, fateor, *inquit*, me ignorare. Postea: Turcæ cessabunt esse soluti anno 1649, & anno sequente potest casus ipsorum cum Antichristo sequi, si prior supputatio vera. In inchoativo statu Nōvæ Jerusalem Judæi convertentur, juxta prophetiam Rom xi. & erunt extraordinariis donis induiti pro dilatione regni C. super universum orbem. Sub finem respondet *objectioni*, quā curiositas illa circa annos reprehenditur *Act. 1. 6, 7. Matth. 24. 37, 42. 1 Thess. 5. 1, 2, 3. Psal. 74, 9. Luc. 12, 40. Marc. 13, 35.* Resp. ad *Act. 1. 6, 7.* Non licebat scire Apostolis, vel ulli, qui vivebat eā ætate: sed licet illis, qui vivunt ultimā ætate. *Matth. 24, 37.* Impiis occultatur tempus, sed sancti intelligent, *Dan. 12, 10.* Sicut Noah scivit tempus diluvii, sed non mundus, *Matth. 24, 37. Gen. 6, 3. &c.* Hæc igitur & ejusmodi complura dogmata cùm sub magnificis titulis publicarent, facile simplices homines allecti sunt. Quicquid enim errorum & hæresium in Anglia est, id omne à sectariis titulo novi luminis, mysteriorum, evulgatur. Itaq; sive S. Trinitatem oppugnant, sive totam in dubium Religio-

nem vocent ; omnia hæc novum lumen sunt. Multos simulatio fefellit. Nam illi Independentes , qui olim sub Episcopis zelosissimi fuerunt contra errores devios ab Orthodoxia, nunc inter tot monstrosos errores silent, ut Burtonus, qui tantum contra Presbyterianos calet, cætera frigidus. Ex omnibus Independentibus , *inquit Th. Edoardus*, unum tantum novi, qui se sectariis opponat . His ita perpensis, facile creditur, quod idem author inquit, corruptio-nes hodiernas in tantum excedere tempora Episcoporum, in quantum Oceanus Britannicus Rhenum.

### *De Erastianis , sive Colemannianis.*

Sicut frequenter fieri solet, ut duobus de præda litigantibus tertius eam utrique eripiat ; ita etiam Ecclesiis Anglicanis accidit. Nam cum inde Presbyteriani , hinc Independentes , pro suo quisque contenderent regimine ; factum est ut interea florentissimas Ecclesias hæreticorum & schismaticorum lues devastaret ; atque insuper tertia factio utrisque omnia eriperet . Idque ab Erastianis factum est, quam factionem *Politici* excitarunt, ejus ope Regimen, de quo velut Achilleis armis , infensissimo animo certabatur, sibi solis vindicaturi. *De origine* hujus sectæ antequam agam, operæ pretium erit, paucis ipsum Erastum, primum conditorem tertiae hujus factionis quæ nunc Angliam exercet ; & quibus ad errorem illum actus fuerit furiis, contueri. Idque *ex Historia Ecclesiæ Palatinæ*, quam Cl. Theol. *Henricus Altingius* olim concionavit. Sic igitur ille inquit : Circa A. C. 1565 nata est Heidelbergæ controversia de gubernatione Ecclesiæ, in primis vero de Excommunicatione. Cum enim ejus usus adhuc omissus esset , *C. Olevianus* perpetuo urgebat, ut ad exemplar Ecclesiæ Genevensis disciplina quoque institueretur. Resistebant huic con-

tui

tui in primis *Christophorus Probus Cancellarius, Thomas Erasmus Medicus & Senator Ecclesiasticus, & Adamus Neuserus Pastor ad D. Petri*, qui totam hanc gubernandi rationem ut tyrannicam improbabant: In primis *Eraſtum* eo conſilio ductum putant, quod cum Helvetius eſſet, nihil ab Helvetiis diversi in Palatinatum introducendum putarit. His initiiſ paulatim animi alienati. Interea Heidelbergam venit *Guilb. Witherus Anglus*, gradum Theologiae petens; & in Thesibus suis x i ac x i i de Disciplina Ecclesiastica egit. De his 10 Junii placide disputatum eſt. Cum solveretur conventus, *Eraſtus* & *Neuserus* ſe gravia contra illam materiam habere dixerunt. In eorum gratiam Disputatio 12 Junii à *P. Boquino* repetita. Disputatum eſt acriter, absque tamen convicio. Cumque discedendum eſſet, *Neuserus* dixit: *Se doctrinam hanc oppugnasse tanquam falsam, & verbo Dei repugnantem.* Tum *Eraſtus* & *Neuserus* magis magisque ſe aperuerunt, & controversiam hanc ubique scripto ac voce propugnarunt. In primis *Eraſtus* prolixè contra disciplinam ſcripsit, afferens *eam nec in V. nec in N. T. fundatam; adeoque neminem Ecclesiā excludendum, niſi conſtet eum in doctrina errare fundamentaliter.* Apud exteros quoque conqueſtus eſt disciplinam tyrannicam in Eccles. invehi. Mox detectum fuit *Neuserum* Arianismo & Turcismo obſtricatum, ac cum aliis ipſe *Eraſtus* ſuspectabatur: qui propter ea per annos complures ſacrā communione fuit abſtentus; donec editā confessione oſtenderet, ſe tantum controverſiæ disciplinariæ implicatum fuiffe; & ita Ecclesiæ Dei reconciliatus fuit anno 1566; & anno 1570 institutum eſt Presbyterium virorum gravium ex aula, Academia & urbe, qui præſentē Inspectioni Ecclesiæ & disciplinam moderarentur. Hæc ille.

Cum igitur contentiones tam acres eſſent inter duas priores factio[n]es *Independentium & Presbyterianorum*, tertia

à Politicis excitata fuit ambiguo consilio. Quidam *Colemannus*, Pastor Londinensis, videns paratos novaturientibus sectatores, & instinctu Politiorum, tertiam viam regiminis Ecclesiastici aperuit, ex Erasti lacunis haustam. Is vanâ prurigine motus, sparsit in concione ad Parlamentum habitâ, prima semina Erastianismi, & regimen Ecclesiæ Magistratui dedit, qui per *Interimisticos Commissarios* Ecclesiam gubernaret. Religiosissimos quoque Scotorum delegatos eâ calumniâ adspersit, quod causa sint dissidiorum in synodo, & Nationalem determinationem secum attulerint. Ex horum numero se ipsi opposuit *G. Gillespy*, Minister Edinburgensis, cuius contra Colemanni maledicas incertias eruditæ exstant dissertationes, quibus omnem Erastiani commenti iniquitatem aperuit. Post eum celeberrimus *Samuel Rutherfordius* ex professo Erastianismum, & quicquid pro eo tum ipse Erastus, tum Colemannus & alii, in Anglia attulerunt, refutavit. Mysterium sectæ hujus est, quod omne regimen Ecclesiæ ad Magistratus civile arbitrium defert; & Ecclesiam in miserrimum servitutis genus conjicit. Cæterum quanquam & synodus & pii qui que in Anglia se huic intemperiei opponerent, tamen Politiorum consilia prævaluerunt; & Erastianum Ecclesiæ regimen stabilitum, quod Commissarii Politici, genus hominum Ecclesiæ semper infestissimum & inutile, exercent. Qui exinde motus animorum secuti sunt, & suprà dictum est, & Anglia sensit. Nec evulgata Declaratio quicquam prosuit, sed acriùs omnino animos offendit. Independentes in sinu gaudebant, quasi exarmatis illo decreto Presbyteriis, in salvo omnia essent; cum tamen ipsorum quoque Independens regimen, illo decreto, manifestè sublatum esset.

De

*De Orthodoxis in Anglia & Scotia.*

Utcunque verò schismatici & hæretici totum regnum Angliæ infecerint erroribus suis : tamen longè maxima pars perdurat in Orthodoxia. Pietas inde usque post sublatam Prælatorum tyrannidem in immensum crevit. Misericordiae publicæ precum ardorem auxerunt. Nihil Ecclesiis illis sanctius. Et ibi demum sincere Deus colitur. Tum & desiderium unionis sub eodem regimine contra schismaticorum molitiones auctum est. Civitas Londinensis , quamquam ingenti sectariorum multitudine oppressa , tamen firmiter adhæret federi & declarationibus Parlamenti de reformanda Ecclesia. Duo in primis vincula sunt , quæ schismatici omnibus modis conantur dissolvere , & vel gladio secare , si fraudibus non possint . Primum vinculum est inter tria regna solemni federe unita . Quid non moliti sunt , ut inter Anglos & Scotos animorum divisionem facerent ? quas non calumnias conquisiverunt ? Alterum est inter civitatem Londinensem , Parliamentum ac Synodum . Heic Schismatici Tyria maria commovent . Si Civitas vel Synodus libellum supplicem pro maturando regimine Eccl. exhibeat , omnibus criminibus hoc pium propositum retardant . Et quare tandem ? Quia ferre non possunt pios homines os suum aperire contra horribilem licentiam schismaticorum , quia seducunt in numeros , Ecclesiæ contra Ecclesiæ erigunt , blasphemias evomunt , delira commenta somniant , & hæc omnia sub titulo regni Christi : cum revera fundamenta ponant Turris Babylonicae , & contignationes fanaticorum , Anabaptistarum , Antinomorum , Quærentium , superstruant . Conduxerunt homines ineptos qui nova quotidiana conscribillant , sartores , sutores , & ejus farinæ impudentes nugatores . Hi ebuccinant Independentismum , pios Presbyterianos exagitant ;

ac

ac ne summæ quidem Londinensi Curiæ parcunt: Et hi sunt censores Synodi, Ampliss. Senatus Londin. si Parliamentum de imminentे periculo moneant. Dici non potest, quām petulanter solempne fedus, in quod omnes coram Deo jurarunt, exagitent. Præsertim verò illa verba: Laborabimus reformare Ecclesiam, juxta Verbum Dei, & exempla optimè reformatarum Ecclesiarum; ferre non possunt. Quid ad ipsos exempla optimè reformatarum Ecclesiarum? Sicut autem Presbyteriani in Ecclesia ordinem conservari volunt & vindicari à rabie Brownistarum & Independentium: sic etiam in regno Leges, Regem & Parlamenta conservari volunt. Contra schismatici & fanatici Enthusiastæ in eo ponunt summum fastigium Evangelici zeli, si excelsissimos Reipubl. viros sub pedibus confusæ Anarchiæ conculcent: ut Rev. vir Joh. Ley loquitur, in nupero scripto contra Saltmarshium, hominem Soci-niano Anabaptistam, qui Anabaptistas & omnibus pejores Quærentes sanctorum titulo ornarc audet, & qui rabiosam linguam, quâ olim titulo *Mercurii Britannici* in Regem scurriliter invectus fuit, nunc totam in orthodoxos convertit, ac Regimen Ecclesiæ differri cupit in longos annos. Quod hactenus omissum, sicut omnium malorum causa fuit; sic haudquaquam dubitari debet, quin constitutum secutura sit Reformatio Ecclesiarum Anglicanarum tam eximia, pia, celebris, qualis non est nec fuit unquam in aliis orbis partibus. Quæ illa dies erit, tam exspectata piis, tam formidanda impiis, tam exitiosa Romæ, cum sincera, constans & gregi orthodoxo ac puro salutaris atque accepta pax Angliam beabit, in quo semotis omnibus quisquiliis, doctrinæ veritatem incorruptam audiat, cultum immaculatum videat, disciplinæ dexteritatem sentiat, membrorumque suorum pietatem experiatur! Jam centesimus annus agitur, ex quo Anglia primum reformari cœpit

cœpit sub altero illo Josia Edoardo vi. Medio temporis quæ non persecutio[n]es, funera, clades? Quàm Religio ab Episcopis oppressa? à Papistis subversa? Donec hisce annis, Deus fundamenta quasi Angliæ concuteret; & quicquid restabat vel restitutum fuerat Papismi, extirparet. Tum crux illa Londinen[s]is, dedecus Anglorum, eversa. Tum imagines, picturæ, altaria, ceciderunt. Jucundum erit intelligere, quàm solemnes exsequiæ duabus crucibus Nordovicensibus habitæ fuerint. Idque referam tantâ fide, quanto decore cuncta peracta fuerunt. Utramque crucem quatuor viri, pullo amictu, humeris velut cadaver bajulabant, duobus præeuntibus, qui induiti super pelliciis, Missale manu ruspabantur; suspensis de naribus perspicillis. Sic inter cantus, longo ordine in forum per armatas militum series ventum. Ibi singuli onus suum, cum aliis superstitionum instrumentis, in ignem concre-  
runt, plaudente populo.

### *De Ecclesiis Scoticis.*

Ecclesiæ Scoticæ sub regimine Presbyteriali excelsissime florent. Nulla Ecclesia totius mundi magis libera est à sectariis & schismaticis, quàm illa; & hoc beneficio Presbyterii, Classium, Synodorum. Independentes & Erastiani calumniis contra eas grassantur. *Coleman Erastianus* illam mendacem calumniam protulit, quod Presbyterium Edinburghum mulierem quandam proscripterit. Cui respon-  
dēns *Gillespius*: Est (*inquit*) calumnia, mitissimè loquendo, nihil charitatis in se habens. Non est proscriptio in Scotia nisi per civilem Magistratum, qui eatenus opem fert regi-  
mini Ecclesiæ. *Est & alia calumnia* contra eas Ecclesiæ; quod  
sunt rigidæ & omnes in sua verbâ, mores, consuetudinem  
adigere velint, ipsæ nemini concedentes quicquam. Cui ca-  
lumniæ respondens *Leyfælt. 19. contra Saltmarshium*: Ec-

Q

clesiæ

clesiae Scoticæ (*inquit*) semper etiam erga dissentientes fratres humaniter & Christianè se gesserunt; & orbi notam fecerunt spem suam, desideria & labores pro pace cum omnibus religiosis & fidelibus pastoribus Ecclesiæ Anglicanæ. Et cùm Coleman diceret, Commissarios Scoticos ad Synodum Westmonasteriensem venisse, non animo disputationi & veritatem exquirendi, sed ut judices & sententiam laturos contra omnes dissentientes (sic enim & exteros Theologos Dordracum venisse) Gillespius, vindicatâ obiter Synodo Dordracenâ ab hac Arminiana criminatione: Se non tantum missos (*dicit*) ut discant, verum & Scoticanas Ecclesias, si quid melius ex verbo Dei edoceantur, id libentissimè recepturas. Et hujus (*inquit*) experimentum nuper dederunt, cùm Synodus Nationalis in Scotia quofdam particulares ritus ejus Ecclesiæ seponendos censuit, pro arctiori uniformitate cum Ecclesia Anglicana. Tertia calumnia contra Scotos est, quod promiscue quosvis etiam rudes & scandalosos ad sacram Cœnam admittant. Et hæc objectio Independentibus perpetuo in ore est, quam etiam Coleman Erastianus repetit. Cui sic respondet Gillespi in suo *Nihil Responde*: Ausim dicere multa millia à Cœna arceri apud Scotos, tanquam homines indignos qui admittantur. Ubi ego minister fui, aliquot Centuriæ rudium & scandalosorum abstentæ sunt: Ordo Ecclesiæ Scoticæ & Acta Nationalium Synodorum excludunt omnes scandalosos; atque hoc sit à piis ministris. Si negligant quidam Archippi, rationem illi reddent. Et cum Coleman in suo Maledicis regereret: Hanc expurgationem Ecclesiarum recentem esse, & vix unius anni ætatem habere, subjungit idem doctissimus vir: Imò, *inquit*, & regula & praxis in Ecclesia Scotica fuit, excludendi rudes & scandalosos à Sacramento, antequam natus essem, quanquam sub prælatis omnia in desuetudinem abierint.

De

De Scotico regimine Presbyterorum & Anglico sub  
Prælatis, exstant versus apud Laitonum, quos arbitror And.  
Melvini esse:

*Scotos lustra decem rexit sacer ordo Senatus,  
Absque notâ hæreseos, schismatis absque notâ.  
Et detecta feræ extersit vestigia diræ,  
Cui nomen triplex senio dinumerat.  
Anglia Præsulibus recta est septennia septem,  
Hæresibusque frequens, schismatisbusque frequens.  
Atque impressa feræ servat vestigia diræ,  
Cui nomen triplex senio dinumerat.  
Et dubitamus adhuc sacrum auctorare senatum,  
Exauctorato Præsulis imperio?*

In Praefatione ad Syntagma confessionum edit. Genev. 1612.  
Est Ecclesiæ Scoticanæ privilegium rarum præ multis, in  
quo ejus nomen apud ceteras fuit celebre, quod circiter  
annos plus minus LV sine schismate, nedum hæresi, unita-  
tem cum puritate doctrinæ retinuerit.

In Synodo Carentonensi Gallica clo loc XLIV, 26. Decembris  
hoc decretum contra Independentes conditum fuit: Quo-  
niam delegati maritimarum Provinciarum retulerunt,  
multos exterios nomine Independentium, in hoc regno  
versari, qui docent quamlibet particularem congregatio-  
nem suis legibus gubernandam, sine dependentia ab ulla  
aliis in Ecclesiasticis rebus, repudiata authoritate synodo-  
rum, classium, colloquiorum, magno in futurum periculo,  
nisi obviam eatur. Synodus metuens ex contagione hujus  
veneni turbas & confusionem, judicat eam sectam Inde-  
pendentium esse noxiā Ecclesiæ Dei, eosque ut intro-  
ducat confusionem, singularitatibus & extravagantiis fe-  
nestram aperiat, sublato omni remedio; eamque esse  
Statui periculosam, quod sic Religiones pro numero

Q 2 paro-

parochiarum multiplicari queant, omnibus Provinciis maximè maritimis mandat, videant ne illud malum in hoc regno radices figat, sed ut pax & uniformitas in Religione & disciplina inviolata conservetur, neve quicquam irrepatur servitio Regis adversarium. *Garrisole Moderator, Basnage Adjunctus, &c.*

### *De Cretensi Johanne Goodwin.*

Contra *Gangrænam Thomæ Edoardt* quidam Joh. Goodwin Cretensem opposuit, ipse Cretensium mendacissimus, quem omnes norunt solis calumniis & maledicendo nobilis, qui Presbyterianos & sanctum illud regimen nusquam non scurriliter exagitat. Pauca introspiciamus. *In frontispicio vocat se fautorem sanctorum.* Ubi, ut & in toto opere, per sanctos intelligit Schismaticos suos, & Brownistas. *Enimvero mirum cui videri possit, cum Edoardus inter alios errores Anabaptistarum, Antinomorum, Arianorum recenseat, qui haud dubiè Independentes sunt, & se tales profitentur; calumniatorem tamen illos omnes, nullâ distinctione factâ, sanctorum titulo includere, & nihil aliud possim crepare, quam classicos, Profelytos, classicam factionem, Prudentiales.* Et vide jactantiam hominis stolidam! *Independentia, inquit, caput suum extulit supra Presbyterium: Quantum lenta solent inter viburna cupressi; ut cedrus Libani supra carduos.* Tum ille Theomachus iterum contrapios flavam bilem evomit, cùm Presbyterianos Episcopis comparat, & hos tantùm ~~obligari~~ nugatur. *Enimverò lamentabilis res est, quenquam Christianum adeò projectæ impietatis esse, ut illa horrenda, quorum catalogum Edoardus pio domus Dei zelocompilavit, pro leviculis habeat; & ipsa ad id Apocalypsi abutatur, ac proclxxx haeresibus myriadas sibi exoptet.. Nec vanissimus homo se*

contineat.

continere potuit, quin omnes omnino Ecclesias orthodoxas calcaret fastu suo: Adeò, *inquit*, versatus sum in controversia de Imputatione fidei & Christi activa obedientia in justificatione, ut heic provocem omnes ordine Presbyterianos, sive in Synodo congregatos vel sigillatim, in Anglia, Scotia, Francia, Hibernia, si probare possint ex Scriptura, per rationes & argumenta, vel fidem non imputari propriè, vel activam obedientiam Christi, formaliter spectatam, imputari ad justificationem. *Hæc Thraso Cretensis.* Mille calumniarum formas sibi Morpheus ille assumit. Tandem Presbyterianos Jesuitis assimilat, furiosâ mentiendi cupidine. Cætera ipsum Edoardum spectant, & tria exempla negat vera esse; id quod de Cozeno Rocestriensi, Nicolao, & disputatione Calamii cum Anabaptistis referuntur; quæ authori vindicanda relinquimus.

*Synodus Nationalis Reformati orbis, unicum componendæ Angliæ remedium.*

**M**ulti sapientes, rerumque Ecclesiasticarum gnarissimi viri, in ea opinione sunt, finem controversiis, quæ Angliam exagitant, nunquam impositum iri, nisi vocatâ ex transmarinis quoque regionibus Nationali Synodo. Idque in primis Belgarum exemplo illustrant atque confirmant. Nam parem ferè, Independentium & Arminianorum, rationem esse. Utrosque cavillationibus suis, & tergiversatione, Ecclesiam pariter ac Rempublicam pessundare, nisi Senatus Theologorum Reformati orbis, eos ad modestiam & ordinem, salubribus consiliis, & si opus, censuris, revocet: Neque negari potest,

test, Belgium salutem suam, ac quæ secuta est, florentem hostibusque formidatam potentiam, secundum Deum, Synodo Dordracenæ debere. Et magna spes est, Parliamentum omnibus aliis frustra tentatis, tandem huic remedio, quod restat, assensurum. Nam de Regis quidem voluntate, nemini dubium est, qui multoties, sedandis Ecclesiæ turbis, Synodi Nationalis mentionem injecit. Quæ nisi mature convocetur, verendum est, omnia in deterius & sectas lapsura. Quantum indies licentia sibi turbones illi assumant, nemo absque horrore cogitare potest. Veluti quod nuperrimè sacrilegium, in fortissimi Herois Essexii tumulo, admiserunt. Adeò ne illis quidem parcunt, qui vindices Religionis & libertatis maximi fuerint; sed agere, raptare, cuncta pro lubitu, mente limfata, manu sacrilegâ, sectariorum Anglorum est. Deus misereatur populi sui, & omnes motus, quia humanitus desperata remedia sunt, ipse componat!

F I N I S.



IN